


**ANTI-PUTEANUS,  
SIVE POLITICO-  
CATHOLICUS,  
STATERAM PUTEANI  
INDUCIAS...**

---

Caspar Barlaeus, Erycius Puteanus









ANTI-PUTEANVS.

SIVE

POLITICO-CATHOLICVS,

Stateram Puteani Inducias expendentis aliâ  
Staterâ expendens.

*Loquuntur pacem cum proximo suo, mala autem  
in cordibus eorum. Psal. 27.*

---

COSMOPOLI,

*Apud Belgam Fidelem. Anno 1633.*



1114.1

Apud Belgiam Fidelem. Anno 1633.

# PHILIPPO IV.

## HISPANIARVM ET INDIARVM REGVM MAXIMO.

**N**On solùm inter Belgas & Rebelles Martis castra sunt, REX POTENTISSIME; sed etiam litterarum coruscant arma. Litteratorum aliqui adversùs Tuam dignitatem verborum tela & inimicas faces vibrant: alii forti umbone retundere conantur, fallaces male-sanorum consiliorum insidias detegunt, Tuumque nomen liberè & fortiter propugnatum eunt. Ego adversùs litteratorum hujus tēporis facilè Principem in arenam descendere ausus sum: non meâ eloquētiâ fretus (quæ multorum annorum spatio relicta, vix se colligere potest) sed Tui honoris defendendi iusto ardore inflammatus. Igitur adversùs ERYCIUM PVTEANVM, Consiliarium & Historiographum tuum arma cepi; hostem, an amicum? Quis dicat hostē, cūm Tuis alatur stipēdiis? Titulis Tuâ liberalitate datis illustretur? Et in ditione Tuâ adhuc liber garrat? Såltem non amicum testatur eius Statera, quâ Inducias tuo auspicio tractari cœptas, publicè sine Tuâ auctoritate, & imprudentissimè examinavit, examinandas omnibus proposuit. Nemo non indignè tulit. Quippe TVAM MAIESTATEM, Auctoritatem, & Potestatem imminuit apud hostes, quam necessitate ad

A ij Indu-

4

Inducias cogi in suâ scriptiunculâ hic Author fingit. Hoc potuit Statera illa; ut hostes ferociores redderentur, qui faciliè Inducias accepturi videbantur. Hoc potuit Statera illa; ut jam Inducias, REX MAXIME, cum hostibus sine tuo lempiterno dedecore inire non possis. Nam, si cum illis paciscaris; dicet orbis totus, ab Erycio Puteano edoctus, Te non nisi ad necessitatis metas redactum, ad Inducias venisse. Sed ostende MONARCHA POTENTISSIME, in Te esse vires, quibus paucas Insulas, Iure hæreditario Tuas, Rebelles compescas. Ostende bello acerrimo, & totis Imperii Tui nervis, quantum TVÆ INVICTISSIMÆ MAIESTATIS possit. Tot opprobria fidei Catholicæ, tuoque Nomini illata, *Unitate forti*, per *Marchionem de Leganes* prudentissimè dispositâ, & in Belgio cum magno applausu admittâ, ulciscere: ut in Belgium nostrum, auream Paccè brevi redire videamus. Habes Belgas, qui pro Fide, & pro Te, suas fortunas exponere, omnem belli aleam experiri, mortemq; ultimam subire non recusent. Igitur vires omnes advoca: sic longa diuturni belli impendia, parvo temporis spatio redimes. Consilia hic plurima sparsa sunt, ex multis excerpta: quæ utinâ in tuum Sacrarium perveniant, & animum tuum adversus hostes exsuscitent! Sic optamus omnes, Ego verò Anonymus, sed fidelissimus TVÆ MAIESTATIS Cultor, me Tibi totum consacro, voveoque. Vale MONARCHA POTENTISSIME. Deum precor, ut victoriarum laureis Te verè, & semper HÆRETICORVM VICTOREM ET LIBERATOREM ORBIS CHRISTIANI ostendat.

POLITICO-CATHOLICI Præfatio  
*Ad Lectorem.*

LIBELLVM hunc non torvo oculo leges: quisquis Deum, Regem, & Patriam amas. Politico-Catholicus est: hoc enim nomine eius Auctor gloriatur: quia vel non Politicus, vel Politico-Catholicus videri cupit. Vidisti puperrimè Erycii Puteani scriptum, nec Politicum, nec Catholicum. Non Politicum, quia Regi & Patriæ malè consulit: non Catholicum, quia ne verbum Religionis facit, & ejus consilium Fidei nostræ puritatem & libertatem labefactat. O Stateram, quam mox omnes non nisi risu & statim secutâ indignatione improbatunt! Hanc igitur Stateram aliâ expendimus. Authoris nomen ne quaere. Vnâ manu bilancem gerit, ut judicium hoc Puteani examinet: alterâ gladium, quo Regis arma defendat. Eloquentiam desiderabis: sed phaleras, belli studium; & dicendi flosculos, longa occupationum certamina abire jufferunt. Tu igitur utramque Stateram diligenter examina, & judicium tuum exacue. Nam (ut ait Isidorus Pelusiotæ lib. 3. epist. 9.) *eos qui de rebus judicant, acutissimo ingenio esse oportet, ut & eorum qui loquuntur facundiam, & eorum quæ dicuntur probabilitatem ac verisimilitudinem missam facientes, sensa ipsa introspicere, atque hinc expiscantes, veritatem haurire queant.* Vale Deum, Regem & Patriam ama.

*Epistolam Dedicatoriam imprimis breviter examinabo, deinde singulis Alphabeti litteris respondebo.*

*Epistola Dedicatoria PVTEANI.*

**Illustrissimo & Excellentissimo Domino FRANCISCO DE MONCADA**, Marchioni de Aytona, Comiti de Offona, in Provinciis Belgicis, terrâ, marique, *Belli & pacis* summo Præfecto.

**Illustrissime & Excellentissime Domine,**

*BELLI* finem pacē esse, omnis Antiquitas, sapientia, rationis, natura ductu docuit: armis verò vel conditionibus, victoriâ vel amicitia haberi. Nuper quidem finem, non finem, Belgæ adepti: felices, an infelices fuerint, dubium est. Quo enim gaudio semel abruptum est bellum, dolore rediit; tamquam gravior quietem labor sequeretur. Sed universi hac terrarum Orbis arma sunt: Regia, & in Regem. Bellum unum, omnia bella: unum enim involvit omnes. Post breve igitur otium, & imaginem velut pacis, duriora & infestiora omnia. Cumq; jam hostiū crederent vires & animi, tua Auctoritas, id est Regia, Legatione Germanicâ nobilis, & usurarum instructa, maturè interveniens, solido consilio, velut fulcro, res labantes sustinuit. Virtus quoque tua bello feliciter finiundo par erat, si tam facile interna vitari mala & pericula potuissent, quàm externa vinci. Ab ultimâ quidem conjuratione Bauciniensi nonne reliqua nutabat securitas Belgii? Quia tu regebas, celerius nescio, an felicius dolosi incendii flamma extincta est; nec una Provincia conservata. Sic verò quia majori jam molimine gerendum erat bellum, in hostem educis exercitum, & ut ampliùs quàm pugnares, passus es victoriam Pace æstimari. Bonum factum: Conditiones tractari capta, animos omnium utrimque ad spem Induciarum, & novum belli finem erexere. Ego à Perillustri lo. Woverio, AÆrarij Assessore (qui ad belli Pacisq; consilia etiam libenter litteras advocat) interpellatus, ut Induciarum negotium expenderem; Viro Magno obsequi, officiosum putavi; suave, Amico placere. Quid? Munere meo tituloq; usus sum, & Belli ac Pacis momenta trutinans, quandam velut Stateram delineavi. Delineavi, inquam; sed ut tuam facerem, & Excellentissimo nomini tuo consecrarem. Facio, consecro, tua est: magis etiam, si  
examine

*examine tuo dignam existimabis. Quia studia mea Pacis sunt, etiam consilia: sed argumentum amplissimum, quò eloquio non potui, voto complexus sum. Volui enim, quantum Regi meo debeam, brevi hoc scripto profiteri. Vale, Illustrissime & Excellentissime Domine, & quo loquentem me affectu audire soles, nunc scribentem amare. Tuà audens virtute aut sperare Pacem, aut bellum non timere, felix ero; meamq; felicitatem tuæ incremento gloria metiar. Felices autem ipsa sic esse Listera incipient. Lovanii, in Arce, 6. Kal. Iunii 1637.*

*Epistola PUTEANI Dedicatoria examinatur à  
POLITICO-CATHOLICO.*

PUTEANVS.

*Illustrissimo & Excellentissimo D. Francisco de Moncada, Marchioni de Aytona, Comiti de Ossona, in Provinciis Belgicis, terrâ marigæ, Belli & Pacis summo Præfecto.*

POLITICO-CATHOLICVS.

Imprudentiã me mirer, an malignitatem? utramque. Adeone parum prudentem Marchionem putasti, ut Stateram tuam ad exacti iudicii sui æquilibrium non ponderaret? Movebat castra: & subito suadebas pacem. Ejus prudentia jam satis toti Belgio perspecta ac probata. necessarium judicabat bellum: tu verò ejus imprudentiã emendare voluisti; & hoc scripto eum à bello velut fatidicus vates infauis auguriis abstertere conatus es. Nimirum, ut Auriacus, qui Rhinsbergam obsidebat, facilius & liberius ad reliqua uno velut haultu absorbenda pergeret. Nam cur potius Auriacum ad pacem non excitasti, qui bellum jam gerebat, cum se tantum quasi pararet. Marchio? An & huic inuidebas non mediocre apparatus & audax consilium, quo, si Rhinsbergam obsidione non liberavit, saltem Batavicorum armorum torrentem sistere potuit? Sed cur non alium delegisti, cui hanc Stateram dedicares? Marchionem, quia Belli & Pacis summum Præfectum aggressus es? Sicut se capitalem



lem Civitatis hostem præstat, qui communem fontem, ex quo omnes aquæ per fistulas in civitatem derivantur, venenis imbuat: sic tu talem te Reipublicæ præstas, qui illum tuis pravis consilijs tentas inficere, ex quo in illam salutaria profluunt consilia. An hominem fatuum te reperisse credideras, quem tuis sinistris vaticiniis deterrere; cui pacem, permittens navigatione Indicâ, & quibuslibet conditionibus, esse meliorem & acceptandam. quinimò Bataviam (sic enim loqueris) à Rege deferendam esse, te persuadere posse & velut fascinare existimares? Alium querere debebas Patronum: vel Patriæ proditorem, vel ipsum Auriacum, cujus encomia hic recitas. Et ipse fortassis tuâ facundiâ usus est: ut quos armis superare facile nō potest: unâ seditione, ad quam excitandam videtur hoc scriptum prodiiisse, superaret. Igitur insidias eloquentiæ, non minus quàm belli, timere debes, Excellentissime Domine. Nam sub melle sæpè venenum latet, *atque incredibile est (ait Seneca epist. 90.) quàm facile etiam magnos viros dulcedo orationis abducit à vero.* Intercæ perge, & fidem huic diserto negandam esse ostendas: & doceas armis tuis necessitatem, quam fingit, vinci posse.

### P V T E A N V S.

*Ego à Perillustri Ioanne VVorverio, AErarii Assessore interpellatus, ut Induciarum negotium expenderem: viro Magno obsequi, officiosum putavi; suave, amico placere.*

### P O L I T I C O - C A T H O L I C V S.

Vt privato amico studeas, Patriam contemnis? Amicitia leges tunc violandæ, ubi publica Patriæ necessitas & utilitas aliud exigit. *Amunt Patriam amicitia proponendam esse, ait Martius epist. ad Ciceronem lib. 11. epistolar. Ciceronis epist. 28. Pulcherrima etiam est sententia Sophoclis in Antigona.*

*Καὶ μᾶλλον ὅς τις ἀντὶ τῆς αἰνῆς πατρίδος  
φίλον νομίζει, τῶτον εἰδόμενόν λέγω.*

Id est,

*Qui pluri quam suam Patriam amicum ducit, hunc nequaquam amicum duco, live (ut vertit Turnebus lib. 20. Adverf. cap. 31.) hunc nullo loco habeo & improbum judico. Tuum silentium postulabat Patria, vel meliorem orationem: tu amicum, fortasse iniqua postulantiem, Patriæ prætulisti. Præterea Viro Magno (& quam Magno, ut eum Regi Maximo anteponas?) obsequi, officiosum non erat: utpote cum & ipsi, & tibi, & Regi Maximo tuum noceret officium. Te Ioanni Woverio sic obsequi: ut alii suo Regi non obsequantur, nec ejus voluntati permittant omnia: Tu aliter amico placere non poteras, nisi Patriæ displiceret, nisi ipsi suave solatium adimeres: & in eam stylo tum aperto, tum quasi per cuniculos pugnares? Patria pro Rege suo pugnat: & cum rerum suarum detrimento, Regi obsequi gloriosum putat: tu omnium animos scripto tuo ab obsequio Regis suas Provincias bello iustissimo reposcentis avertere moliris sub blandâ Pacis imagine.*

P V T E A N V S.

*Quid? Munere meo titulos, usus sum.*

P O L I T I C O - C A T H O L I C V S.

Munus tuum, historiam docere & scribere est, communia Politices semina in explicando aut scribendo spargere; quæ Patriæ vulnera lenire, non exulcerare possint. Si quo Consiliarii titulo ornaris, & hunc Regi debes. Consulere igitur Regi & Patriæ decebat: non mendicitatem militum nostrorum exprobrare; planè exhaustum ærarium, aliaque Patriæ damna hostibus aperire & prodere, non dignitatem Regis minuere, eumque intra necessitatis angustias includere, non Indicæ navigationis libertatem Hollandis permittendam suadere, non eorum vires amplificare, eorum animos satis infestos augere & inflare, nostrorum frangere. Et Consiliarii officium putas, querelas facere, suadere finiendum bellum, & nullum rectum finiendi modum dare? Audi Isidorum Pelsusioram lib. 4. epist. 70. *Querela pat facile & cujusvis fuerit: at*

B

dicere

*dicere quo pacto desinere possimus invicem belligerare, hoc demum est Consiliarii. Hæc ille.*

PVTEANVS.

*Belli ac Pacis momenta trutinans, quandam velut Stateram delineavi.*

POLITICO-CATHOLICVS.

Vtinam in æquilibrio foret posita, neque plus Hollandis faveret quàm Regi! Monebat Minutius Felix in Octavio: *Impresensiarum tamen ita tibi informandus est animus, ut libram teneas æquissimi judicis, nec in alteram partem propensus incumbas.* Dum in aliam partem propendes, dum adversarios laudas; dum nihil ad Regis dignitatem loqueris; non Stateram delineavisti, sed procul de rectâ rationis lineâ ivisti. An nihil fortassis, quod ad Regis dignitatem faceret, sinistra mens tua reperiebat? Sanè multa laudanda erant, quædam excusanda; plurima in hostibus vituperanda, contemnenda.

PVTEANVS.

*Volui enim, quantum Regi meo debeam, brevi hoc scripto profiteri.*

POLITICO-CATHOLICVS.

Non parum Regi debes. Stipendia, Arx, & alia testantur beneficia: sed ingratitude profiteris. Regis nomen defendere, ac voluntatem probare debuisses, Pacem Regi suadere, non populo; non Patriam Pacis dulcedine à gerendo bello seducere. Quod sub nostri Marchionis de Aytona ductu gerendum cum majori fructu speramus: quem fortissimum prudentissimumque militiæ Ducem habemus; qui magnitudine animi, moderatione, vigilantia, liberalitate, quâ nec suis bonis parcit, magnum sui apud omnes amorem & admirationem peperit; qui in transitu Mosæ, ut Stephani-Werdam occuparet, omnibus penè reluctanter sui Exercitus Ductoribus, in conspectu hostium se generosum & audacem ostendit, neque tacitum ac prudens suæ fortitudini deesse consilium. Vno verbo, potius tacere debuisses, quàm sic loqui, ut Regem odisse, Marchionem contemnere, & Hollandos amare non videreris.

PUTEANI Argumentum Dissertationis in Capita sua  
litterarum numero distinctum.

A. **E**xordium à consilii ratione. Io. Woverii, *Ærarii Regii Assessoris* laus, belli consilia ad Pacem vertentis. Statera belli & Pacis opus esse, ut Inducia expendantur.

B. Belgii vario Marte deformati facies. Misericum fuisse, ut quiesceret; rediisse ad arma, ut miseria angerentur. Dictionis lineamenta.

C. Bona Pacis, Induciis, tanquam indiciis, manifesta esse: belli etiam mala hinc magis nunc deprehendi.

D. Quid Inducia, & quanti facienda.

E. Pacis & belli comparatione suadentur. Arma non nisi quietis causa esse: in longum durare non posse, nisi ut mala fiant.

F. Quid potissimum Belgæ bello passi: bello, vitiis tandem suis in senium provento.

G. Damna privata & publica.

H. Majora etiam pericula imminere, nisi à quiete remedia sint.

I. Inclinator in Pacem hostes esse; esse ipsum belli Ducem Auria- cum; sed Regē nostris imprimis malis invitari. Hostes, non jã auctores belli, sed heredes, aliorum pugnare viribus: prodesse posse, si amici fiant.

K. His ipsis nisi parcat, ladi maxime subditos, proniores in obsequium, quò à servitute remotiores sunt.

L. Ladi ipsum Regem: quem unum in unâ Provinciâ omnes oppugnant; bellum sic quidem subsidii suis aeternum facturum.

M. Incertam hic victoriam esse, fortunam cæcam: Fœderatos sapere, qui ne in victoriâ quidem fortuna credunt.

N. Sapere Corinthiorum, Atheniensium, Romanorum exemplo. His enim spreta aliquando pax, calamitas fuit.

O. Nos moneri maxime, ut eodem exemplo utamur, tardâ jam & enervi mole bellum trahentes: moneri ab ipso hoste. Tuta dubiis, quæta turbidis præferenda esse.

P. Regem nostrum, Maximum esse, & unum timeri: uni quoque multos timendos esse.

Q. Tranquillum Orbem non fore, nisi pugnare pauci desinant.

R. Paucos illos, Batavos esse, ausos olim vires Romanas provocare: sed à bello in gratiam & amicitiam receptos.

S. Nunc etiam ab armis ad conditiones, sed aquas & benignas, veniendum esse.

T. Laudati, qui auctoritate id Regiâ agunt, ut aquae & benignae sint, iusta & salutaris.

V. Epilogus, spei metusq; aequilibrio ostendit, quietem periculo, Pacem bello potiore esse: benevolentiam magis, quam violentiam haberi.

X. Induciarum pacta bonâ fide stabilienda esse: non aliter felicitatem populorum, non Regis stare.

T. Hanc Stateram esse, & Sapientissimi Viri Io. Woveri iudicio submitti.

Z. Voto publico Pax expetita.

#### POLITICO-CATHOLICVS.

Qui litteras invenit, magno generis humani bono invenit. Sed omnia bona, pravo usu mala sunt. Non sufficiebat ex litteris malas & iniquas dictiones ac orationes formare, nisi etiam & ipsae litterae, solae, turpissimum argumentum distinguere, & quasi viginti tria vexilla totidem inimicas verborum legiones significarent. Sed in ordinem componere, recteque distinguere, prudentis est. An id assecutus sit Putteanus, judicabis Lector; ubi videbis ne quidem unam Alphabeti litteram à me relinqui, quin ostendam sub eâ contineri quae longè aliud quam prudentiam spirant. Singulae litterae, ut infesta labara, non ostentant Regis insignia, sed Batavorum; & S. P. Q. B. Senatus, inquam, Populiq; Batavici consilia, utilitatem, dignitatem videntur preferre. O infausta litterae, quae tam infelix & perniciosum argumentum distinxistis! O ATTICA SVADA, tam malefuada! O DISTINCTIONIS FACVLA, potius flammam quam serenam Patriae splendorem illatura! O florida & diserta verba, quae colubros tegunt veneno armatos! Sed ecce vos cum Virgilio Eclog. 3. monitos volo.

*Qui legitis flores & humi nascentia fraga;  
Frigidus, o Belgae, pulchrâ latet anguis in herbâ.*

Sed

Sed quid te, Lector, præ foribus tam diu teneo, nec te introduco? Quæso, bone hospes, ut non iniquo animo feras: præambula sunt, & nostræ responsionis PRÆLYDIA. Mox ad LVPMIBIS, ibique Alphabetum meum disces: cui non solum præfixa + est, Christi Symbolum; sed ubique intertexta est Christi gloria: ita ut vocales vocem non edant nisi cum Catholicæ Religionis bono, nec aliter consonent consonantes. At, tantisper in atrio hic subsiste, donec prius Sallustii sententiam, quam suæ Stateræ præfixit Puteanus, paucis examinaverimus.

*Sallustii Sententiâ à PVTEANO Stateræ præfixa.*

SALLVSTIVS.

*Scio ego, quàm difficile atque asperum factu sit, consilium dare Regi, aut Imperatori, postremo cuiquam mortali, cuius opes in excelsis sunt: quippe cum & illis consultorum copia adsint; neque de futuro quisquam satis callidus, satisq; prudens sit. quin etiam sæpe prava magis, quàm bona consilia prosperè eveniunt: quia plerasque res fortuna ex libidine suâ agitat.*

POLITICO-CATHOLICVS.

Imprudentiam tuam & temeritatem arguunt hæc aurea Sallustii verba. Sciebas esse difficile atque asperum factu, consilium dare Regi: & tamen ausus es periculosa plenum opus alexæ tentare. Qui periculum amat, se in eo perituum timere debet: Sic prudenter Scripturæ magisterium sequetur. Periculi magnitudinem ex hac sententiâ hoc modo colligere debuisses. *Scio ego, quàm difficile atque asperum factu sit, consilium dare Regi:* Cur igitur hæc consilia potius Batavorum quàm Regis dignitati & honori faventia proponere audeam? Sed etiam velim scias ita à naturâ factum Regem nostrum, ita clementem ac modestum; ut non difficile atque asperum factu sit, consilium ipsi dare: imò consilia, si honesta sint, si Catholicæ Religionis & Regiæ Majestatis splendori non detrahant; admitte ille æquo animo, ideò enim tot Consiliarios & te suâ liberalitate fovet ac sustentat. Magisq; miror tuos ausus temerarios, cum &

*Consultorum copias* in Patriâ esse non ignores: qui si te fortassis eloquio non vincant, certè prudentiâ superant; & majori authoritatè alia consilia salubriora Regi subministrare poterant; aut hæc tua consilia, si de eorum soliditate dubitassent (non solùm autem dubitassent, sed iniqua procul dubio existimassent, & idcirco Regi non obtulissent) non impressa sed scripta, obtulissent. Sed quàm nemo *de futuro satis callidus, satisq. prudens sit*, tu ipse es exemplum: quia Inducias credideras futuras; putabas te rem futuram non tam consulere quàm vaticinari, & sic omnium voto locutum esse. Errasti. Denique si *sapè prava magis quàm bona consilia prosperè eveniunt*; quis non miretur tua prava consilia, id est, Inducias non prosperè evenisse? Non successerunt, quia bonum bellum est, & geretur, non res Belgicas fortunâ ex libidine suâ agitante; sed Dei consilio atq; providentiâ. Qui ecce duas classes auro graves misit ex Indiâ Occidentali, & terriam ex Indiâ Orientali, id est, pecunias misit, belli nervos. Ostendet ergo Rex, Dei auspicio, se necessitate (quam fingis) non victum, sed hostes ipsâ necessitate (ad quàm vi armorum adiget) victurum. Fave Deus: nam *tua res agitur*, id est, Catholicæ Religionis. Absolvi, Lector; ingredere & examina: Puteani Stateram tibi propono & meam, id est, ejus verba & mea, ut sic ex æquo judices.

## ANTI-PUTEANVS

S I V E

### POLITICO-CATHOLICVS,

*Stateram Puteani, Inducias expendentis, aliâ Staterâ expendens.*  
ERYCI PUTEANI Belli & Pacis Statera, quâ Inducix, auspicio Regio tractari cœptæ, expenduntur.

A. Quando omnes passim loquuntur ac deliberant, optimum à mutis & mortuis consilium est. Homines quoque sitaceant, vocem inveniunt libri; & quæ nemo dicit, prudentissima Antiquitas suggeret. Nunc verò res quæ agitur maxima, & quæ fortunas salutemq. spectat omnium, silentium ubique abstulit. Suo quisque judicio privatim expendit,



pendit, quæ tractari audit publicè; promit opinionem, ut & loqui publicè videatur. Quid agis igitur Prudentissime, & tuo major ævo, Woveri? ut & ego in numerum veniam, unusq; è multis sim, si dicam unus, quæ multi: Peccare malo, quàm aut affectum meum non proferre, aut tuum non sequi, qui splendidissimum à bellis titulum salutaribus ad Pacem consiliis constanter & ardentè dirigit. Dicam pauca, ne solus tacuisse videar: dicam mea, non tam rerum usu collecta, quàm lectione studiisq; litterarum observata. Mea, ut tua fiant, & si fortassis aberrantia, vel castiges liberè, quod iudicii tui erit; vel benignè excuses, quod amoris.

Belli & Pacis, ut sic appellem, Stateram formo, tempori aptam, examini commodam; quâ Inducias feliciter tractari cœptas, necessitatis præsertim pretio æstimem, cui innexa utilis honestiq; ratio suo promiscuè pondere libramentum directura sit.

Responsio POLITICO-CATHOLICI ad primam litteram, A. Pureani.

PVTEANVS.

Res quæ agitur maxima, & quæ fortunas salutemq; spectat omnium, silentium ubiq; abstulit. Sui quisque iudicio privatim expendit, quæ tractari audit publicè; promit opinionem, ut & loqui publicè videatur.

POLITICO-CATHOLICVS.

Injuriam doctrinæ tuæ facis, qui in primâ Alphabeti litterâ statim erras. Privatim tu quoque expendisses, non publicè. Publicè expendis, cum Stateram tuam perniciosis interpretationibus corruptam facis publicam. Arbitrium rei maximæ & quæ fortunas salutemque spectat omnium, quo jure sumis? Authoritate publicâ opus, ut Inducias publicè expendendi jus haberes. Quis suâ potestate arduum & periculosum in Repub. judicandi munus arripiat? Committi debet, non arripi. Quis, nisi temerarius, se publicis rebus immisceat, privato tantum amici consilio fultus? Tacere debuisses, etsi ab amico rogatus: quoniam non ab eo, qui publicâ authoritate tantæ rei trutinam tibi committere potuisset.

PVTEANVS.

Quid agis igitur prudentissime & tuo major ævo Woveri?

Po.



## POLITICO-CATHOLICVS.

Imò imprudentissimum & suo perniciosum ævo non verebor appellare, si hæc tibi argumenta suggesserit. Sed quis credat? non inquirō. Erumpet veritas aliquando.

## P. VTEANVS.

*Vt & ego in numerum veniam, unusq; è multis sim, si dicam avus, quæ multi?*

## POLITICO-CATHOLICVS.

Latent scilicet adhuc serpentes, qui columbæ candorem præferentes, in occulto sibilare non desinunt & venena ructare. Suam & illi exiguam in Regem benevolentiam, tuo testimonio revelant. Dum eorum ore loqueris, eorum animos tuâ oratione manifestas. Vnus autem dicis quæ multi, sed non ut ipsi, quia publicè: nemo illorum scripsit. Timere debebas, ne factiosorum caput & lingua habereris. Et quid multos tibi subscribere revelas? Dicit Seneca lib. 3. de beneficiis, cap. 16. *Non expedit notum omnibus fieri, quàm multi ingrati sint.* Nocet enim cognita multitudo peccantium, & tacile trahit in sequelam. Velim deinde audias Ambrosium ad virginem lapsam, cap. 9. *Non tibi de multitudine peccantium similium blandiaris & dicas: non solus hoc egi, multos habeo socios: sed recogita, quia multitudo sociorum impunitatem non facit criminum.*

## P. VTEANVS.

*Peccare malo, quàm aut affectum meum non proferre, aut zelum non sequi.*

## POLITICO-CATHOLICVS.

Igitur non inscius peccasti. Auget facinoris magnitudinem voluntas peccandi. *Romani veteres magis voluntatem peccandi intuebantur, quàm modum, ait Velleius Paterculus lib. 2. cap. 8.* Exaggerat & illud Demosthenes orat. pro Ctesiphonte his verbis: *Facit aliquis injuriam prudens? irate Leges, infesti Iudices, pœna in eum constituta.* Peccavit aliquis imprudens & invidus? huic venia datur, non supplicium quaeritur. Sed quàm cæcus ille amor tuus, quandoquidem Regem

gem Patriamque contempseris, ut affectum tuum proferres, at imprudens & perniciosum amici consilium sequereris. Non mirum, si in judicando erraveris, cum dicat ille: *Omnis amor cæcus, non est amor arbiter æquus.* Et Cæsar apud Sallustium in bello Catilinario sic exordiat: *Omnes homines, qui de rebus dubiis consultant, ab odio, amicitia, ira, atque misericordia vacuos esse decet. Haud facile animus verum providet, ubi illa officiumt.* Quinimò fortasse defensionem tui, quam amicitiam Woverii pluris æstimasti: nam imitatus videris eos, de quibus loquitur Maximus Tyrius Dissert. 8. *Qui occultè in alios, quorum major est autoritas, culpam derivant, ut facinus à se commissum ita elevent, si tales in societatem ejus venire ostendant.* Plus igitur amicum læstisti, quam æstimasti.

## P V T E A N V S.

*Dicam pauca, ne solus tacuisse videar.*

## P O L I T I C O C A T H O L I C V S.

Vtinam pauciora hic niger calamus! Isocrates, referente Maximo ferm. 2. *Duo dicendi genera statuenda dicebat; vel de iis quæ certò novimus, vel de quibus dicere est necessarium. In his enim solis oratio silentio præstat, in aliis melius est silere quam loqui.* Ita Lycosthenes de silentio agens. At nec certò novisti quæ scribis, & imperitum te ostendis eorum quæ Statum spectant: præterea de iis dicere non erat necessarium. Plus enim tuo silentio, quam simili eloquio Rempublicam promovisses.

## P V T E A N V S.

*Belli & Pacis, ut sic appellem, Stateram formo, temporis aptam, examini commodam; quæ Inducias feliciter tractari cæptas, necessitatis præsertim pretio æstimem, cui innexa utilis honestiq; ratio suo promiscue pondere libramentum directura sit.*

## P O L I T I C O C A T H O L I C V S.

Stateram in hoc rerum turbine ineptissimam & perniciosissimam formas. In eo laborat, ut omnium animos enervet. ne bellum, quod Regis jussu & autoritate adhuc geritur, promptè prosequantur, sed detreçant seditiosè. Statera hæc per populi manus volitat, qui malis mederi non potest, sed

C potius

potius propositis Patriæ vulneribus, hastam abjicere. Malè autem Inducias necessitatis pretio æstimas, ei que non rectè utilis honestique rationem innectis. Honestæ Regi nostro esse non possunt, sed turpes; quia Regem necessitate ad Inducias coactum ostendere conaris. Non utiles, quia Regius animus nullam agnoscit utilitatem, nisi cum honestate & Religione conjunctam. Sed hæc infrà.

### Littera B. PUTEANI.

Inter plerasq. Europæ & Orbis Christiani Provincias, genio, ac situ, omniq. laude Belgica naturam suam extollunt: sed longo bello, velut morbo tam graviter affecta; ut aliarum undique ad se mala traxerint & calamitate quoque nobiles sint. Semina miseria, interna dissidia, quæ in fœdera deinde & arma eruperunt. Vario Marie certatum est, in Regem, & pro Rege. Pars libertatem, nescio quo fervore, sibi asserere; pars obsequium constanti fide profiteri. In ipsis, ut sic dicam, aquis excitato incendio, hanferunt flamma quicquid remedium esset: cumq. major fiducia, quam curâ ageretur, non aliud finem bellum habuit, quam ut tractum sit. Lassa tandem utrimque arma, Induciis, sed brevibus interquieverunt. Rediit furor, adeoq. resumpto velut spiritu, in novam calamitatem recrudit, ut fœderata vires, quia parva, plus ad victoriam curâ attulerint: Regia, quia longinqua, & sic tarda, imò ut plurimum inutiles, non potuerint nisi in alimentum belli erogari. Ergò tantum in unâ propemodum Provinciâ auri consumptum, quantum Europa vix tota deglutires. Militia ipsa, quia sexaginta & amplius annorum morâ consenuit sine fructu victoria, florem quoque disciplinæ amisit. Hostes sua vitia habent, & nos nostra: majora etiam, quia majore sumptu & mole pugnamus. Prorsus tanquam utrimque videamur ad quietem trahi: utilitate dicam, an necessitate? consilio, an periculo? Expendam singula, argumento magis quam ordini inhaesurus: nec ut Orator, sed potius ut consultor: nunc bona, nunc mala, suis momentis: nunc mala, nunc bona. Pacis bona, belli mala, eadem quasi trutinâ, ut si intelligere mala belli incipimus, bona pacis, & hinc Induciarum æstimemus.

Responso

Responsio POLITICO-CATHOLICI ad Litteram  
B. PUTEANI.

PUTEANVS.

*Vario Marte certatum est, in Regem, & pro Rege. Pars libertatem, nescio quo fervore, sibi asserere; pars obsequium constanti fide profiteri.*

POLITICO-CATHOLICVS.

Nesciebas quo fervore? Non ignorabas impium esse, qui non ex Regis vitio, sed ex Religionis & unius Ducis odio frustra & malè suscepto, ex perfidorum & improborum Principum quorundam conjuratione flammam sumpsit. Et nonne impius, qui fidem antiquam extinguit, Regiam hæreditatem rapit? Religionem primam nomino: quia quidam sunt malè Politici, qui hanc ultimam statuunt. Atheos dixerim, qui sic Deum negligunt; quasi sine Deo verâque Religione, Status stare posset. Sub Guilielmo Auriaco sacra omnia prophanata, in exilium acti Sacerdotes & Religiosi, quin etiam variis excruciatii suppliciis, Catholici omnibus dignitatibus spoliati, officia omnia in sordidam hæreticorum colluviem reciderunt. Et quo fervore Regiam hæreditatem rapuerunt? injustissimo & flagitiosissimo. Patrimonium Regis est. Primò Maximilianus cum Mariâ uxore suâ sine bello Belgium accepit. Philippus I. deinde ejus filius cum Ioannâ Ferdinandi & Isabellæ filiâ, Hispaniam ac tot illi adjuncta Regna, dotis nomine possedit: in quæ omnia Carolus V. Imperator successit. Tandem Alberto cum Isabellâ Clarâ Eugeniâ felices nuptias contrahenti, Philippus II. Belgium dedit: quod, cum prole caruerint, ad Philippum III. rediit, cujus hæres Philippus IV. Quo jure igitur invaserunt, & jam occupant? fervore libertatis scilicet. Sub hujus colore servitutem induxerunt. Statim ac imperium obtinuerunt, libertatem conscientiarum Catholicis non solum denegarunt, sed illos Senatu moverunt, ab officiis rejecerunt, severis legibus constrinxerunt. Quid aliud libertas conscientiarum, quam

indifferentia fidei? Persuadebant Catholicis, ut securè cum illis habitarent, tanquam ad bonorum Ecclesiæ communio-  
nem admittendi, sed tandem incauti & infelices in servitu-  
tem redacti fuerunt, tormentis excarnificati, ex suis digni-  
tatibus deturbati, & miseram ætatem coacti transigere. Am-  
sterodamensibus promiserant annò 1578. 8. Februarii die, ar-  
ticulo 1. *In Amsterodamensi civitate & omnibus ejus Territoriis*  
*terminis ac dominio, nulla præterquam antiqua Romana prædicabitur,*  
*docēbitur, exercebitur Religio.* In conventionē Graviensi anno  
1602. polliciti erant art. 1. *Omnes Religiosi, tam viri quam femi-*  
*na, nullo excepto; item omnes Catholici, erves & inquilini, in Catho-*  
*lica Religione exercitio pacificè agere & manere permittentur.* Sed  
promissis suis, quæ jurejurando confirmaverant, non stete-  
runt. An qui postea Ruremundanis & Trajectensibus permi-  
serunt, eandem, quam aliis, fidem servabunt? Catholicos in  
Sacris turbari, rideri, ac vexari, querelæ etiamnum audiun-  
tur. Nec tantum Catholicos hæc premunt servitute, sed et-  
jam Arminianos concives suos coegerunt in Dordracenam  
Synodum jurare eamque propugnare. De Arminianorum  
oppressionē Ferdinandus ab Efferen in Manuali Politico  
lib. 2. punct. 9. sic ait: *Pugnarunt Hollandi quinquaginta annis pro*  
*libertate conscientia, ut præfert causa belli. Quid obtinuerint, loquun-*  
*tur Arminiani ipsorum concives, quibus non tantum gravi penâ inhi-*  
*bita est professio sua fidei, & adempta libertas conscientia; sed etiam*  
*jus naturale, defensio denegata manet.* Malè igitur dicis Hollan-  
dos asserere libertatem sine addito. Hanc falsam, insanam,  
& imaginariam cognominare debuisses. Si à Religione ad ci-  
vilem statum transeamus: majorem apud nos libertatem, &  
minorem servitutem, quam apud Batavos reperiemus. Nulla  
minor servitus, quam sub uno & bono Rege. Nulla major  
servitus, quam apud Batavos, apud quos solum libertatis no-  
men, umbra, & nihil. Apud illos pro unico Rege tot sunt  
Domini, quot viri, qui Senatū constituunt. Liquet autem  
multiplicato numero Dominorum augeri serviendi vilita-  
tem. Quinimò apud nos tantum libertas est: apud illos ser-  
vitu

virtus & captivitas. Ex sententiâ D. Chrysologi loquor, *serm.*  
62. *Servire, inquit, uni libertas est; captivitas, multis.* Rectè igitur  
Homerus Philosophiæ parens Iliad. β. statuit.

Οὐκ ἀγαθὸν πολυκρατεῖν, εἰς ἓν ἔσθαι.

Εἰς βασιλεύει. Non bonum est multorum dominatus,  
*Vnus Dominus esto, unus esto Rex.*

Quid de tributis & vestigalibus dicam? Tanta sunt apud  
Batavos, tamque intolerabilia, ut potius maximâ tyrannide  
opprimantur. De quibus si paulò fusiùs dicam, operæ pretiū  
facturus videbor. Duplicia sunt apud eos tributa; generalia  
& particularia. Generalia, à quibus nemo eximitur, media  
vocantur ad belli sustentationem deputata: & in tribus con-  
sistunt; nempe in tributis & vestigalibus publicis, licentiis  
sive portoriis, & commeatu sive salvo conductu. Vestigalia  
publica excedunt nummum decimum, quem Dux Alba-  
nus ex omnibus rebus quæ vendebantur, exigebat. Non  
tamen apud eos nummus decimus appellatur, sed alio spe-  
cioso nomine apud rudem populum palliavit iniquitas.  
Nec solum ex rebus quæ venduntur (sicut petebat Alba-  
nus) apud Rebelles sit exactio, sed ex omnibus bonis, mo-  
bilibus, & immobilibus, etiamsi non vendantur. Dant igitur  
ex bonis mobilibus & immobilibus pretium decimi  
nummi (licet apud ipsos nummi decimi non sit appellatio)  
ita ut ex decem vaccis dent unam, ex decem domibus u-  
nam, ex decem poculis lactis unum, ex decem caseis unum,  
ex decē pondo butyri unum. Secundò, licentiæ sunt portoria  
omnium mercium, quæ vel evehuntur ex Hollandiâ, vel in  
illam invehuntur, vel quæ exiguntur pro transitu fluminum,  
sicut pro Scaldi apud Lilloam & alibi; pro Rheno apud  
Orsoyam & Rhinsbergam & alibi; pro Mosâ, Trajecti. Ter-  
tiò, media quæ in commeatu & salvo navium conductu  
consistunt, ad exsugendum populi sanguinem sunt excogi-  
tata. Pro navi dives mercator, pro scaphâ pauper rusticus  
caseos & fructus ad forum vehens, pro quolibet vase & pro  
qualibet re quæ navi imponitur, juxta ejusque magnitudi-

nem dant. Vectigal sanè intolerandum ; & fit aliquando ut una navis duo vel tria millia florenorum pëndat, eo solo nomine quòd conducatur; cùm tamen nulla navis præfidiaria commeet. Vectigalia particularia sunt infinita, utpote omnibus rebus imposita. Pro quolibet vase vini, dantur decem aut duodecim floreni. Pro quolibet vase cerevisiæ, sex floreni. Ex quolibet modio tritici, hordei, siliginis, avenæ, aliorumque granorum, sesquimodius demitur. Pro quolibet scripto & instrumento solvi debent quinque asses, ut Statuum sigillo minori muniatur ; sine quo nullum scriptum est reatum ac legitimum, siue sit testamentum, obligatio, petitio, testimonium, memoriale etiam duabus tantum lineis expressum. Denique vectigalia omnibus rebus sunt affixa, panno, omni que materiæ vestibus conficiendis idoneæ, cunctis rebus commestibilibus & potabilibus, etiam lucro diurno famuli & famulæ, calceis & pileis, carnibus, piscibus, saccharo, sali, tabaco, ceræ, caseo, butyro, ligno, chirothecis, & omnibus telarum generibus, domibus, caminis, aceto, lacti, melli, panibus, farinæ, tritico, pratis, hortis, singulis capitibus gregis alicujus, fructibus, etiam candelis sebaceis. Et quis non rideat, nec ipsos partus à tributis liberos esse? Vix lucem haurire cœperunt, & statim tributo obnoxii sunt. Vbi peperit mulier, si sit proles mascula, duo floreni cum medio exiguntur; si feminini sexus sit, duo floreni; quasi captivæ proles, cùm tamen, ut aiunt, sint ad libertatem natæ, non aliter suam libertatem, nisi mox à servitute debeant incipere. Fit ergo ut tantum videre, audire, & respirare sine tributo possint: & jam non decimum nummum, sed quintum extorqueant. Denique ipsum mori à tributo liberum non est; nam corpora sepelienda, in arcâ lignæâ recondi non possunt, nisi prius secundum cujusque qualitatem, quatuor, quinque, imò etiam octo floreni conferantur. Nec spes esse debet brevi minuenda hæc tributa. Enimverò altiùs ascendent, quâdoquidem Rebellium Provinciarum debita exurgant ad centum quinquaginta & plusquàm milliones florenorum.

norum. Quis non hęc tyrānidem animadvertat? Quis hos populos liberos dicat, quos tam graviter oppressos videat? Sylvæduces & Trajectenses interrogemus. Libertatem, quā sub Rege nostro fruebantur, amissam dolent, execrantur tyrannidem Batavorum, qui cū jurassent, cives non soluturos majora tributa, quā cū sub Dominio Regis essent, pactum frugerunt: & jam ab ipsis sex florenos pro quolibet vase cerevisiæ exigunt, cū sub Rege non nisi idē sex asses solverentur. Quinimō Braxatorij, ut vocamus, ibi nomine Statuum erigere meditantur: unde omnis quæretur cerevisia, & pro unoquoque vase septem floreni pro vestigali petentur. Interrogemus & rusticos, qui in munimentis Ruræmundanis per septimanas operari cogebantur sine præmio ac mercede, & victum sibi ac potum ex suis tuguriis secum debebant conferre. Quæ crudelitas, aut tyrannis major? Et tamen libertatem jactant. Hanc igitur, Puteane, fictitiā Batavorum libertatem, eorumque fervorem, eam asserendi aliquō reprehensionis epitheto, velut atro carbone notare debuisses, multo minùs laudare in Belgis amorem libertatis, aliis nationibus exprobrare serviendi vilitatem, tanquam si alicubi servitus sub Rege nostro esset, sicut facis in litterâ, K. circa finem.

#### P V T E A N V S.

*Fæderata vires, quia parvæ, plus ad victoriam cura attulerunt, Regia, quia longinquæ, & sic tardæ, non potuerunt nisi in alimentum bellæ erogari. Ergo tantum in unâ propemodum Provinciâ auris consumptum, quantum Europa vix tota deglutiret.*

#### P O L I T I C O - C A T H O L I C V S.

Sæpè nocuit hoc loquendi libertas. Si longinquæ fuerunt, idēque tardæ. Rex jure potuit tibi omnium rerum examen depolcere; quia non minùs ad suam quā ad Patriæ salutem aut utilitatem faciebant. Deinde Regem publico scripto tarditatis arguere, non Consiliarium, qui secretò monere debet, sed malè affectum buccinatorem sapit. Regios non



non minus ad victoriam curæ attulisse quàm fœderatos; testatur nostra perseverantia, Regii sumptus & totum illud aurum, quod vix Europa tota deglutiret, ut ais. Iucundum Regi putas tam profusos sumptus facere. Hi certè summam ejus curam atque desiderium urbes hæreditarias recuperandi demonstrant. Regios non tantum curæ ad victoriam attulisse, & Regias vires non nisi in alimentum belli erogatas: hoc tecum dicunt, qui malè de Hispanis sentiunt, qui eos non bellum gerere, sed alere clamant; tanquam si ad victoriam curæ parum adferrent, ut belli æternitatem in Belgio faciant. Sed nōne Hispani iucundiùs pace partâ, & cum honore in Patriam reversi, Patriæ restauratæ præmio fruerentur? Eos ad victoriam non toto conatu anhelare: quandoquidem in Palatinatum cum suo damno, in Africam, Indiamque universam pro Fidei & Imperii majori propagatione, in Germaniam sine gravissimâ nominis Austriaci jacturâ arma sua transferre non possint. Hispanos belli semina fovere, cum Hispania auro & argento seipsam exhauriat, & in utriusque locum ærei & cuprei nummi successerint, & Iberici mercatores Indicarum opum securâ felicitate non fruantur? Non igitur hæc armorum diuturnitas tam eorum vitio accidit, quàm iniquitate temporum aliis: quæ causis, quas aperiâ.

#### P. V T E A N V S.

*Militia ipsa, quia sexaginta & amplius annorum morâ consenuit, sine fructu victoriæ, florem quoque disciplina amisit.*

#### P O L I T I C O - C A T H O L I C V S.

Per sexaginta annos sub Ducibus præstantissimis. Duce Albano viro militiâ claro, licet severitate tunc temporis multum necessariâ, in odium inciderit. Sub Serenissimo Ioanne Austriaco, cui nihil ad belli fortunam defuit. Sub Comite Fontano. Sub Alberto nostro, non minus belli quàm pacis gloriâ Maximo. Sub Marchione Spinola, quem sua illustria facta commēdarunt immortalitati. Non in otio milites nostros

nostros fuisse enutritos testantur eorum præclara facinora; recuperatæ urbes quamplurimæ, frequentes & raræ victoriæ; quas mirum esset te ignorare, qui te Historiographum Regium profiteris. Non ergo militia fuit nisi cum fructu victoriæ, nisi perfectam intelligas victoriam; quæ cur perfici non potuerit, infra explicabo. Sed quomodo militia vires amisit, & consenuit longâ temporis morâ? Nónne potius usu & exercitatione roborari solet? Quomodo denique florem disciplinæ amisit, sub tam acribus & vigilantibus disciplinæ custodibus? Nisi fortè dicas illam à Marchionis Spinolæ (sub cujus ductu stetit optima disciplina) discessu, statim defecisse. Tribuendum Henrico Bergio, qui ex Velaviâ eduxit exercitum fame attritum, inopem, quem fortunatissimum educere potuisset; & quidem cum fructu victoriæ, si fortunâ uti malevolus & dolosus proditor non renuisset. Cui & reliqua, tanquam omnium malorum fonti, hætenus tribuenda ostendam. Sed quid nostram militarem disciplinam improbare audes? In castris nostris nulla seditio, quieta sunt omnia, parati sunt ad prælium milites, si hostes generosos, non fugaces & timidos lepores haberent.

#### PVTEANVS.

*Prorsus tanquam utrimque videamur ad quietem trahi: utilitate an necessitate? consilio an periculo? Expendam singula, argumento magis quam ordini inhaerens; nec ut Orator, sed potius ut Consultor.*

#### POLITICO-CATHOLICVS,

Nondum nos periculo aut necessitate cogimur. Cum singula expendes, iis respondebimus, & ostendemus te, nec Orátore, nec Consultore, ne dicam Confiliario, digna consilia dedisse.

#### Littera C. PVTEANI.

*Hætenus quidem, quia ardua ac dubia fuerunt omnia, sub ipso armorum onere intelleximus respirandum esse: & semel Inducia placuerunt, ut redire possent, usu testes, Minervam Marte meliorem esse, togam sago, amorē odio, sudum tempestate. Nullo, ut puto, elogio opus,*

D

ut

*ut res à Deo, à naturâ, ab ipsâ nobis ratione commendata, in pretio sit :  
Pax est,*

————— Pax optima rerum,  
Quas homini novisse datum est : pax una triumphis  
Innumeris potior : pax custodire salutem,  
Et cives æquare potens.

*Quid illâ Musâ suavius ? Anro saluberrimi hi versus, non atramento, sceptro, non calamo scribendi sunt ; ut à Regibus populisq̃, publicè legantur. Omni quippe Regno (Theoderici Regis apud Cassiodorum monitio est) desiderabilis debet esse tranquillitas : in quâ & populi proficiunt, & utilitas gentium custoditur. Hæc est enim bonarum artium decora mater ; hæc mortalium genus reparabili successione multiplicans, facultates protendit, mores excolit : & tantarum rerum ignarus agnoscitur, qui eam minimè quæsisse sentitur. Sed si nihil melius Pace, pessimum sanè bellum est, omnis & fundamentum & munimentum mali. Bellum, inquam, est : semper malum ; pessimum, cum extenditur. Semeligitur nuper Induciis interruptum, ut brevî pacis usurâ erumnarum intervallum esset, scirentq̃, populi, quo bono, ab Optimis, & quiete dignissimis Principibus, ALBERTO ET ISABELLA CLARA EVGENIA regerentur : quo jure Optimi regerent. Bello gloriosi erant, sed maluerunt Pace, tanquam benigna quedam Numina, salutare esse, magnitudinem suam felicitate subditorum æstimare. Grave igitur comparatione quietis belli visum est ; gravius etiam, postquàm, rebus intempestivâ legatione turbatis, quasi postliminio reductum.*

Responsio POLITICO-CATHOLICI ad Litteram  
C. Puteani.

PVTEANVS.

*Semel Induciæ placuerunt, ut redire possent, usu testes, Minervam Marte meliorem esse, togam sago, amorem odio, sudum tempestate. Et infrà.*

————— Pax optima rerum,  
Quas homini novisse datum est, pax una triumphis  
Innumeris potior. &c.

*Et iterum infra. Omni quippe regno (Theoderici apud Cassiodorum monitio est) desiderabilis debet esse tranquillitas : in quâ & populi proficiunt , & utilitas gentium custoditur. Hæc est enim bonarum artium decora mater ; hæc mortaliū genus reparabili successione multiplicans , facultates protendit, mores excolit : & tantarum rerum ignarus agnoscitur, qui eam minimè quæsisso sentitur. Sed si nihil melius Pace, pessimum sanè bellum est , omnis & fundamentum & munimentum mali. Bellum, inquam, semper est malum ; pessimum cum extenditur.*

#### POLITICO-CATHOLICVS.

Inducias bello meliores , Pacem optimam esse , si fortunarum spectetur utilitas & quietis jucunditas , nemini dubium est. Sed causæ faciunt, ut honesto utile posthaberi debeat. Fit etiam, ut bellum sæpè melius sit Induciis , quinimò bellum sit optimum, non minùs quàm Pax, non semper malum, ut ais. Quis Castellæ Reges non laudet, qui perpetua cum Mauris bella gesserunt , & tot prodigiosas victorias, Deo ac Divo Iacobo non probantibus solum, sed etiam auxiliantibus atque certantibus , reportarunt ? Quis non S. Ludovicum Francorum Regem, multis sumptibus bellum pro Terrâ Sanctâ recuperandâ gerentem, pluris æstimaverit ; quàm si domi pacem aluisset, si tantis impendiis bello præsertim in remotissimis regionibus ducendo necessariis populum gravare timuisset ? Quis Emmanuelem Lusitanæ Regem non laudet : qui ut Christianæ Reipublicæ utilis esset, & bello gloriosus, multis sumptibus classes instruxit, & in Indias misit ? Satis potens & patens erat Lusitania : quin quievit ? Elegit bellum, quod Pontifices bonum diplomatibus approbarunt. Reliqui Reges bellum sunt prosecuti & extenderunt : nullus, cui mens sana, malum , multò minùs pessimum existimavit. Quis deinde Regē inerrem & degenerē non arguat, qui solo amore Pacis pugnam detrectaret, Rebelles non compesceret, purpuram & sceptrum abjiceret , se Regno aut aliquâ Regni parte exui pateretur ?

Inde Regno accederet utilitas, quòd belli incommoda non sentiret: sed Rex per ignaviam atque socordiam sibi adferret dedecus nullo Oceano eluendum. *Vt pace justâ & honestâ nihil pulchrius, nihil utilius: sic eâ, quam vel ignavia, vel servitus infamant, nihil neque turpius, neque magis noxium.* Ita Polybius lib. 4. hist. cap. 31. Et Demosthenes apud Stobæum. serm. 49. verè & generosè dixit: *Bellum honestum, turpi Paci preferendum est.* Præterea Batavi Hollandiam, Frisiam, Zelandiam, Limburgum occuparunt; Brabantiam, Flandriamque mutilarunt: & Rex se ad pacem conferet? eamque innumeris triumphis potiozem ducet? Catholicos videbit opprimi, hæreses dominari, luem suam teterrimam his Provinciis affricare; & tolerare poterit? Videbit eos Germaniam universam ad turbas concitasse, Domui Austriacæ perniciem fuisse machinatos, omnes ad Cæsaris jugum excutiendū instigasse, Gaborem & Turcam ad bellum Cæsari movendum missis legationibus impulsisse, Palatino coronam Bohemiæ imposuisse, Regem Daniæ & Suecum in Germaniam evocasse, & Protestantibus Principibus auxilia mittere: & improbos tantorumque malorum authores ferre poterit? non hæreticorum sentinam exhauriet? Hollandiam, suam ditionem, ab hoc sceleratorum hominum cœno non expurgabit? Gravia quidem sunt belli damna, & metuendum equidem est bellum (ait Polybius ibidem) sed non usque adeò metuendum, ut ejus vitandi gratiâ omnia velis sufferre. Neque enim laudamus Pindarum, qui in suis Pœmatis sic ait: Pro se quisque civium publicæ tranquillitati consulens, quietis magnanimæ lætum jubar requirito. *Pindarus enim cum repente visus esset dixisse aliquid, quod meritò omnes probarent, non multò post & turpissima & damnosissima sententia auctor fuisse est compertus.* Ita tu, licet repente visus sis dixisse aliquid, quod meritò omnes probarent, non multò post & turpissimæ & damnosissimæ sententiæ auctor fuisse compertus es. Denique bellum non semper esse malum, testetur Augustinus: *Apud veros Dei cultores* (inquit ille lib. de verb.

verb. Domini ) etiam illa bella peccata non sunt, qua non cupiditate aut crudelitate, sed pacis studio geruntur, ut mali coercerentur, & boni subleventur. Et ille idem epist. 5. sic ait: Cui licentia iniquitatis eripitur, utiliter vincitur. Consule verò Aristotelem Rhetor. ad Alexandr. cap. 3. videbis eum plurima bella approbare, quæ ex his causis oriuntur. Par est, ait, ut injuriâ provocati pro nobis ipsis, aut pro cognatis, aut pro iis qui benefici erga nos fuerint, aut quò auxilio sumus injustè affectis sociis, aut publicâ pro utilitate bellum suscipiamus.

### PVTEANVS.

*Bello gloriosi (scilicet Albertus & Isabella Clara Eugenia) erant: sed maluerunt Pace tanquam benigna quedam Numina salutare esse, magnitudinem suam felicitate subditorum estimare.*

### POLITICO-CATHOLICVS.

Benignitatem atque clementiam horum piorum Principum mirabuntur omnes, nemo satis prædicabit. Inducias tamen admiserunt, non quia bello meliores existimabant; sed ut Belgæ se legitimos Principes habere tandem scirent, non tantum belli Duces, ut antea. Secundò, magna pars Flandriæ & Brabantiae ubique vastata, incendiis deformata, bonis spoliata, non ab Hollandis solum, sed etiam à Francis sub Duce Alençonio, vix emergere poterat & respirare: ideòque rectè aliquod intervallum datum fuit. Tertiò, multa nec contemnenda consilia, tunc se per-opportunè offerebant, quæ in vulgus exire non debent. Sunt tamen, qui Inducias illas non fuisse necessarias contendunt; imò utilius fuisse, si cum Hollandis Inducias non quæsissemus. Ratio est, quia ad extremum redacta erat Hollandorum potentia, & annuum fœnus ita grave, ut omnes eorum proventus ei ferendo nimis quàm impares essent. Testatur Scribanius in Politico-Christiano lib. 2. cap. 42. *Eorum debita nono ante Inducias anno, sex & viginti argenti milliones superasse.* Quantum putamus accrevisse spatio novem annorum, qui Inducias præcesserunt? Non errabo, si ad centum miliones debita pertigisse dixerò.

Exhaustum igitur erat eorum ærarium, magnum æs alienum. Nos autem ferendo bello plusquàm pares eramus. Nam numquid pecuniæ suffecerunt, ut Comes Bucquoyus cum exercitu ad suppetias Imperatori ferendas in Bohemiam mitteretur? Vt Spinola, Dux circumspèctissimus, Aquisgranum Regi adjiceret, Wesaliam invaderet? Vt Palatini ditiones, petente Imperatore, occuparet, & de quinquaginta septem urbibus, arcibusque triumphare posset? Ego has Inducias Divinæ providentiæ tribuo. Voluit hoc Deus, ut sic securius Ferdinando Imperatori tot hostilibus copiis circumcincto auxilium dari posset: qui præter unam ferè Vienne omnia amiserat, Hungariam, Bohemiam, Silesiam, Lusatiam, Moraviam, Austriam quoque suam. Sed si tantus Induciarum amor in Alberti Principis nostri pectore; cur, cum finis earum appeteret, legationem non misit, ut durarent? cur, postquàm desicere, bellum non recusavit? cur tunc desit pace salutaris esse, & magnitudinem suam felicitate subditorum æstimare? Suscipiendum duxit, & ad posteros, cum se deficere videret, transmisit, tamquam necessarium. Nisi autem mors, rerum omnium terminus, nobis longiorem ejus vitam invidisset: belli finem, fractis Rebellium viribus, jam fortasse videremus.

---

Littera D. PVTEANI.

*Sed ego, ut omni sermone bellum excludam, Pacem Inducias vocare amo, Inducias Pacem: si quid discriminis est, spatio desinitur. Pax brevis & sequestra, alio nomine Inducia sunt, Inducia longa nihil à Pace differunt. An expetende, hinc vel maximè jam licet statuere: Dolent omnes, & uno affectu dolent, intercisas esse. Audiantur voces, suspiria, gemitus. Etiam lacryma fluunt, tanquam sanguinem dennò effusum abluant. Ergo quæ tandem consilia capienda sint, ipsa populorum vota indicant, aliquem saltem postulantium belli finem, Pacis nomine; aut arumnarum intervallum, si facilior Induciarum ratio est.*

Responsio

Responsio POLITICO-CATHOLICI ad Litteram  
D. Putciani.

PVTEANVS.

*An expetenda, (scilicet Induciæ) hinc vel maximè jam licet statuere: Dolent omnes, & uno affectu dolent, intercisas esse. Audiantur voces, suspiria, gemitus. Etiam lacrymæ fluunt, tanquam sanguinem denuò effusum abluant. Ergo quæ tandem consilia capienda sint, ipsa populorum vota indicant, aliquem saltem postulantium belli finem, pacis nomine; aut arumnarum intervallum, si facilior Induciarum ratio est.*

POLITICO-CATHOLICVS.

Vilium hominum sunt ista suspiria. Clarorum & generosorum voces hæ: iterum Deo Regiq; uniatur Hollandia; aut infesto petatur bello, etiam cum omnium bonorum nostrorum jacturâ nunquam terminando. Et ullumne bellum, ubi non suspiria, gemitus, lacrymæ? Pulchrum sanè, si Cæsar statim suum Imperium Sueco, & reliquis hæreticis cessisset: ne suspiria & gemitus Germanorum audire cogeretur. Debent Reges subditis lætam pacem adferre, nisi adsit injuria bello vindicanda. Sicut Reges populum ab injuriâ arcere debent; etiam cum capitis sui & Coronæ periculo, atque ipsam belli diuturnitatem non perhorrescere; eodem animo populus esse debet erga Regem. Amor in Regem & fides officiosa postulat; ut lacrymas & suspiria cohibeamus; ut cum alacritate belli calamitates feramus; ut per ensium fulmina Regem tueamur. Aderit Deus aliquando, ut omnes boni sperare debent, & omnes hostes læto fortunæ successu florentes prosternet: facile & uno quidem ictu prosternendos, si vel minimùm fortuna reflaverit. Sæpè hætenus aduersa sensimus? *Patriam* (ait Seneca lib. de Provid. cap. 2.) *habet Deus aduersus bonos viros animum, & illos fortiter amat: & operibus, inquit, doloribus, ac damnis exagitantur, ut verum colligant robur.* Feramus igitur; querelis & gemitibus, suspiriis, & lacrymis frænos ponamus. *Nam optimum est* (ait idem, sed alio loco, nempe epist. 107.) *pati, quod emendare non possis: & Deum,*



& Deum, quo auctore cuncta proveniunt, sine murmuratione comitari. MALVS MILES EST, QVI IMPERATOREM GEMENS SEQVITVR. Quare impigri atque alacres excipiamus imperia, nec deseramus hunc operis pulcherrimi cursum, cui quidquid patimur intertextum est. Hæc ille.

### Littera E. PVTEANI.

Homines sumus, non fera, ad humanitatem & mansuetudinem nati, qua Pacis sive mater, sive alumna est; infesta bello, quia cum violentiâ, servitiâ, rapinâ conjungi nequit. Pax, ut sic dicam, virtus est; bellum scelus: Pax sanitas, bellum morbus. Pace enim vigent bona omnia, ut felices & florentes simus; bello mala, ut miseri & infelices. Pace homines sumus, bello barbari: non homines, si belli causâ bellum gerimus, & brevem vitam, in longam pugnam commutamus. Non ego damno penitus ac rejicio arma; cum sciam, pacis causâ necessaria interdum esse, & tanquam instrumenta usurpari; sed examino, an bona & utilia sint, & ad Pacem tendant. Sumi facilius possunt, quam poni: sumi jure possunt, injuriâ exerceri. Sed quorsum luctari semper, si non aliquando vincimus? navigare semper, si nullus portus est? ire semper, ut à quiete longius recedas? Per bellum ad Pacem via est; & Sapientes, ut Sallustius ait, pacis causâ bellum gerunt, laborem spe otii sustentant. Quæ nostra verò conditio? Bellum belli finis est, labor laboris. Per calamitates ad calamitates pergimus, & non vincere melius aliqui putant, quam non pugnare. Tragici voce queri lubet.

Si æterna semper odia mortales agant,  
Nec cœptus unquam cedat ex animis furor,  
Sed arma felix teneat, infelix paret;  
Nihil relinquent bella: tum vastis ager  
Squallebit arvis, subditâ tectis face  
Altus sepultas obruet gentes cinis.  
Pacem reduci velle, victori expedit,  
Victo necesse est.

Responso

Responsio POLITICO-CATHOLICI ad  
litteram E. Puteani.

PUTEANVS.

*Homines sumus, non ferae, ad humanitatem & mansuetudinem nati, quae pacis sive mater, sive alumna est, infesta bello: quia cum violentiâ, feruitiâ, rapinâ conjungi nequit. Et infra. Pace homines sumus, bello barbari: non homines, si belli causâ bellum gerimus, & brevem vitam in longam pugnam commutamus.*

POLITICO-CATHOLICVS.

Gratias Puteano Rex agat: agamus & nos, seu Hispani, seu Belgæ sumus. Nobis hodie nomen, vel nominum acervus imponitur. Non homines, sed ferae, sed barbari appellamur. Enimverò quidam alii: quippe Batavos & Auriacum Inducias expetere dicis infra. Nos ergo ferae, barbari, non homines, qui pacem non optamus, & belli causâ bellum gerimus. Sed quæ dementia, si belli causâ bellum gereremus? Non adeò saxeï sumus, qui Pacis dulcedinem non amemus. Sed ostende illam bono modo fieri posse, & cum Regis dignitate. Hostibus iniquas pacis leges ferentibus, Rex serviet? Optabant Status nostri pacem, si cum ratione firmari posset: & ut Regem, Hispanos & Belgas ad humanitatem & mansuetudinem natos, non infestos paci, verè homines, non barbaros, & feras ostenderent: ultro in Hollandiam profecti sunt, nec paucis ibi mensibus hæserunt: ipsi autem non homines, sed feras, ad perfidiam & rebellionem natos, infestos paci, bello barbaros reppererunt: qui adversus Deum & Regem præliari desiderant, & brevem vitam malunt in longam pugnam commutare. Nec est cur Hispani belli causâ bellum gerant, & belli in Belgio diuturnitatem optare debeant: sicut supra (ad litteram B.) memoravi.

PUTEANVS.

*Non ego damno penitus aut rejicio arma, cum sciam pacis causâ necessariam interdum esse, & tanquam instrumenta usurpari: sed examina an bona & utilia sint, & ad pacem tendant.*

E

Po-

nonii, Namurcenses, & alii Wallones, Duce Montignio aliisque generosis Ducibus, pro solâ verâ Religione arma ceperunt. Hæc est una ratio: cui adde Regiam potestatem, quam sumere potest, ut suum Patrimonium repetat, quod hostes occupant sine jure, solo nomine fucatæ libertatis. Quando igitur hos impiæ libertatis amatores & Rebelles subjecerit, tunc bellum deponet atque in pace conquiescet. Quis enim Regi inesse credat tantam belli cupiditatem, Regis mentem esse tam profligatæ crudelitatis, ut numquam pacem habere, sed belli causâ bellum gerere velit? Absit hæc opinari: arma Regis ad pacem tendere credamus. *Nemo enim est* (ait Aristoteles 10. Ethicor. cap. 7.) *qui vel bellum expetat, vel apparatus bellum faciat bellandæ causâ. Sanguinarius enim prorsus quidam esse videretur, si amicos eâ causâ sibi hostes redderet, ut pugna & cades orirentur.* Et optimè ad propositum nostrum faciet Augustinus lib. 9. de Civit. cap. 12. *Sicut, inquit, nemo est, qui gaudere nolit: ita nemo est, qui pacem habere nolit. Quandoquidem & ipsi, qui bella volunt, nihil aliud quam vincere volunt. Ad gloriosam ergo pacem bellando cupiunt pervenire: nam quid est aliud victoria nisi subiectio repugnantium? quod cum factum fuerit, pax erit.* Et infra. OMNIS HOMO ETIAM BEL-  
LIGERANDO PACEM REQUIRIT, NEMO AUTEM BELLVM PACIFICANDO. Nam & illi, qui pacem, in quâ sunt, perturbare volunt, non pacem oderunt, sed eam pro arbitrio suo cupiunt commutari. Non ergo ut sit pax nolumus, sed ut ea sit quam volunt. Et iterum paulò infra. Pacem cum suis omnes habere cupiunt, quos ad suum arbitrium volunt vivere. Nam & cum quibus bellum gerunt, suos facere, si possint, volunt, eisq; subiectis leges sue pacis imponere. Hucusque Augustinus: ex quo evidenter confici potest, fieri non posse, ut Rex belli causâ bellum gerat, sed pacis: ut Regis arma ad pacem non tendant: quandoquidem bella omnia ad pacem tendant. Quando ergo Rex videbit eos ita dispositos, ut velint ad arbitriū suum vivere, id est, secundum Catholicæ Religionis instituta; quando eos fecerit suos,

cisque subiectis bonas & sanctas leges suæ pacis imposuerit:  
tunc pax erit.

PYTEANVS.

*Quorsum luctari semper, si non aliquando vincimus? Navigare semper, si nullus portus est: ire semper, ut à quiete longius recedas: Per bellum ad Pacem via est, & Sapientes, ut Sallustius ait, pacis causâ bellum gerunt, laborem spe otii sustentant. Quæ nostra verò conditio? bellum belli finis est, labor laboris. Per calamitates ad calamitates pergitur, & non vincere melius aliqui putant, quàm non pugnare.*

POLITICO-CATHOLICVS.

Luctamur, ut vincamus. Navigamus, ut portum teneamus. Imus, ut ad quietem accedamus. Feræ, aut homines sanguinari sumus, ut jam statim ostendi, si belli non pacis causâ bellum geramus. Et quis tam improbè bellum amèt: ut melius putet non vincere, quàm pugnare? Belluarum est, inutiles pugnas optare. Stultorum & planè amentium, victoriam non desiderare. Quòd autem bellum non sit belli finis, nec labor laboris, sed semper novus quidam belli & laboris gradus: primò inde fit, quòd non tantum contra Batavos, sed Reges & Respublicas nobis solis pugnandum sit: addèd ut nullus diuturnitatem belli mirari debeat. Secundò, si bellum nondum finem invenerit, non per eos stat, qui patriæ saluti invigilant. Domestici quidam hostes malorum nostrorum fuerunt authores: quorum aliqui ad Hollandos transfugerunt; alii, dum Patriæ videntur studere, manu, consilio, conjurationibus, subdolis, machinamentis non minus quàm armis, & etiam armis quasi pro salute Patriæ sumptis, infesti, nos in has calamitates conjecerunt. Quæ tamen nondum tantæ sunt, ut victoriam debeamus desperare.

PYTEANVS.

*Tragici voce queri libet:*

Si æterna semper odia mortales agant,  
Nec cæptus unquam cedat ex animis furor,  
Sed arma felix teneat, infelix paret,

Nihil

Nihil relinquent bella: cum vastis ager  
 Squallebit arvis, subdita tectis face  
 Altus sepultas obruet gentes cinis.  
 Pacem reduci velle, victori expedit,  
 Visto necesse est.

POLITICO-CATHOLICVS.

Abstia nobis bellorum & odiorum æternitas: hanc execramur. Brevi deponentur odia, & statim cedit ex animis furor, si hostes Deum Regemque velint agnoscere. Et intueri Brabantiam, Flandriam, Arthesiam, Hannoniam: nondum ibi vastis ager squallebit arvis; nondum illas gentes incendia & cineres obruerunt. Denique nobis non est necesse pacem reduci velle, quia nondum victi sumus.

Littera F. PVTEANI.

*An fallo? sed nec fallor. Nostra nobis seditiones bella sunt, plura hæcenus & timenda semper, nisi semel tandem desinamus hostes habere. Caterum communia mala peculiari morbo nostra sunt: quot obsidia, tot urbium funera; quot pugna, tot hominum laniæ; quot agmina, tot ruris supplicia; quot turma, & caterva, cohortes, & acies, tot furia ad exitium agrorum & hominum armata. Hoc bellum, sed magis Belgicum, non potest sine rapina, cade, incendio, vastitate geri. Hæ Regum Principumq. lites sunt, sed sanguinea; nulla tam iusta, quin iniusta, si æterna sunt. Pertinacia facit, ut aliquid semper in armis iniqui sit, etiam cum iniqua ipsa non sunt: magis autem incipiunt armasse, cum instrumenta crudelitatis fiunt. Malis si moram addis, his mala sunt. Bona ipsa, quando corrumpi incipiunt, mala fiunt. Causam belli cum calamitas vincit, & plus damni quam aequi est; plus etiam sævitia, quam belli erit. Si nec post sexaginta annos armorum feria sunt, quando erunt? Res omnes, cum modum excedunt, vitium induunt. Bellum, cum diutius durat, exitium est, & in vulnus gangrenâ fædum abit: tempestivè compositum, noxam aufert, omnemq. simul cicatricis deformitatem delet. Sed nostrum hoc, quia longum, sævum, indomitum, non possum nisi incendium, ac diluvium appellare. Crescent damna, nisi quamprimum remedia sint, & serpentibus adhuc*

*flammis aquisq; impedimenta & repagula obijciantur. Imò nostrum hoc, quia civile, plus quàm bellum est; quod quemadmodum majoribus odiis geritur; ita præter arma sevitiam assumit: verè cruentum, quia sanguinem aestimare desit.*

Quem das finem Rex Magne laborum?

Responso POLITICO-CATHOLICI ad Litteram  
F. Puteani.

P U T E A N U S.

*Communia mala peculiari morbo nostra sunt: quot obsidia, tot urbium funera; quot pugna, tot hominum laniena; quot agmina, tot ruris supplicia; quot turma, & catervæ, cohortes, & acies, tot furia ad exitium agrorum & hominum armata.*

POLITICO-CATHOLICVS.

Quomodò communia bellorum damna peculiari morbo nostra sint, non video. Obsidiâ urbium nullibi cum minori damno. Alibi cum civitates oppugnantur, non ferro sed igne nitrato agitur, franguntur omnia, plurima mortis imago: hic autem cinguntur urbes, & ferè jam tantum cinguntur, non solo æquantur, non delètur incendiis, nulla fit auri & argenti præda. Quomodò igitur obsidia, sunt urbium funera? Multas deinde pugnas non vidimus; quia Batavi nostrorum fortitudinè veriti, semper pugnam declinant; nullæ a ruptis Induciis laniena hominum. Majus est quod sequitur, nempe quot turmas, & catervas, cohortes, & acies, esse tot furias ad exitium agrorum & hominum armatas. Vides quomodò nec unam turmam & cohortem ab hac labe immunem facias? Ob aliquorum militum insolentiam, quæ in tantâ multitudine omninò vitari non potest, quia inter bonos semper mali; integras turmas, & catervas, cohortes, & acies dicis esse furias ad exitium agrorum & hominum armatas. Sed quod unquam tam sanctum bellum, in quo agricolæ injuriam non sunt passi? Nonne Succus, tanti apud Politicos hominis, vastavit, & evertit omnia, sacra & prophana, agros in avias solitudines redegit? Si Germaniam squallentem mecum vidisses: fluxissent lacrymæ, & uberes.

At

At quomodò milites nostri furia sunt, ad exitium agrorum & hominum armata? Vix crediderim ullum exercitum nobiliorem nostro, mitiorem nostro. Non mitiores Hollandi, quorum copiae ex Gallorum Calvinistarum (id est furiarum humani generis, ut eorum crudelitas in Galliâ testis fuit) Scotorum & Anglorum, id est, improborum hæreticorum, colluvie & fæce constant. Scio quidem inter nostros non deesse, qui suâ rapinâ & insolentiâ, aliorum gloriæ turpem notam inspergant: sed quæ societas, etsi optima, malos non habet? Tibi ex castris significo, non parvam Capitaneorum, & lectissimorum militum partem ægro animo hæc tua tulisse convitia: quorum agnosce mansuetudinem, dum dedecus sibi tuo stylo illatum, ferro ultum non eunt.

P Y T E A N V S.

*Hoc bellum, sed magis Belgicum, non potest sine rapinâ, cæde, incendio, vastitate geri.*

P O L I T I C O - C A T H O L I C V S.

Imò nulla apud exteras nationes bella tam parca cædis, & sanguinis, incendii, rapinæ, & vastitatis, quam Belgica. Vincuntur, amittuntur urbes sine ullâ cæde; occupantur sine rapinâ, incendio, vastitate. Florentes videas agros etiam inter ipsum belli pulverem. Per tot annos Mars nostris arvis incubuit, & nondum fames. Gallica inspicere; omnem secum insolentiam, rapinam, & vastitatem trahunt: satis Gallorum furias olim probarunt Belgæ. Quid Germanica? vix lolia & tristes avenæ stantes relinquuntur, urbes cædibus exhauriuntur, incendiis absumuntur omnia, ubique vastitas & solitudo. Inter has tamen calamitates, pars maxima bonorum & fidelium Cæsarem tuetur. Quidni inter aliquot malorum procellas & longè minores, nos etiam Regis nostri jura fortiter tueamur?

P Y T E A N V S.

*Ha Regum, Principumq, lites sunt, sed sanguinea; nulla tam justa, quin injusta, si aterna sunt. Pertinacia facit, ut aliquid semper in armis iniqui sit, etiam cum iniqua ipsa non sunt: magis autem incipiunt*

*incipiunt arma esse, cum instrumenta crudelitatis sunt. Malis si  
moram addis, bis mala sunt.*

POLITICO-CATHOLICVS.

Rex suâ lite sanguinem non petit, sed Patrimonium, quod sine sanguine ac controversiâ, secundum jura omnia, restituendum est. Quid? adversarios sine jure actionem instituentes, & per nefas æternâ cum pertinaciâ litem prosequentes, ego æternâ constantiâ justam mei defensionem non prosequar? Bene profectò nobiscum ageretur, si semper impiis accusatoribus hæreditates fortunaque nostras à majoribus relictas, vel anhelis sudoribus partas cederemus; veriti eorum in litigando pertinaciam. Sæpè bonitatem causæ superat, cui major potentia, & cedere cogitur cui minores ad litigandum opes: cur cedat Rex, cui melior causa, majores etiam ad pugnandum vires? Pia igitur, laudabilis, & rationi consentanea est Regis nostri constantia; nihil iniqui habet, nec habere potest, quamdiu sua reperit jure, quod nunquam justum non erit. Denique Regis arma ob moram bis mala esse non possunt, cum nec semel sint mala: quia semper justa; non instrumenta crudelitatis; quia nemo crudelis, qui debitum exigit, aut rem suam justè reperit: cum præsertim nostri nullam crudelitatem exerceant.

PYTEANVS.

*Causam belli cum calamitas vincit, & plus damni quàm aequi est;  
plus etiam servitiæ quàm belli erit.*

POLITICO-CATHOLICVS.

Calamitas causam belli vincere non potest: cum causa belli primaria sit Catholica Religio, quæ Deum spectat, utpote infinitum. Denique ut Regi sua recuperare cupienti pareamus, nulla calamitatum genera detrectare, sed fidem nostram sanguine debemus consignare. Plus servitiæ quàm bellum non est: aut si fingis aliquam, tribue adversariis, qui hujus servitiæ sunt authores, dum pertinaciter errores tuentur, & aliena usurpant.



*Si nec post sexaginta annos armorum seriatim sunt, quando erunt?*

POLITICO-CATHOLICVS.

O strenuum & indefessum bellatorem! tam citò fessus, qui nondum sumpsit arma? At pateris communes belli calamitates. Si has patiaris, facis quod omnes.

*Ferre, quam sortem patiuntur omnes,*

*Nemo recusat.* ait Seneca in Troadibus.

Adversa fidelitatem, quam Regi præstare convenit, ut ignis aurum probant: longâ temporis infesti diuturnitate splendescit. Monebat Ovidius:

*Scilicet ut fulvum spectatur in ignibus aurum,*

*Tempore sic duro est inspicienda fides.*

Ejusdem sententiæ fuit Tullius lib. 9. epist. 16. *Non facile, inquit, dijudicatur amor verus & fictus, nisi aliquod incidat ejusmodi tempus, ut quasi aurum igne, sic benevolentia fidelis periculo aliquo perspici possit.* At, nonne sexaginta anni sufficiunt? Quamdiu tuâ operâ indiget is, quem verè & fideliter amas, numquam neganda; sed semper cum gaudio præstanda usque ad mortem.

P V T E A N V S.

*Res omnes, cum modum excedunt, vitium induunt: bellum, cum diutius durat, exitium est, & in vulnus gangrënâ factum abis: tempestivè compositum, noxam aufert, omnemq; simul cicatricis deformitatem delet.*

POLITICO-CATHOLICVS.

Nihil aliud optarunt Reges Hispaniæ, quàm ut citò bellum componeretur, sed salvâ Religione & suo jure. Cum Albertus Princeps omni memoriâ dignus, in Belgicas Provincias appulisset, prima ejus cura fuit, ut ad Status Hollandicos mitteret, an pacem vellent, sæpiusque id egit: sed pacem Rebelles repudiarent. Quomodo ergo tempestivè componi poterat, cum primo illo fervore incalcescerent Rebellium animi? Vires deinde à Regibus, & Rebus publicis acceperunt, quæ omnia nobis difficilia reddidère; cum in plu-

<sup>r</sup>es solus Rex Hispaniæ pugnaret. Audi Veridicum Belgicum pag. 123. Notandum, inquit, universam tam numerosorum exercituum, procul Hispaniâ militantium, impensarum molem tot annis, suis Regem nostrum solum humeris sustinere debuisse: Batarorum econtra oneri varios Europæ Reges, Principes, ac Respublicas, militem & aurum eis submitiendo, humeros subjecisse, & in laboris velut partem venisse. Atque hac diuturni hujusce belli porissima est causa. Scias namque oportet, non adversus solos Bataros, sed omnes panè orbis Christiani Reges, quin & Principes & Protestantes, sub nomine Batarico sexaginta propè annis Regem nostrum bellum gessisse. Quid mirum ergo, si bellum duraverit, si vulnere celerior medicina non potuerit adferri? Regi non adscribendum, qui pacem obtulit, qui nec viris, nec sumptibus percipit hactenus.

## P V T E A N V S.

Nostrum hoc, quia longum, servum, indomitum, non possum nisi incendium, ac diluvium appellare: crescent damna, nisi quamprimum remedia sint, & serpentibus adhuc flammis aquisq; impedimenta & repagula objiciantur.

## P O L I T I C O - C A T H O L I C V S.

Longè olim majus incendium & diluvium, quando à Fide & à Rege Gandavum, Ypræ, Brugæ, Tornacum, Cortracum in Flandriâ; Antuerpia, Bruxella, Mechlinia, Diestum, Arschottum, & plurima alia loca in Brabantia defecerant; & tamen Dei benignitate incendium restinctum est, diluvium intra terminos & aggeres redactum: Non desunt, qui nunc etiam dabunt remedia, qui flammis aquisque impedimenta & repagula objicient.

## P V T E A N V S.

Quem das finem Rex Magne laborum?

## P O L I T I C O - C A T H O L I C V S.

Turpis hæc est apud Regem laborum suorum querela. Pulchrum & decorum est, pro Rege labores ferre, pro Rege & Patriâ non alium finem calamitatum reperire, quam mortem.

## Littera G. PUTEANI.

*Horreat sermo, si ad tabulam & memoriam, clades, funera, & quantum mali inuectum est, revocem. Homines, & ipsi agri gemunt, populi, & urbes, pacemq; a Clementissimo Rege precibus & votis flagitant: otio & quiete digni, quia tam savam tempestatem tam patienter tulere. Pietatis munus est, otii ac quietis causam suscipere; ut si malis modus non sit, sit sumptibus, qui omne jam belli pretium, & quicquid bello petitur, excedunt. Aerarium maximum, & quod fundo caret, exhaustum est. Theauri penè innumerabiles profusi: lassæ liberalitas, & adhuc miles eget; hosti similis, & urbibus agrisq; infestus Regiis, quia arida & sicca stipendiorum vena est. Necessitas legem non habet: nescio tamen fœdiori flagitio ad rapinam, an dedecore ad mendicitatem stipendiarii Regii, Martii alumni, veniant. Ut concedam corrigi hæc posse: quid paucis tamen insulis omnium Regnorum vectigalia ac tributa impenduntur? Si rectè calculum ponimus,*

*Vix tanti fuerat Civilia bella moveri:*

*imò si ponimus, vix tanti victoria est: & adhuc pugnamus?*

Responsio POLITICO-CATHOLICI ad Litteram  
G. Puteani.

## P V T E A N V S.

*Horreat sermo, si ad tabulam & memoriam, clades, funera, & quantum mali inuectum est, revocem. Homines, & ipsi agri gemunt, populi, & urbes, pacemq; a Clementissimo Rege precibus & votis flagitant: otio & quiete digni, quia tam savam tempestatem tam patienter tulere.*

## P O L I T I C O - C A T H O L I C V S.

Sæpius jam, sed aliis verbis, idem cecinisti; nec semel respondi.

## P V T E A N V S.

*Si malis modus non sit, sit sumptibus, qui omne jam belli pretium, & quicquid bello petitur, excedunt.*

## P O L I T I C O - C A T H O L I C V S.

Belli pretium non solum est Batavicae regionis possessio, sed in illam Religionis Orthodoxæ introductio; pro quâ non solum fortunas nostras, sed vitam quoque profundere,

gloriosum. Quot præstantissimi Heroës vitam morti objecerunt, ut Catholicam Religionem in suo sanguine defenderent! Divitias vel Cræsi, vel Crassi tibi propone: nihil carius & pretiosius vitæ reperiēs. Cur ergo sumptibus & divitiis parceremus, cum nec pro Religione conservandâ nequaquam vitæ parcere debeamus? Nulli sumptus, veram Religionem, quæ belli pretium est, & quod bello petitur, possunt excedere: cur de sumptibus querimur? Reges Galliæ solâ Hispanicæ potentia invidiâ, aut vano metu, nullâ spe propriæ utilitatis, *Hollandis adversus Hispanum bello certantibus, supra centum ac duodecim florenorum milliones* (creder postérité?) *erogarunt.* Ita loquitur Apocalypsis Batavica, impressa anno 1626. Et ab illo anno supra viginti tres etiam argenti milliones tribuerunt: nec ita diu præterit, cum Bruxellam quinquaginta millia nummorum, quos pistollas vocant, ad excitandam seditionem miserunt. Ut taceam ingentia munera, quibus nostrorum defectionem sollicitarent & foverent. Veneti quoque pecunias plurimas suppeditarunt, qui nec Bataviâ sperare possunt: & Rex sumptibus parcat, ad quem Batavia pertinet? Tributis gravantur Rebellium Provinciæ, quæ non solum è domibus, sed etiam supellectile, agris, & universis possessionibus pro taxatione ad rerum valorē factâ pendunt; servi & ancillæ etiam à tributis usque ad vestes & calceos immunes non sunt: & tamen, ob tributa nondum, apud illos orta seditio; promptissimi sunt, ô utinam in bonâ causâ! Apud nos erant querelæ sumptuum, qui non in rem impiam & iniquam, sed piam & justam conferuntur: hostes, ut falsam fidem & noxiam libertatem stabiliant, non decimum (hoc nomen fugiunt ob tempora Ducis Albani) sed plusquam quintum (ut à virò fide digno comperi) bonorum nummum pendunt, & vectigalia ferè rebus omnibus imposita; quinimò domorum singularum possessores septimum nummum, agrorum quintum, quod est intollerabile gravamē. Nos verò ut veram Religionem promoveamus, qui minus gravamur, petemus, ut Rex modum ponat sumptibus?

Vel, Rex pro Fide Catholica restituendâ, suâque hæreditate recuperandâ, sumptus facere verebitur?

### PVTEANVS.

*Ærarium maximum, & quod fundo caret, exhaustum est.*

### POLITICO-CATHOLICVS.

Si fundo careat, quomodo exhaustum? Aliorum Regum exauriri possunt æraria: exauriri non potest ærarium Regis Hispaniæ. Semper inueniet quod hauriet ex utrâque Indiâ, quæ ferax auri argenti que est; imò, ubi summa necessitas, hauriet ex ipsâ Hispaniâ, ubi sunt metalla auri & argenti, Machab. 1. cap. 8. Et quomodo exhaustum Regis ærarium, cum, ut ait Scribanus lib. 2. Polit. Christ. cap. 42. *Supra sex & viginti auri milliones annuè Regio inferantur ærario?* Sed ponamus exhaustum esse, an ideo pecuniarum inopiâ feræ armorum? An ideo Rex ad ultimæ necessitatis terminos, redactus? Imò sine ærarii sui gravamine aut imminutione plusquam centum millia hominum poterit in aciem producere & sustinere, quando lubuerit. Ex Veridico Belgico & aliis quædam mutuari non pigebit: breviter perstringam. Hispania, Lusitania, Orientalis & Occidentalis India, Neapolis, Sicilia, Mediolanum, & aliæ Provinciæ, facile complectuntur ducenta & amplius locorum & oppidorum millia. Quippe Ferdinandi II I. Regis tempore, in solâ Beticâ ducenta & amplius oppida, & centum pagorum millia numerabantur, licet hic numerus sit valde jam imminutus. Si quilibet locus, aut quodlibet oppidum præter ordinaria vectigalia quæ Regi penduntur, det unius militis stipendium: ecce statim ducenta armatorum millia. Quam autem hoc facile? Vel ex quolibet Baptisterio, unius militis stipendium educatur: tunc sine ullo ærarii Regii incommodo repente ingens prodibit, & aletur exercitus. Nam in solo Castellæ Regno plusquam octoginta Baptisteriorum millia recensentur, licet Madritum pro uno tantum Baptisterio numeretur: collige quantus Baptisteriorum sit numerus in Lusitaniâ, Aragoniâ, Catalau-

talauniâ, Valentiâ, Navarrâ, Sardyniâ, Corsicâ, Balearibus,  
 Neapoli, Siciliâ, Mediolano, in utrâque Indiâ. Tertiò, quid  
 si Rex ab Ecclesiasticis & Nobilibus petat, ut suo sumptu  
 exercitum alant? Archiepiscoporum & Episcoporum opes  
 illius Regni magnæ sunt. Habent Archiepiscopatus annuè  
 700. aureorum millia & 50; Episcopatus ad minimum ha-  
 bent 800. aureorum millia & 70; licet Archiepiscopatus &  
 Episcopatus utriusque Indiæ, Sardinæ, Siciliæ, Neapolitani  
 Regni, Mediolanensis Provinciæ, & aliarum in numerum  
 non veniant. Ordines militares magnos habent proventus,  
 scilicet 950. aureorum millia, 387. aureos. Ecclesiastici igitur  
 (non comprehendo Abbates & Canonicos) habent mil-  
 liones auri duos, 582. millia, & aureos 387. Sæculares Prin-  
 cipes, quos *Grandes* nominamus, quorum aliqui Duces, Mar-  
 chiones, Comites, percipiunt annuè sex auri milliones;  
 in Hispaniâ duos milliones auri, 604. aureorum mil-  
 lia; *Grandes* in Italiâ, 970. aureorum millia: alii Duces,  
 Marchiones, Comites Hispaniæ, qui non sunt Magni, tres  
 auri milliones, 151. aureorum millia. Igitur sæculares Prin-  
 cipes habent sex auri milliones, 725. aureorum millia. Sum-  
 ma bonorum (quæ Archiepiscopi, Episcopi, Ordines milita-  
 res, & sæculares Principes percipiunt) ascendit ad novem  
 auri milliones, 307. aureorū millia, 807. aureos. Alia Regna  
 considera, quæ Regi Hispaniæ parent: quanta illic in Nobi-  
 libus opum affluentia! Si Rex, ad bellum gerendum, à sin-  
 gulis juxta cujusque conditionem, notabilem summam po-  
 stulet: nonne hæc voluntariæ contributiones magno augmen-  
 to Regium ærarium opulentabunt? Sed hæc relinquo, quia  
 ab aliis fusc tractantur, & præsertim à Scribanio lib. 2. Polit.  
 Christ. cap. 42. Breviter attigisse mihi sufficiat. Ex quibus pa-  
 tet non deesse modos Regi Hispaniæ, quibus magnos exerci-  
 tus alat, etiam sine ærario; vel quibus ærarium, si foret ex-  
 haustum, statim locupletare posset. Possent se Batavi his æ-  
 quiparare? Eorum annuus proventus, quâcumque arte &  
 fraude quæsitus, vix ad undecim argenti milliones exurgit:  
 indigent

indigent autem annis singulis, quindecim argenti millionibus, ut vult Scribanus ibidem. Quod verum esse ostendo. Wenceslaus Metoschova Bohemus in epist. ad Ioannem Traut Norimbergensem, de statu belli inter Fredericum Palatinum & Ferdinandum Cæsarem, ex castris Bohemicis missa, à Wallonibus intercepta, & impressa anno 1620, agens de pecuniâ, quæ Frederico deerat, dicit nec à Venetis, nec à Turcis, nec à Britannis, nec à Batavis expectandam. De his ultimis sic loquitur: *Batavi verò recordantur nuper se in singulos annos quatuor milliones supra censum exposuisse, ut probarent Barneveltio procuratores.* Et jam fama est certissima, à tempore obsidionis Sylvæducentis, Status Hollandiæ tanto ære alieno obstrictos esse, ut plusquàm centum & quinquaginta florenorum milliones debeant: & cum non nisi undecim argenti milliones annuè habeant, quotannis sex milliones redituum solvere cogantur. Nec mirum est, quandoquidem, non ut antè quindecim, sed octodecim millionibus (nam præsidiorum urbiumque muniendarum numerus crevit, majorique apparatu bellum gerunt) singulis annis indigeant. Ex societatibus Indicis Orientali & Occidentali, nihil in ærarium fluit: quippe sic sunt oppignorata, quemadmodum vir probus mihi retulit, ut qui pecunias apud has societates habent, planè desperent, sintque contenti, ne totius jacturam faciant, ex societate Orientali (nam Occidentalis magis gravata est, cujus classis jam recenter sine fructu rediit, cum ingentes antea sumptus fecisset, quibus solvendis par non erit) florenos 25. recipere, qui ex jure 100. se percepturos sperabant. Adde Occidentalem hanc jam in summas angustias, & fortasse extremam perniciem venisse, ob magnam suorum stragem apud Pharnambucum. Mille ex arce suâ digressi fuerant ad necessaria sibi conquirenda: Albuquercius in eos impetum fecit, octingentos occidit, alios in fugam compulit. Neque hæc sunt inania: nam & hujus rei Hollandos jam certos reddiderunt litteræ, quæ monent relinquendū Pharnambucū, nisi propediē suppætiæ submittantur.

Et

Et Rex non bellum prosequatur? si bellū prosequi debeant, fient pumice aridiores, exanguis erit eorum Respublica, auro velut sanguine destituta, & prorsus elanguescet. Nos ergo minimē hāc belli diuturnitate frangamur; & Regis auxilio nixi, nequaquam ipsi suum ærarium exhaustum, sed potius ipsismet hostibus exprobrems,

PVTEANVS.

*Arida & sicca stipendiorum vena est. Necessitas legem non habet: nescio tamen sãdiori flagitio ad rapinam, an dedecore ad mendicitatem stipendiarii Regii, Martis alimus veniant.*

POLITICO-CATHOLICVS.

Militum quorundam improborum fames auro expleri nequit. Insolescunt semper, & quia pecuniæ in eorum manibus tantū hospitantur, non mirū, si diu nō hereant. Hinc ad rapinam convertuntur, quia nihil intra diem superest, quod luxu aut aleis prodigant. Sed probis militibus, quorum non exiguus numerus, suis semper stet honor. Non fero audire stipendiarios Regios esse ad mendicitatem redactos. Tu qui linguā te Regis servum proferis, mendicus non es, etsi numerosā prole gravis: quomodō mendici, qui suum sanguinem Regi vovent? Sed fingamus aliquos mendicasse: dic mihi, ubi non sunt aliqui Vulturii & qui piceas habent manus? Regnat ubique hæc lues. Sed similes paucos esse crediderim, cum vix ullos Regios stipendiarios publicè stipem petere videamus; vel fortassis mendicant, ut suis pecuniis parcant. Nisi dicam fortassis plurimos tuas fores pulsasse: quia, cum Regis ærarium exhaustum paulò antè inter illos multos (de quibus in initio) fortasse dixisses, restabat ut milites tuum ærarium tentarent. Nugæ. Adhuc lubentes castra sequerentur, ut mendici essent? Non parvæ copię sunt, & Marchio nondum solus. Igitur nondum sicca & arida stipendiorum vena, nondum tanta necessitas, ut maxima pars mendicare debeat. An fortè pars aliqua? In magnā multitudine semper aliquos inveniēs miseros, quibus nihil sæpè  
præter



præter ferrugineum gladium; sed suo vitio, quia ad miseriam sub infausto iudice nati videntur.

### P V T E A N V S.

*Vt concedam corrigi hæc posse: quid paucis tamen Insulis omnium Regnorū vectigalia ac tributa impenduntur? Si rectè calculū ponimus,*

*Vix tanti fuerat Civilia bella moveri:*

*imò si ponimus, vix tanti victoria est: & adhuc pugnamus:*

### P O L I T I C O - C A T H O L I C V S.

Eandem quæstionē Pelagius apud Veredicum Belgicum proposuit: petens cur Belgicæ Provinciæ Hispano Regi adeò necessariæ & utiles videantur; ut nulla ob impendia, opum, Patriarum eversionem ac labores, easdem sibi ille deserendas ducat? Respondet Bonaventura acutissimè; rationes quasdam (non enim placent omnes) in compendium conferam. Prima est, ob situm: nam Galliæ, Angliæ, & Germaniæ sunt conterminæ, ideòque illarum veluti frænum & terror. Secunda, quia sunt totius Hispaniæ vallum, & adversus omnes Regis adversarios propugnaculum. Tertia, quia faciunt ut Rex nec Gallos, nec Anglos, aut Germanos timere debeat: nam si adversus Regem se moveant, Belgæ in eorum vicina Regna semper impetum facere possunt. Quarta, quia si Rex totum Belgium liberè possideat, imperium totius maris, ideòque & totius orbis est habiturus. Quinta, quia si Rex has Provincias amitteret; in ipsa Hispaniâ tutus non esset, ob Batavorum potètiā. Illi jam, licet Regis exercitum sibi imminentem habeant, tamen Hispaniam inimicis classibus sæpius infestant: quid si liberam & securam illarum Provinciarum possessionem obtinerent? Nam, ut credas, pacem, quæ cū iis iniri posset, stabilem fore? Facilius te asinum, cū sic incipias delirare, futurum crederes. Reges, Principes, Respublicæ, & reliqui hostes, Hispanicam Monarchiam verentur, & capitali odio prosequuntur: Batavi sanè odium non deponēt, quamdiu hæretici erunt, quia Religionis odium non deponēt: deinde præteritorum beneficiorum à Gallo & cæteris præsti-

torum oblivisci non poterunt, si auxilia ab ipsis adversus Hispanos & Austriacos petantur, aut ipsi bellum gerendum sollicitentur. Numquid tunc Belgicis Provinciis Catholicis timendum erit? Numquid eorum Classes, si Anglicis, reliquisque, quas sibi adjungēt, Hispania, & India formidabit. Recte omnium prudentium virorum judicio Rex faceret, si omnium suorum Regnorum vires colligeret, si totā vi atque potentiā has insulas navali terrestriq; bello simul oppugnaret. O utinam! Tunc brevi horum bellorum finem latri videremus.

#### Littera H. PYTEANI.

*Vires, quæ supersunt, tempestivè fovendæ sunt, ne penitus deficiant: fovendæ pace, bello enim imminutæ. In extremis consilia etiam necessitate honesta sunt; ac sinuanda vela, cum tempestas jubet. Omnia maris mala naufragio minora sunt: & gubernator, ut aurei Curtii verbis utar, ubi naufragium timet, jacturā quicquid servari potest, redimit. Igitur non quid speciosum dictu, sed utile factu, aestimandum est. Hannibalis apud Livium verba audiamus: Melior tutiorque est certa pax, quam sperata victoria. Illa in tuâ; hæc in Deorum manu est. Ut reliquis sine impedimento regatur Orbis, quies uni alterive detur Provincia. Qui omnia quasi possidet, sine exiguo est dives. Et quantillum mundi angulum Federati tenent? PHILIPPVS sine Bataviâ PHILIPPVS est, id est, Maximus;*

Imperium Oceano, famam qui terminat astris.

#### Responsio POLITICO-CATHOLICI ad Litteram H. Puteani.

##### PYTEANVS.

*Vires quæ supersunt tempestivè fovendæ sunt, ne penitus deficiant: fovendæ pace; bello enim imminutæ.*

##### POLITICO-CATHOLICVS.

Quomodo imminutæ tantum, & non exhaustæ; quando quidem exhaustum esse ærarium, militiamque nostram penitus corruptam prius dixeris? Sed sæpius in te ipsum pugnas. Supersunt, supersunt vires: quæ nequaquam fovendæ sunt

unt pace, sed bello. Donec bello peperimus victoriam, pugnemus semper. Infestos Punicorum animos ter resurgentes nequaquam timuit Roma: & vicit, ceciditque tamen Carthago æmula Romani Imperii. Et quomodo pax vires fovebit: si pace omnis disciplina militaris & cautio pereat; lenta segnities, & periculosa securitas oriatur? Quomodo vires fovebunt Induciæ: cum Inducias facere non sit aliud, quam dare hosti spatium ad colligendas vires, quibus fortius referiat? Fortissimos populos, postquam à bello se ad otium contulerunt, facile ab hostibus fractos fuisse legimus: quia animi Martii refcixerant, bellandi usus evanuerat. Sic Veientes perierunt: nam cum iis Romulus Inducias centum annorum pactus fuerat, deinde Senatus in quadraginta annos propagavit. Post illam longam quietem insueti bello, cum arma ignota resumpissent, brevi in Romanorum potestatem venerunt.

#### P V T E A N V S.

*In extremis consilia etiam necessitate honesta sunt.*

#### P O L I T I C O - C A T H O L I C V S.

Quis hoc ferat & indignor. Regem in extremis esse? Solus ille est, qui extrema & terminos Regiæ magnitudinis nescit. P L V S V L T R A prorumpet semper, quod jus & æquitas, Deo auspice, vocabunt. Eum in extremis & necessitate constitutum, quem tot opulenta Regna suum Monarcham Potentissimum esse gloriantur? Quando reliqui Reges necessitate laborabunt; vix adhuc mihi persuasero Regem Hispaniæ eâ laboraturum. Ille est, cui in epist. dedicator. Polit. Christ. dicit Scribanius: *Tu mundum universum auro dense perpluis & gemmis. Nam quod illis propè fatigetur Orbis, ab Oriente & Occidente tuo est. Supra fortunatus Insulas, qua in perpetuo flore, vere, fructu sunt, fecundus. Ac licet (notanda sunt hæc verba) alius Regibus non nisi tanquam æstatis unius messis una; autumni unius vindemia una; hiemis unius olivitas una sit; in te perpetua hæc reperiuntur, unoq; verbo: Fecunditas aterna est, priorq; viam semper sequenti sternit,*

*sternit, fœnerariâ auri argentiq; reddibitione.* Et ecce Classẽ ex Indiis feliciter appullam, octodecim auri millionibus, & pretiosis mercibus onustam certò scimus. Quinimò asserunt literæ mercatoriæ, etiã Orientalem Classẽ valde opulentam in Hispaniam advenisse. Quomodo igitur Rex in extremis, quomodo in necessitate: cui auri argentiq; æterna fœcunditas? Hæc necessitate honesta tua consilia non Potentissimo & Maximo Hispaniæ Regi, sed aliis Regibus sunt reservanda.

PVTEANVS.

*Sinuanda vela cùm tempestas iubet. Omnia maris mala naufragio minora sunt: & gubernator, ut aureis Curtii verbis utar, ubi naufragium timet, jacturâ quicquid servari potest, redimit.*

POLITICO-CATHOLICVS.

Nondum ea tempestas est, ut Regi lubeat vela sinuare. Si Regis carbasa secundo flatu non impleat fortuna: ut prudens Navarchus omnem artem, sic omnes vires suas advocabit, ipsamq; fortunam Dei Numine provocabit. Sicut Cæsar, furente tempestate, Nautæ dixit: *Ne time, Cæsarem vehis.* Ita Regem Hispaniæ tempestas quaterere potest, non mergere: quamdiu Deum Duce pius sequetur, ut hætenus. Necdum igitur naufragium timet, ideoq; nondum juravit pretiosas illas merces, Hollandiam, Zelandiam, Frisiam, Limburgum, & reliquas ditiones abjicere, tantamq; jacturam libenter ferre. Neptuni furores imitentur Batavi, & agros Antuerpiæ vicinos, tractis aggeribus, inauditâ crudelitate inundet. Major Neptunus est Rex Hispaniæ, qui Zelandiam, & Hollandiam in fluctibus sepelire posset, si vellet. Suas erunt plurimi, ut Rebelles aquis suis faceret innatare: omnes eorum agros, animalia, perfossis aggeribus immergeret, eisq; omnem internam, & dominatam potentiam eriperet. Nam parvo pretio, plusquàm duas tertias Hollandiæ ac Zelandiæ partes aquis se inundaturos non pauci locorum & adituum peritissimi promiserunt. Naufragium Rex immittere noluit, maluitq; magnos sumptus facere, quàm hoc vincendi modo

modo, non satis honesto, victoriam celeriter parare. O Regem, & benignum, & gloriâ immortali dignum! Non ad triduum expectarent Hollandi, si pari facilitate Hispaniam, Brabantiam, & Flandriam possent aquis obruere.

PVTEANVS.

*Igitur non quid speciosum dictu, sed utile factu estimandum est.*

POLITICO-CATHOLICVS.

An hæc nostra fortasse speciosa dictu, & ab Hispanici peccatoris fastu nata? Vtilia factu sunt, quia tuis perniciosissimis consiliis pugnant. A pio & fideli peccatore profecta sunt: non in suspectâ & delirantis senectutis officinâ fortasse venalia.

PVTEANVS.

*Hannibalîs apud Livium verba audiamus:* Melior tutiorque est certa pax, quam sperata victoria. Illa in tuâ, hæc in Deorum manu est.

POLITICO-CATHOLICVS.

Non illa melior, quæ cum nostræ Religionis injuriâ, perpetuo Regiæ Majestatis dedecore, & Coronæ Hispanicæ damno, supra quàm dici potest, maximo. Si autem victoria in Dei manu est: melius tutiusque victoriam Catholici sperare possunt, quàm hæretici: docent nos bella Germanica penes Ferdinandum, benignâ Dei faventiâ, steterisse victoriam, & mansuram speramus. Quid? ut semper se sperent bellaturos, semper victuros? Ne vehementer errant. Deum vindicem spectâ. Credisne illa pessimorum Fidei Regisque desertorum receptacula numquam penas & ruinam experturas? Quidquid ubique in his Provinciis erat crudelissimorum hominum, tota fœx hæreticorû, tota colluvies Iconoclastarum & Theomachorum in Bataviâ tanquam in asylum se recepit. Nisi piâ & justâ severitate malis obviam itum fuisset, nisi Præpotentis Dei benignitas improborum hominum conatus retardasset, jam vicinum videbatur in Belgio Catholicæ Religionis excidium. Repetant Belgæ memoriâ, quæ vix quindecim dierum spatio, in Augusto, anno 1566. ab im-

piis adversus Deum, Sanctos, Fidemque Orthodoxam sunt peracta. Antuerpiæ 15. Augusti, in festo Assumptionis, in templo Beatæ Mariæ longè pulcherrimo, Turcicam exequere iconomachiam, diliectis & comminutis statuis, aris, imaginibus omnibus, ipsâ etiam ædiculâ SS. Eucharistię, inæstimabilis pretii. In virorum virginumque Monasteria & cætera templa, pari crudelitate sævitum est. 22. Augusti Sylvæducis templum Divi Ioannis ornatissimum vastarunt; in alias ejus oppidi sacras ædes & Monasteria, præsertim Franciscanorum, Dominicanorum, & Carthusianorum sunt debacchati. 23. Augusti, Gandavi simile bellum indictum est imaginibus, & statuis, Venerabili Eucharistię, & Sanctorum Reliquiis; grassati sunt in Abbatiam Blandiniensem, eamque diripuerunt. Eodem die Mechliniæ quoque tumultatum est, & jam in Franciscanorum & Carmelitarum templis imagines frangebantur: à civibus expulsi, Monasterium Hanswicense extra oppidum, & alia circumadjacentia templa depopulati sunt. Quod idem apud Valencenas & Tornacum eodem die accidit. 24. ipso die S. Bartholomæi, Aldenardæ, & in pagis vicinis insanierunt, Cœnobium Magdendalense piissimarum virginum, omninò deformarunt. 25. apud Mosæ-Trajectum in quatuor Parochiarum templa Dominicanorumque & Franciscanorum Monasteria irruerunt. Flagitia in Hollandiâ à defectionis tempore perpetrata, supplicia de Religiosis & Catholicis Gorcomii & alibi sumpta prætereo. Nihil sacrum in totâ Bataviâ, nihil avitæ Religionis, vigent cathedræ pestilentię, peccandi libertas, modo nihil adversus Rempublicam agitetur. Quid tandem sperandum, nisi Bataviâ, quæ istos Belgicæ pietatis vastatores excepit & fovit, debitas aliquando pœnas, Deo vindice, luituram: nosque victoriam ejus nutu ac favore consecuturos.

P V T E A N V S.

*Vt reliquis sine impedimento regatur Orbis, quies uni alterive detur Provincia.*

55  
POLITICO-CATHOLICVS.

Imò nulla detur Hollandis quies, ut reliquus sine impedimento regatur Orbis. Hi soli totum turbant Orbem. Orientalis Indiarum Insulas & arces, Brasiliis, Americanos, Peruanos, Mexicanos infestarunt. Rupellanos & Montabanenses hæreticos in Galliâ, adversus Regem suum insurgentes, juverunt. Anglorum Regi in suâ adversus Hispanos expeditione naves subministrarunt; Daniarum Regi subsidia miserunt; Brandenburgicum Marchionem pro Iuliacensi, Cliviarum, & Montium Domino armis propugnarunt; Comitem Palatinum ad Bohemicam & Cæsaream Coronam rapiendam suis consiliis inflammaverunt; Venetorum Reipublicæ adversus Pontificem Paulum V. ac deinde Ferdinandum modò Imperatorem auxilio fuerunt; Sabaudiarum etiam Duci adversus varios Hispanorum exercitus, quibus S. Germani Marchio, & Ferie Dux præerant: Moscoviarum Duci & etiam Sueciarum Regi adversus Polonos decertantibus opem præbuerunt. Nonne toti Orbi quietem adimunt? Si pace fruerentur, statim Protestantium copiis adversus Cæsarem suas omnes vires conjungerent. Igitur ut reliquus sine impedimento regatur Orbis, nulla quies uni alterive detur Provinciæ.

PUTEANVS.

*Qui omnia quasi possidet, sine exiguo dives est. Et quantillum mundi angulum Fœderati tenent? PHILIPPVS, sine Bataviâ PHILIPPVS est; id est, Maximus;*

Imperium Oceano, famam qui terminat astris.

POLITICO-CATHOLICVS.

Gustavus dives erat Regno Gothico, & Germaniarum Imperium sine jure ambivit; omnes tamen falsi Politici laudabant. Rex exiguum petit, quod natura & sancta jura repetendū jubent; & ecce fremunt omnes. Ludovicus XI. Galliarum Rex sine Burgundiæ Ducatu dives erat; & tamen Caroli Audacis filiarum abstulit, & nullus hanc iniquam ejus invasionem reprehendit. Rex noster à Rebellibus suos Comitatus & Ducatus repetit; & ecce in eum sæviunt calami. Rupella, urbs exi-

gua

gua erat : non tamen quiescere Rex Franciæ potuit, donec eam occuparet, & rectè Rex Angliæ sine Hiberniâ dives esset: & tamen forti manu eam tenet. Sine Bayâ de los Sanctos in Brasiliâ etiam Status Hollandiæ se arroganter PRÆPOTENTES jactabant: & tamen per nefas Regi (licet inde expulsi sint) eripuerunt. Cur etiam Rex hunc mundi angulum, vel potius in illo mundi angulo, tres quatuorve Provincias jure belli non repetat? Reges alii pro unâ Provinciâ, pro unâ tantum urbe, bellis crudelibus Orbem miscunt, & sæpè sine ullo jure: cur has Provincias Rex armis recuperare non tentet? Sine Hollandiâ, licet sit exigua, divitiarum maximam partem amitteret: præsertim si, ut suades, liberam navigationem in Indias illis permetteret. Denique Philippus sine Bataviâ desineret esse Maximus: quia semper Maximo Hispaniarum Rege se maiores gloriarentur; quem necessitate, ut ais, victum, ad iniquas, vel qualescumque conditiones pacis accipiendas, adegissent.

#### Littera I. PYTEANI.

Hujus illi ut potentiam venerentur, quamvis, victoria propiores, transigere parati sunt. Princeps Auriacus ipse, quem fortissimum prudentissimumq; militia Ducem habent, quâ magnitudine animi, eâ moderatione, etiam belli gloriam Pacis conditionibus submittit. Quid obstaculi igitur? Ira in lenitatem vertenda sunt, ut virtuti & fame Regiæ liberum spatium detur: ignoscendum paucis, ut multis parcat. Nos illi multi sumus, qui subditi & ad ruinam primi, si novum Martis onus rebus multum jam depressis incumbat. Pauci, hostem à culpâ jam longinquiores, quamvis hostes, & majori impetu agant. Nam auctores belli vel bello extincti sunt, vel suo vivere fato deserunt: reliqui, tanquam in armis & libertate nati, causam ad se derivatam bello tutati sunt, sed ne caderent, omnium ferè Principum & Republicarum viribus pugnarunt hactenus, & adhuc pugnant. Dixerim, amplius in Regem nostrum, qui dederunt auxilia, quam qui acceperunt, peccasse; qui instigarunt, quam qui irruerunt: quippe



quippe unde vires, victoria venit: sed qui fortes fuere, viribus usi sunt. Quid igitur? Rectius

### Quæritur belli exitus

#### Quam caussa.

Non jam quomodo hostes facti, ponderandum est; sed quomodo amici possint fieri, & in auxilium societatemq. assumi. Hoc satis: ad Inducias, vel si non suspendere modo bellum; sed extinguere placeat, ad ipsam Pacem accedunt; firmiori fide se juncturi Regi, quam robore obstiterunt. An invicti sint, fortuna dispatet; sed agnoscunt se vinci posse, quia dexteras etiam armatas concordia porrigunt: Rex autem Majestatem suam magis benignâ Pace, quam cruento bello vindicabit. Pyrrhus, ille Epirotarum Rex, generosus hic fuit, qui Ennis ore regalem sanè, & dignam Æacidarum genere sententiam protulit:

Quorum virtuti belli fortuna pepercit,

Eorundem me libertati parcere certum est.

Dono ducite, doq. volentibus cum magnis Dis.

Tantum uni concessum populo, quem fortem ac timendum, rebus etiam adversis, virtus militaris fecerat. Concessum à Pyrrho, bellatorum maximo, & Epiri, Thessalia, Macedonia viribus, Campania, Apulia, Lucania subsidio pugnante. Illius quoque invictos Romanorum animos mirati, Floro referente, vox fuit: O quam facile erat, Orbis Imperium occupare, aut mihi Romanis militibus, aut me Rege Romanis! Sed profectò toto quamvis Marte subnixus, & novus Alexander habitus, imò Aquila nominatus; non potuit tamen, quia Pace caruit, Magnus esse: victus & fugatus ab iis, quos vicerat, excedere Italiâ cum reliquis copiarum coactus est.

### Responsio POLITICO-CATHOLICI ad Litteram

I. Puteani.

PUTEANVS.

Hujus illi ut potentiam venerentur, quamvis victoria propiores, transigere parati sunt. Princeps Auriacus ipse, quem fortissimum prudentissimumq. militia Ducem habent, quâ magnitudine animi, eâ moderatione, eiam belli gloriam Pacis conditionibus submittit.

Qui verè & ex affectu Regem amat, Regis hostem juratissimum parcè laudare debet, ne cum amare videatur. Quis vel Oratorum, vel Historicorum apud Batavos (nam plurimos eorum novisti, & legisti) Albertum Ducem nostrum, in quo erat omnium virtutum consummatio, ita laudavit, ut tu modò Auriacum? Nemo illorum mentionem Principis nostrifecit cum honoris titulo: sufficit illis sine titulo Albertum nominare. Sanè has laudes ab amore, quo in Auriacum feris, natas existimo: ideòq: vanas, & fide indignas judico. Scimus *in suspicionem gratia venire amantium judicia. Nam ubi certa est amicitia, ibi fides laudis incertior*, ait Symmachus lib. 1. epist. 52. Quid? ut eum fortissimum prudentissimumque prædices? Ego nec fortem, nec prudentem judico. Absit, vel odii, vel invidiæ suspicio. Memini me legere Aristidem orat. de concordia tom. 2. dicentem: *Ne hostes quidem, si quid rectè egerint, eà (laude) privandos esse, Deorum quidam apud Pindarum, nisi fallor, Herculem monet. Adeo sua natura divina quadam res est benedictum.* Hostes suà laude privare nolo: non tamen in Auriaco veram fortitudinem & prudentiam reperio. Sicut Augustinus nullas in Gentibus veras virtutes agnoscit; ita nec ego in hæreticis, qui extra Ecclesiam Catholicam. In hac solà vera fortitudo ac prudentia est. Hæc enim solà lumine fidei Deum cognoscit, ad quem tanquam ad ultimum finem & summum bonum vera fortitudo, & omnis virtus dirigi debet. Quippe virtus, quæ pro suo objectum summum bonum non habet, veræ virtutis rationem non obtinet; & ideò æternâ felicitate (quàm sperare non debent hæretici) præmio veræ fortitudinis & prudentiæ privatur. Quænam in Auriaco fortitudo? Non propria fortitudo, sed nostrorum proditio aut incuria hæcenus illum victorem fecit. Si Comes Bergius Geldriam, Wachtendoncam, & alia loca diligenter conservare studuisset, neque inde sine Regis auctoritate discessisset, non tã magnos progressus fecisset hostis; nò Venlonam, non Ruremundam, non Trajectum amissemus.

Si,

Si, cum exercitui nostro præerat, Sylvauducis ab hostibus obsessam liberare conatus fuisset: non eam nobis ereptam doleremus. Wesalia intercepta est? ejusdem Comitis, qui 29. cohortes inde extraxerat, nullumque equitem ibi reliquerat, culpa est. Denique ejus perfidia fecit, ut nullum in Velaviâ successum haberemus, ut sciunt omnes. Fortalitium S. Crucis dedit unus etiam proditor. Sed fortem eum in Trajectensi obsidione dices, utpote qui Papenheimio fortiter resistit. Crepundia. Iam tempus habuerat, ut urbem undique munitionibus circumvallaret. Marchio Sanctæ Crucis (quæ plurimi perperam vituperarunt) vix se movere audebat, cum se hostem ita munitum è suis Castris pellere non posse à suis Consiliariis perciperet; prætereà Gallos in Picardiâ, usque ad 25. hominum millia Belgio imminere ob conjurationem Bouchiniensem audiret. Ne hæc tam faciliè præteriisse videar, quasi ignarus; in Picardiâ Comes Sueffionensis regebat exercitum; & Dominus de Haulterive, Batavicarum copiarum ductor, ideò in Franciam vocatus erat, & à Rege S. Quintini Gubernator constitutus, ut sub nomine Batavico (ô sincera Gallorum pax & amicitia!) bellum Hispaniæ Regi moveret. Non, inquam, alio fine: nam postea, ubi nulla spes rei gerendæ apparuit, statim in Hollandiam rediit. Accedebat pactum inter Auriacum & Bergium, ut si noster exercitus, vel ad Trajectensem obsidionem solvendam, vel Ruræmundam & Venlonam versus transiisset; ipse Bergius cum exercitu, quem paratum habebat, aut subito comparasset, ad Bruxellam occupandam maturaret. Afferunt hoc testes oculati, qui viderunt salvos conductus & litteras Bruxellam missas, quibus Bergius amicos suos monebat, se cum copiis brevi adfuturum, iisque securitatem promittebat. Quid inter hæc egisset Marchio? Hærebatur dubius, maluitque exercitum salvum conservare, quam deletum fortassis exercitu nostro, Hollædis, Gallis, & proditoribus liberum in Patriam aditum dare. Vicit ergo Trajectum Auriacus: sed ita ut urbis propugnator acerrimus Marchio Ledæsis & civium turba, majorem fortitudinis gloriam, quam

Auriacus, sibi compararit. Limburgum cepit: si Romanam civitatem cepisse dicendi sunt Senones, qui portas patentes neminemque resistentem repperunt. Et quod unquam mirabile stratagemata, quæ fortis pugna audita est? Nisi fortè ejus crudele incendium commemorares, quo Brabantiam, nemine resistente, depopulatus fuit. Egregiam verò laudem & spolia ampla retulit, cum Brugas venit. Militum tantam multitudinem ducebat, ut decem hostes singuli nostrorum militum fuissent habituri, si pugnare fuisset ausus: & tamen fugit æternâ cum sui nominis & Batavicæ gentis infamiâ. Adeo ut hoc Chronicon duplex, ejus imbellem fugam deriserit.

## I.

*henrICVs nassoVIVS tenDit brVgas prImâ IVnl.*

## I. I.

*seCVnDâ Die VenIt, tertIâ VIDIt, qVartâ fVgl.*

Denique vera prudentia, donum Dei est: ergone in Auriaco vera prudentia, qui bella injustè adversus Regem gerit, qui vitia & hæreses fovet, qui Rebelles defendit, qui noxiam libertatem vult asserere; qui pacta contra naturæ legem non tuetur in urbibus, in quibus liberum Religionis nostræ exercitium permittendum confirmavit? Sapientia hujus mundi stulticia apud Deum est. Piè loqueris, mihi objiciet aliquis: ideo Politico-Atheus non sum, sed Politico-Catholicus. De his satis: ad rem venio. Si ille Auriacus, quem tu prudentissimum facis, belli gloriam Pacis conditionibus submittit; si Hollandi, quamvis victoriæ propiores transigere parati sint: suspectas meritò habere debemus Inducias & Pacem; quandoquidem illi non amore Regis, sed suâ utilitate ducantur.

## P V T E A N V S.

*Quid obstaculi igitur? Ira in lenitatem vertenda sunt, ut virtuti & fame Regia liberum spatium detur.*

## P O L I T I C O - C A T H O L I C V S.

Numquid multa satis obstacula? Neque Rex iram in lenitatem vertere potest; nisi hostibus se planè imparem cum suo

suo dedecore fateri velit. Imò hæreses & scelera videretur  
 probare, non sine gravi culpâ: si hæc vitia castigare non per-  
 geret, si in illa piam justamque iram non conciperet. Rex  
 velut Paterfamilias esse debet. Quis Paterfamilias filio re-  
 belli aut furi non succenseat? An eum ut amicum amabit, ei  
 securam pacem concedet: si domum placidus redire nolit;  
 aut ablata, si magni momenti sunt, reddere renuat. Hæc in-  
 dulgentia secum traheret culpam, si condignâ animadver-  
 sione filium ad saniozem mentem revocare non studeret.  
 Lactantius eos reprehendit, qui de commissis sceleribus  
 vindictam non capiunt. Sic loquitur lib. de irâ Dei, cap. 18.  
*Nos certe, cum domi peccatur, sive id cernimus, sive sentimus, indig-*  
*nari necesse est. Nam qui non movetur omnino: aut probat delicta,*  
*quod est turpius & injustius; aut molestiam fugit, quam sedatus ani-*  
*mus & quieta mens aspernatur ac renuit, nisi ira stimulaverit & in-*  
*citaverit. Qui autem commovetur intempestivâ lenitate, vel sæpius*  
*quàm necesse est, vel etiam semper ignoscit; is planè & illorum vi-*  
*tiam perdit, quorum audaciam nutrit ad facinora majora, & sibi ipsi*  
*æternam molestiarum materiam subministras.* Nec prætermittam  
 Bernârdum, qui epist. 69. sic ait: *Non irasci ubi irascendum est;*  
*& nolle emendare peccatum, peccatum est.* Grave crimen Rex ad-  
 mitteret, si in suâ ditione securos & liberos esse sineret, Ec-  
 clesiæ Catholicæ sibi que Regi Catholico perduelles, Ecce-  
 siæ sibi que insolentissimè insultantes atque extrema omnia  
 molientes. Ecclesiam ubique infestant, domi, foris, terrâ,  
 mari, bello, pace, armis, scriptis, & inter capitalissimos Ecce-  
 siæ Catholicæ persecutores non sunt postremo loco nume-  
 randi: nam nullius Tyranni aut Imperatoris persecutio tam-  
 diu, nempe per 60. annos, duravit. Præterea non sufficit illis  
 suam impietatem mordicus tueri, & Religionem intra Pro-  
 vincias fœderatas opprimere, nisi etiam in extremis Orbis  
 Terræ partibus, inter infideles prædicationem Evangelii  
 inturbant; ut taceam in diversis Indiarum partibus, &  
 præsertim in Iaponiâ eorum flabello excitata atrocissimâ-  
 rum persecutionum incendia, & relicta non semel inaudita

crudelitatis insignia. Et Rex hanc improborum colluviem in suis hæreditariis Provinciis vivens vidensque grassari permitteret? Non pauci anni sunt, cum una cohors Henrici Nassovii nunc Principis Auriaci, juxta Mechliniam in quoddam Catholicorum templum incidit; quæ templū ingressa, sacrum Tabernaculum perfregit, Pyxidem sive Ciborium aperuit, sacrosanctas hostias sacrilegis manibus contrectavit, ac per summum derisum (quis non horreat referendo?) alias sputo madefactas valvis domorum; alias equorum sellis, ephippiis, habenis affixit; alias projecit inter cæchinnos & hæreticorum petulantiam. Et Rex iram in lenitatem vertat? iram faciliè deponat? neque ex Hollandiâ tam flagitiosos Eucharistiæ contemptores expellat? A Rudolphi Caesaris, Philippi II. Alberti Principis nostri Pientissimi erga illam pietate, Rex degenerare non debet: ideòq; necesse est, injurias huic Augustissimo Sacramento illatas ulciscatur. Quod fiet, si omnibus improbis in Hollandiâ publicam potestatem eripiat, & nostræ Religionis serenitatem reducat. Et ut ad omnia respondeamus, non est opus famæ Regiæ liberū spatium dari. Nam Rex Catholicus in hoc etiam differt ab aliis Regibus, quòd suo sumptu in hâc aut illâ Provinciâ semper bellum alere possit. Vidimus uno anno sub signis Regiis exercitus quinque, in Italiâ, Germaniâ, Bohemiâ, Hungariâ, Belgio. Et jam unum exercitum alere non posset, donec victoriam pararit?

PVTEANVS.

*Ignoscendum paucis, ut multis parcat. Nos illi multi sumus, qui subditi; & ad ruinam primi, si novum Martis onus rebus jam multum depressis incumbat. Pauci, hostes.*

POLITICO-CATHOLICVS.

Nequaquam nos Regem offendimus, nec ejus iram experimur: cur nos, nempe illi multi, nobis ignosci peteremus? Præterea, quoad belli incommoda à Rege nobis ignosci non postulabimus: si verè fideles & generosi simus, si Ecclesiæ ac Regis nostri utilitatem, perinde ac nostram æstimeamus. Majores nostri toto ferè ætatis suæ tempore incensâ & vastatâ

vastatâ Flandriâ, Brabantiâ corruptâ, fortunis everfis, agris  
 cruore non cultu pinguibus, ferre potuerunt : nos integrâ  
 Flandriâ, & pænè totâ Brabantiâ, non est quod ex aquilis  
 nati jam imbelles columbæ videamur, fortunæ nostræ cala-  
 mitatem Regiæ fortunæ & dignitati præferentes. Ruinam,  
 quam instare fingis, avertet Deus. Speremus in Deo, & ipse  
 faciet, & educet quasi lumen iustitiam Regis. Rex igitur non parcat  
 Hollandis, ut nobis videatur ignoscere.

PUTEANVS.

*A culpâ jam longinquiores, quamvis hostes, & majori impetu  
 agant. Nam auctores belli, vel bello extincti sunt, vel suo vivere fato  
 desierunt: reliqui, tanquam in armis & libertate nati, causam ad se  
 derivatam bello tutati sunt.*

POLITICO-CATHOLICVS.

Gaudeant Hollandi, quia perire non possunt, qui tam  
 fortem ac disertum Patronum & Advocatum reppererunt.  
 Ita enim, Puteane, causam Batavorum agis: quasi si eorum  
 patrociniū suscepisses? Vno verbo his satisfaciam. Bona à  
 mortuis parentibus legata, quæ vel aliena, vel fecerando  
 malè parta esse cognoscunt, servare acturi non possunt  
 filii: sed illos restitutionis lex obligat. Ita clamat natura, si-  
 mulque jura omnia. Sciunt Batavi, qui jam vivunt, hæredi-  
 tatem esse Philippi Regis Hispaniæ, à majoribus suis injustè  
 occupatam: quin restituunt? Legitimum Principem habe-  
 bamus & Clementissimum: quin reddiderunt? Velamen  
 non habent, nisi libertatis nomen: cum tamen jam intro-  
 ductam tyrannidem apud se videant.

PUTEANVS.

*Ne cadèrent, omnium fere Principum & Rerumpublicarum viri-  
 bus pugnârunt hætenus, & adhuc pugnant. Dixerim, amplius in  
 Regem nostrum, qui dederunt auxilia, quàm qui acceperunt, peccasse;  
 qui instigarunt, quàm qui irruerunt: quippe unde vires, victoria ve-  
 nit: sed qui sortes fuere, viribus usi sunt.*

POLITICO-CATHOLICVS.

Multitudo juvantium, criminis gravitatem non minuit.  
 Pecca-

Peccarunt Franci, Veneti, & alii : non minùs peccarunt Batavi (quos malè fortes vocas) qui usi fuerunt. Si cui vitam eripuissèm, egòne liber, quia alii mihi gladium subministrassent? Alienum possideo, alii consulunt ut non restituam : simul cum illis pecco, cum illis pœnas mereor, nulla jura remissionem mihi ideò dandam esse pronuntiant.

P V T E A N V S.

*Quid igitur? Restitui*

Quæritur belli exitus  
Quàm causâ.

POLITICO-CATHOLICVS.

Hæc verba sunt injustissimi Lyci apud Senecam in Hercule furente act. 2. Eadem verba usurpare non potest, nisi qui injustissimus videri cupit. Quis tam emotæ mentis, tam parum amans æquitatis, qui causam belli non quærat? Causam belli justissimam Rex habet, ut sæpè diximus; speremus aliquando belli exitum adfuturum. Ita nos monet Lucanus lib. 7.

*Causa jubet melior Superos sperare secundos.*

Speremus igitur Deum nobis adfuturum; Batavi justâ negantes, semel nobis dare cogentur omnia, cum Deus volet. Dicamus cum eodem Lucano lib. 1.

*Viribus utendum est, quas fecimus: arma tenenti*

*Omnia dat, qui justâ negat, nec Numina desunt.*

P V T E A N V S.

*Non jam quomodo hostes facti, ponderandum est; sed quomodo amici possint fieri, & in auxilium societatemq; assumi.*

POLITICO-CATHOLICVS.

Quamdiu hæretici sunt, nec reddunt Regi, quæ sunt Regis, semper hostes sunt. Hæreticos autem numquam amicos habebit Rex, nec in auxilium societatemq; assumet. Vis ut Reges Franciæ imiteretur? ut cum hæreticis fœdera ineat? Rex Iosaphat cum Achabo Rege Israël impiissimo societatem inierat. Hunc redeuntem ex bello, quod contra Syrios gesserat, sic Iehu Propheta fuit allocutus: *His qui oderunt*

*Domi-*



*Dominum, amicitia jungeris; ideo iram Domini merebaris.* Paralip. 2. cap. 29. Hanc iram Dei contempsisse videntur Gallia Reges, qui cum immanissimo Christianorum tyranno, Turca scilicet, foedus foedissimum fecerunt, & etiamnum servant. Posteris pessimum exemplum dedit Franciscus I. qui adversus Carolum V. Imperatorem Solymannum concitavit, à quo Barbarossa cum classe missus; qui Hetrutiae ora vastata, & Hispaniis infestatis, Aenaria & Lipara afflicta, Constantinopolim rediit, Christianorum spoliis onustus. Carolus IX. foedus non sine dedecore à Francisco I. idum, cum Solymanno, qui Melitani magno navali paratu obsederat, renovavit. Quod Caroli IX. foedus plurimum Pius V. Pontifex, divinae sapientiae & miraculorum gloria insignis, improbavit, & *Francia labem* appellavit, ut refert Franciscus Longus Curiolanus in Breviar. Chronolog. anno Christi 1571. Vnde plurimi notarunt Reges Galliae à Francisco Primo, qui primus cum Turcis se turpissimo foedere obstrinxit, usque ad Henricum IV. infelices exitus habuisse, occulto Divinae Providentiae calculo potius, quam humani consilii ratione expendendos, ut ait Maximilianus Vrientius, qui in fata posteriorum Galliae Regum sic lustr.

*Adspicite o Belga Gallorum funera Regum,*

*Lavaq. Valesia pendite fata Domus.*

† I. *Ille potens sceptri* † FRANCISCVS, *federis auctor*

*Cum Mahumetigenis vincula captus adit.*

*Agmine libigero Ticini ad flumina fuso,*

*Obside vix gemino liber & are gravi.*

† II. *Filius* † HENRICVS *magno certamine victus,*

*Acciso regni flore opibusq. virum;*

*Dum pacem & tadas celebrat; simulacraq. belli*

*Ludit eques, tragicam morte cruentat humum.*

† II. *Aure male infecta, viridi* † FRANCISCVS *in avo,*

*Nil nisi flos regni Solstitialis obit.*

† IX. *CAROLVS à tristi lanienà & strage suorum*

*Invidia & letbi nigra venena bibit.*

I

† III.

† III. *HENRICVS Scythico procul accersitus ab axe  
Post Guisias cades casus & ipse perit.*

† Fr.  
cis  
Andium  
Dux.

† *Frater ALENCONIVS Belgis ejectus, inanem  
Spem Regni, & vitium clausit in Arce brevi.*

*Ultima stirps gentis Regi despecta marito  
MARGARIS in sterili sola relicta gemit.*

*Hac tanta fortuna domus, hunc Gallica fructum  
Lilia Turcarum fœdere nixa metunt.*

† Henri-  
cus IV.

*Successor Regni † BORBONIVS, impiger heros,  
Cui tulerunt nullum sacula multa parem;*

*Christinegâ cum gente pari devinctus habenâ,  
Morte pari Paradis casus in urbe cadit.*

*Talibus exemplis qui sceptrâ tenetis in Orbe,  
Discite supremi sceptrâ timere Dei.*

*Omne sub regno graviore regnum.*

Quinimò ab anno 1579. Genevæ patrociniū suscepunt, licet jam pridem Christianissimi appellationem obtinuerint. Rex Christianissimus etiam hodiè Genevam, Academiam impietatis, Cathedram pestilentie, Calvini propugnaculum, omnis nequitie officinam, Vniversitatē iniquitatis, in suam clientelam admittit. Quid Gallorum fœdus cum Hollandis, Protestantibus, Suedis contractum referam? Nullus enim ab hoc Ludovico XIII. ictum fœdus cum Gustavo Suecorum Rege infensissimo Catholici nominis hoste ignorat: cuius mortem tanquam piissimi hominis & bono publico nati deplorasse testatur hoc Chronographicon, quod annum mortis Gustavi sic describit:

*gaLLO CongeMIScentē oCCVbVI sVeCVs reX.*

O pudor! Reges Galliæ Christianissimos, Rex Hispaniæ Catholicus hætenus imitari noluit. Indias habet, numquam hæreticorum auxilio usus est. Italię partem & tot Regna possidet? Bono jure & Dei auxilio possidet. In suo Regno, nec Iudæos, nec Mauros, sicut nec ullam prorsus hæreticorum Sectam, ut Rex Franciæ, pati potest. Non decet Regem verè Num ab hæreticorum, sed Dei auxilio pendere. Quod Regi Hispaniæ

Hispaniæ suades, olim fortiter dissuasit Fulco Rhemenſis Archiepiſcopus Carolo Simplici, qui de Northmannis nondum Chriſtianiſi ſibi fœderandis cogitabat. Eum igitur hic Præſul ſic per litteras admonuit. *Quis, qui vobis, ſicut oportet, fidelis eſt, non expaveſcat, vos inimicorum Dei amicitiam velle, & in cladem ac ruinam Chriſtiani nominis pagana arma & fœdera deteſtanda ſuſcipere? Nam ſi, ut ait Apoſtolus, bonos mores colloquia mala corrumpunt: quanto magis corrumpitur caſtitas animæ Chriſtiana, ex inimicorum conſiliis & ſocietate? Neque enim poterit non imitari, quod aſſiduè viderit, quin potiùs aſſueſcet paulatim, & quaſi vinculo mala conſuetudinis irahetur ad facinus. Et infrà. Vos Deum relinquitis: dicam certè licet nolens, quia Deum relinquitis, cum vos ejus hoſtibus ſociatiſ. Et iterùm infrà. Melius fuerat vos non naſci, quam diaboli patrocinio velle regnare, & illos juvare, quos deberetis per omnia impugnare. Sciatis enim, quia ſi hoc feceritis & talibus conſiliis acquieveritis, nunquam me fidelem habebitis; ſed & quos, utcumque potuero, à veſtrâ fidelitate revocabo; & cum omnibus Coepiſcopis meis, vos & omnes veſtros excommunicans aeterno anathemate, condemnabo. Pro fidelitate, quam vobis ſervo, hac gemebundus ſcribo: quoniam vos cupio ſecundùm Deum, & ſecundùm ſaculum ſemper eſſe honoratum; & non Sathana, ſed Dei adjutorio ad debitum vobis conſcendere regni faſtigium. Regnum enim, quod Deus dat, firmum habet fundamentum. Vide Flodoardum lib. 4. cap. 5. O admirandam Fulconis conſtantiam ac libertatem! Et tu Regi ſuades, ut Hollandos Northmannis atrociores, Atheos, hoſtes Eccleſiæ Catholicæ, amicos ſibi faciat in auxilium & ſocietatem aſſumat? *Quæ participatio juſtitia cum iniquitate? aut quæ ſocietas lucis ad tenebras? quæ conventio Chriſti ad Beliaſ? ita Apoſtolus 2. Cor. 6.**

P V T E A N V S.

*Ad Inducias, vel ſi non ſuſpendere modò bellum; ſed extinguere placeat, ad ipſam Pacem accedunt, firmiori fide ſe juvaturi Regi, quam robore obſtiterunt. An invicti ſint, fortuna diſputet; ſed agnoſcunt*

*se vinci posse, quia dexteris etiam armatas concordia porrigunt.*

POLITICO-CATHOLICVS.

Suspendi bellum nequit, nisi iniquis conditionibus nos submittamus: nec bellum extinguere, nisi Rex Bataviam ipsis liberè possidendam relinquat. Quæ duo non admitti modò, sed nec cogitari possunt. Eos autem firmiori fide se juncturos Regi, quàm robore obstiterunt, planè ridiculum est. Quomodò perduelles fidem firmam conservabunt? Qui hætenus tot bella gesserunt, solo Hispanici nominis odio, tot calamitatibus afflicti, tot vectigalibus oppressi, mercimoniis impeditis: jam liberi & domini, Regem Hispaniæ amabunt? Qui hæreses adhuc in sinu suo fovebunt: Catholicæ Religionis summum propugnatorem sequentur? Qui Turcis, Gallis, Venetis, Suecis, Protestantibus, aliisque suæ reformatæ religionis Athlantibus fidem addixerunt: iis adversus Austriacos, qui adversus tartareas hæreticorum cohortes constantissimè potentem fidei clypeum semper attollunt, auxilia petentibus denegabunt? Qui tot Provincias in suâ potestate continebunt: non de propagando suo imperio cogitabunt, & larvâ pacis depositâ, non se apertos hostes Regis profitebuntur? Pueris, pueris hæ nuces. Nec bellum suspendamus, nec extinguamus: eos invictos non esse, ostêdet Deus & bona causa, non cæca illa fortuna, quæ nimis in Litteratorum ore versatur. Quamquam quid ipsos invictos cogitamus: cum ipsorû viribus non sit tribuendum, quod hætenus victi non sint? *Agnoscent, inquis, se vinci posse, quia dexteris etiam armatas concordia porrigunt.* Et ipsos vinci posse, etiam nobis notum est: idcòque non nisi ad concordiam justis sanctisque conditionibus firmatam, veniemus.

PVTEANVS.

Rex autè Majestatem suam magis benignâ Pace, quàm cruento bello vindicabit. Pyrrhus, ille Epirotarum Rex, generosus hic fuit, qui Ennii ore regalem sanè, & dignam AEacidarum genere sententiam protulit:

Quorum

Quorum virtuti belli fortuna pepercit,  
Eorundem me libertati parcere certum est.

Dono ducite, doque volentibus cum magnis Dis.

*Tantum uni concessum populo, quem fortem ac timendum, rebus etiam adversis, virtus militaris fecerat. Concessum à Pyrrho, bellatorum maximo, & Epiri, Thessalia, Macedonia viribus, Campania, Apulia, Lucania subsidio pugnante. Illius quoque invictos Romanorum animos mirati, Floro referente, vox fuit: O quàm facile erat, Orbis Imperium occupare, aut mihi Romanis militibus, aut me Rege Romanis! Sed profectò toto quamvis Marte subnixus, & novus Alexander habitus, imò Aquila nominatus, non potuit tamen, quia Pace caruit, Magnus esse: victus & fugatus ab iis, quos vicerat, excedere Italiâ cum reliquis copiarum coactus est.*

### POLITICO-CATHOLICVS.

Plures fuere & Reges & fortissimi Duces, qui adversus Romanos pugnarunt: & victi sunt. Nimirum è Græciâ Imperium ad Romanos transferre statuerat Deus, ut Danielis oracula præsignificaverant: ideòq; has victorias ex Regibus fortissimis Romani (quorum morales virtutes Imperio compensare Deus volebat, ut ait Augustinus) reportarunt. Sed nã ludum facis: qui quasi Batavorum amore ebrius, eos Romanis comparas; Hispaniæ Regem (qui ex tuâ sententiâ est ubique potens, qui Orientis & Occidētis terminos circumductâ gloriâ tenet) Pyrrho confers, qui solius Epiri Rex erat: cui procul à Patriâ pugnanti, Rex Antigonus militum supplementum negabat: quem non solum Romani, sed etiam Carthaginenses infestabant. Nondum Rex Hispaniæ, ut Pyrrhus, ad libertatem Batavis dandam, se coactum videt. Nondum

*Horum perfidia Deus & bona causa pepercit.*

*Huic ideò libertati non parcere certum est.*

*Nec dat, nec donat, Magno nolente Tonante.*

Non ut Pyrrhus, solâ ambitione & Imperii cupiditate pugnat: sed ad bellum iusta causa promovit. Impiæ huic libertati non parceret, numquam dabit & donabit hæreticis quietem,

tem, suamque hæreditatem, numquam cum iis pacem inveniet. Non vult enim hoc Magnus Deus, & recusat fervida pietas; quâ Catholicam Religionem Hispani & propagant, & defendunt. Denique Rex, ut Pyrrhus, non desuit, quia pace caruit, Magnus esse; nec cum Batavorum arma è Belgio cogent excedere.

Littera K. PUTEANI.

*Huc redeo, & prorsus æquum censeo, universa, quamvis dissecta, habendam esse rationem Belgica; ne membri culpam reliquum cogatur corpus luere, & una Provincias omnes causa immeritò obruat. Perverso una aut altera consilio, quasi furore, iram Regis & bellum provocavit: plures gratiam obsequio, pacem fide promeriti, integram ad se benevolentiam trahunt. Qui peccant & non peccant, homines sunt. Non quos possis perdere Rex Magne; sed quos servare debeas, expendes; & aliquos fines non tuos esse, ut plures habeas: Pacem non tuis daturus, salutem tuis, nullo quidem victoria premio, magno gloria, quod luculentissimum ab utrisque auferes. Vincere paucos possis, qui multos regis: sed parcere si malueris omnibus, longè major eris. Bellorum egregii fines, ut cum Tacito dicam, quoties ignoscendo transigitur. Tamen tui, quàm non tui, tui sunt: alios imperio, alios titulo complecteris. Belgæ sunt, ut scias tuos esse: & Belgarum manes Princeps, bello an pace utaris, ubique potens, qui Orientis & Occidentis terminos circumductâ gloriâ tenes; alibi dominus, hic pater; alibi scepro, hic affectu imperas. Nimirum alia Belgarum, alia aliorum conditio est. Apud Belgas, ubi minus servitutis, plus obsequii est: alibi libertas ferociores reddit. Hinc etiam facilius duci ingenia Belgarum queunt, aliorum cogi, & sequuntur facilius, servile putant, cogi. Infelix sanè, & miserandum bellum est, quo plus Amicis, quàm hostibus nocetur: ut non vincere hostes melius putem, quàm Amicos perdere: servare Amicos, ne vel hostes sint. An Cothurnus Octavia fallit?*

NERO. Extinguere hostem, maxima est virtus ducis.

SENECA. Servare cives, major est patriæ patri.

*Altera Neronis in Tragicâ scenâ vox est, & hoc satis, ut scia & iniqua sit; altera Seneca, & quid nisi ipsius Sapiëntia oraculo formata?*

Respon-

Responſio POLITICO-CATHOLICI ad Litteram  
K. Puteani.

P V T E A N V S.

*Aliquos fines (Rex Magne) non tuos eſſe, ut plures habeas.*

P O L I T I C O - C A T H O L I C V S.

Quid ſinceret Rex Batavos non eſſe ſuos? Quid aliud ſua-  
des, quàm ut Batavis cedat, & concedat Hollandiam? Nimi-  
rum tunc plures haberet. Imò plures amitteret: quia aliæ for-  
taſſis Provinciæ, cum viderēt Batavos libertatem illam ima-  
ginariam ſibi bello aſſeruiſſe, in eandem ſpem ſe duci per-  
mitterent. Claudius Civilis Batavorum Dux, adverſus Ro-  
manos bellum movebat. Miſſus eſt ad eum Alpinus Monta-  
nus cum mandatis, ut à bello abſtineret. Sed Civilis omni-  
bus modis egit, ut Montanum in ſuas partes traheret. Ejus  
verba hæc ſunt apud Cornel. Tacitum: *En ego Præfectus unius  
cohortis & Canineſates, Batavique, exigua Galliarum portio, vana il-  
la caſtrorum ſpatia excidimus.* Quæ verba non parvam difficulta-  
tem involventia, ex eo quòd videantur ſignificare Bataviam  
eſſe Galliis adnumerandam; Adrianus Iunius Hornanus Me-  
dicus in ſua Batavicâ historiâ cap. 4. ſic explicavit. *Iſtic primâ  
fronte opinetur aliquis exiguam Galliarum portionem Batavos dici,  
quòd inter Gallias numeranda veniat Batavia, quum nihil  
iſtiusmodi ſit. Sed cum Civilis odoraretur ingenium Montani ad  
novandas res paratum, ſuiſq; conatibus peraccommodum, quò illum  
in ſuas partes atraheret, qui in Galliis plurimum auctoritate vate-  
bat, hoc argumenti ariete concutere voluit. Si ego cohortis unius Præ-  
fectus cum Batavis & Canineſatibus, qui reſpectu totius Gallia vix  
milleſima ejus pars ſumus, Romanos ſudimus vicimusq; quid futu-  
rum, ſi Gallia, excuſſo jugo, ſocias vires conjungant, & communibus  
armis hoſtem communem, impetant? Niſi quis fortè cò tendiſſe ho-  
rum verborum ſcopum autumat, quòd Batavos Gallia portio-  
nem vocet, ut faciliùs defectionis neceſſitatem illi perſuaderet;*  
qua

*qua gentem communem citius ad arma commoveret capienda, quam peregrinam & alienam. Ecce Civilis, quia Batavia defecerat, exigua Romani Imperii portio, Gallias ad defectionem hoc exemplo sollicitabat: & hanc repestata non poterit esse eadem Batavia exemplo, ut aliquæ Hispanici imperii Provinciæ ad defectionem moveantur? Nam Civilem suum imitari possent Batavi, aliosque hoc eodem argumento inflammare. Si nos Batavi, qui respectu totius Hispanici imperii millesima ejus pars sumus, tamdiu rebellionem nostram sustinuimus: quid futurum, si aliæ Provinciæ socias vires conjungerent, & communibus armis Hispanos impeterent? Rex igitur rebelles hos compescat, ne pessimæ rei exemplum det Italis, Siculis, Aragoniis, Lusitanis, & cæteris à quibus colitur.*

#### PVTEANVS.

*Pacem non tuis daturus, salutem tuis, nullo quidem victoriæ præmio, magno gloriæ: quod luculentissimum ab utrisque auferes.*

#### POLITICO-CATHOLICVS.

Notet lector diligenter hæc verba. Sensus est. Si des pacem non tuis, id est, Hollandis; si des salutem tuis, id est, Brabantis, Flandris, Arthesiis, Hannoniis, Luxēburgiis, & cæteris qui supersunt, tunc quidem nullam victoriam habebis, sed magnam gloriam & luculentissimam referes. Quod stultius consilium dari posset? Enimverò nullum victoriæ præmium proponit, sed solam gloriam. At quam gloriam Rex referet, si Hollandos sinat non esse suos, iisque pacem tribuat: Referet potius dedecus sempiternum, suam purpuram perpetuæ infamiæ maculâ denigrabit; quia paucarum provinciarum viribus, Potentissimus Orbis Monarcha inferior fuisse videbitur, quia hæreses toleravit, quia pacem victus sordidâ necessitate concesserit. Quid? Regum Hispaniæ, opulentissimum tot Regnorum Regem, solis Hollandis cedere debuisse? ab iis victum, & suam hæreditatem dare Rebellibus coactum? Rideret orbis totus, Regnorum suorum rebelliones novas quotidie videret, ac novos hostes.

Nullus



Nullus enim Hispanos, quos hactenus invictos crediderunt, bello aggredi, & ex iis victoriam referre desperaret, qui paucas insulas ad officium reducere non potuissent. Postremo, quæ gloria Regi nostro accederet, si à bello desisteret? *Pudendum* (inquit Onosander auctor Græcus Philosophus Platonicius in Strategico cap. 4.) *ac periculosum est, bellicos excitasse tumultus, & veluti mare terramq; præliis miscere voluisse, deinde turpiter inceptis desistere, proramq; obvertere. Etenim unusquisque supinam huiusmodi amentiam deridet, imbellemq; audaciam ludos facit. Hæc ille.*

P V T E A N V S.

*Vincere paucos possis, qui multos regis: sed parcere si malueris omnibus, longè major eris. Bellorum egregii fines, ut cum Tacito dicam, quoties ignoscendo transigitur.*

P O L I T I C O - C A T H O L I C V S.

Cur autè fortunæ disputandum reliquisti, an invicti essent: quandoquidem Regem nostrum, qui multos regit, paucos vincere posse fatearis? Mutas pellem, sæpè tibi dissimilis. Præterea multum Hollandis pepercerit, magnamq; clementiam ostenderit: si illis supplicibus & paratis imperata facere, remittat pertinaciam & rebellionem, quæ tanti constiterit. Sed quamdiu bello infesti sunt, venià sunt indigni; illis Rex parcere & cum illis ignoscendo transigere non potest, quia rebelles persistunt, quia Regium Patrimonium sine jure occupant, & hæresibus inficiunt.

P V T E A N V S.

*Tam tui, quam non tui, tui sunt: alios imperio, alios titulo complecteris. Belgæ sunt, ut scias tuos esse: & Belgarum manes Princeps, bello an pace utaris; ubique potens, qui Orientis & Occidentis terminos circumductâ gloriâ tenes.*

P O L I T I C O - C A T H O L I C V S.

Belgium universum non solum titulo, sed etiam imperio complecti desiderat. Desiderium hoc justum est, quia jura exigunt; sanum, quia potest. Belgarum quidem manet Princeps, bello an pace utatur: sed omnium Belgarum Princeps

olim titulo & imperio fuit, & jam esse debet. Licet autem sit ubique potens licet Orientis & Occidentis terminos circumducta gloria teneat: nondum eò dementiæ & nausæ venit, ut Belgiū universum suo diademate indignū judicer.

P V T E A N V S.

*Alibi Dominus, hic pater; alibi scepro, hic affectu imperans. Nimirum alia Belgarum, alia aliorum conditio est. Apud Belgas, ubi minus servitutis, plus obsequii est: alibi libertas ferociore reddit. Hinc etiam facilius duci ingenia Belgarum queunt, aliorum cogi, & sequuntur facilius, qui servile putant cogi.*

P O L I T I C O - C A T H O L I C V S.

Rex Hispaniæ non alibi Dominus, hic pater: sed ubique ita Dominus, ut sit pater; nec solo affectu, sed etiam scepro cupit imperare, ubi jure potest. Et quomodo hic imperabit affectu, & velut pater, si cum filii non agnoscant ut patrem; si Absalones eum Belgii parte per scelus ejicient? Nec capio cur alia Belgarum, alia aliorum sit conditio; cur aliorum ingenia cogantur & non Belgarum, ideoque à Rege libertas inusitata Belgis sit danda. Nam quæ gens libertatis avidior, quàm Italæ? quæ gens majoris & altioris animi (ut cæteras taceam, animo non inferiores) quàm Castellana & Lusitana? Regem tamen promptè & libenter colunt. Nimirum quia sentiunt omnes à Rege sibi plus libertatis quàm servitutis imponi, imò se verà frui libertate. Cur Belgæ Regiam potestatem, non terrore metuendam, sed securitate jucundam contemnunt? Liberiùs sub Ser<sup>ma</sup> & clementissimâ Principe Isabellâ Clârâ Eugeniâ vivimus: quàm qui si sub quâvis Republicâ viveremus. Quid igitur libertatis superest, quod Belgis concedi debeat? Vis dari libertatem Religionis? Impium te nec verè Catholicum ostenderes. Vt à vectigalibus sint liberi: in nullâ Republicâ, quamvis libera jactitetur, non sunt vectigalia; & Batavi jam, supra quàm credi possit, longè majora pendunt. Non servire Regi, libertatem vocas? Dulcis hæc servitus, quæ rem libertatis tenet; non, ut in Re- pub. Batavicâ, solum nomen. Quænam ergo sana & salubris liber-

libertas apud Belgas desiderari potest: Nos Catholici Regē amamus, & ex eo non nisi clementiā experimur: Albertum, Belgii nostri delictum, amavimus dum viveret, ejusque jucundissima nobis est recordatio; Isabellæ Claræ Eugenix (nam *mulierem fortem* ex voto Salomonis invenimus; & in eā justitiæ, misericordiæ, ingenii, prudentiæ circumspectissimæ, pietatis admirandæ, universas dotes reperimus) æternitatē annorum optamus. Cur Batavi, tam suave imperium aspernantur? An Batavi Belgarum optimi, an deterrimi? Sceleratis illis & rebellibus filiis, à Rege hæc perniciosissima libertas est adimēda, si verè sit pater. Quòd bello jam cogantur: non Regiæ severitati (quā sæpè etiā uti debent boni patres) sed rebellium pertinaciæ referendum, qui legitimū Regem nolunt agnoscere, ut nempe ipsi imperent; eorum stultitiæ tribuendū, qui ne uni serviant, pluribus servire non renuunt.

P Y T H A G O R A S.

*Infelix sanè, & miserandum bellum est, quo plus Amicis, quàm hostibus nocetur: ut non vincere hostes melius patem, quàm Amicos perdere: servare Amicos, ne vel hostes sint. An Cothurnus Octavia fallit?*

NERO. Extinguere hostem, maxima est virtus ducis.

SENECA. Servare cives, major est patriæ patri.

*Altera Neronis in Tragici scenâ vox est, & hoc satis, ut sava & iniqua sit; altera Seneca, & quid nisi ipsius Sapientiæ oraculo formata?*

P O L I T I C O - C A T H O L I C U S.

Hactenus multis honorum titulis bellum nostrum affecti. Nam præterquàm quod bellum *pestimum*, bellum *belli causâ gestum*, *longum*, *severum*, *indomitum*, *incendium*, ac *diluvium*, *sevam tempestatem*, *cruentum* appellaveris: jam *infelix & miserandum* vocas, quo plus amicis nocetur quàm hostibus; & quo amici perduntur, non vincuntur hostes. Ego verò proditores accusare malo, authores hujus belli infelicis & miserandi. Nam plus amici amicis nocuerunt, quàm hostes; amici amicos nostros perdiderunt, nō hostes nostri vicerunt. Si Patria quasdā calamitates passa sit, majores Holladi patiuntur. Vicerunt urbes? Plus victoria nocuit, quā profuit, multi profusi milliones;

crudelitatis insignia. Et Rex hanc improborum colluviem in suis hæreditariis Provinciis vivens vidensque grassari permitteret? Non pauci anni sunt, cum una cohors Henrici Nassovii nunc Principis Auriaci, juxta Mechliniam in quodam Catholicorum templum incidit; quæ templū ingressa, sacrum Tabernaculum perfregit, Pyxidem sive Ciborium aperuit, sacrosanctas hostias sacrilegis manibus contrectavit, ac per summum derisum (quis non horreat referendo?) alias sputo madefactas valvis domorum; alias equorum sellis, ephippiis, habenis affixit; alias projecit inter cæchinnos & hæreticorum petulantiam. Et Rex iram in lenitatem vertat? iram facile deponat? neque ex Hollandiâ tam flagitiosos Eucharistiæ contemptores expellat? A Rudolphi Cæsaris, Philippi II. Alberti Principis nostri Pientissimi erga illam pietate, Rex degenerare non debet: ideòq; necesse est, injurias huic Augustissimo Sacramento illatas ulciscatur. Quod fiet, si omnibus improbis in Hollandiâ publicam potestatem eripiat, & nostræ Religionis serenitatem reducat. Et ut ad omnia respondeamus, non est opus famæ Regiæ liberū spatium dari. Nam Rex Catholicus in hoc etiam differt ab aliis Regibus, quòd suo sumptu in hâc aut illâ Provinciâ semper bellum alere possit. Vidimus uno anno sub signis Regiis exercitus quinque, in Italiâ, Germaniâ, Bohemiâ, Hungariâ, Belgio. Et jam unum exercitum alere non posset, donec victoriam pararit?

PVTEANVS.

*Ignoscendum paucis, ut multis parcat. Nos illi multi sumus, qui subditi; & ad ruinam primi, si novum Martis onus rebus jam multum depresso incumbat. Pauci, hostes.*

POLITICO-CATHOLICVS.

Nequaquam nos Regem offendimus, nec ejus iram experimur: cur nos, nempe illi multi, nobis ignosci peteremus? Præterea, quoad belli incommoda à Rege nobis ignosci non postulabimus: si verè fideles & generosi simus, si Ecclesiæ ac Regis nostri utilitatem, perinde ac nostram æstimeamus. Majores nostri toto ferè ætatis suæ tempore incensâ & vastatâ

vastatâ Flandriâ, Brabantîâ corruptâ, fortunis everfis, agris  
 cruore non cultu pinguibus, ferre potuerunt : nos integrâ  
 Flandriâ, & pænè totâ Brabantîâ, non est quod ex aquilis  
 nati jam imbelles columbæ videamur, fortunæ nostræ cala-  
 mitatem Regiæ fortunæ & dignitati præferentes. Ruinam,  
 quam instare fingis, avertet Deus. Speremus in Deo, & ipse  
 faciet, & educet quasi lumen iustitiam Regis, Rex igitur non parcat  
 Hollandis, ut nobis videatur ignoscere.

PUTEANVS.

*A culpâ jam longinquiores, quamvis hostes, & majori impetu  
 agant. Nam auctores belli, vel bello extincti sunt, vel suo vivere fato  
 desierunt: reliqui, tanquam in armis & libertate nati, causam ad se  
 derivatam bello tutati sunt.*

POLITICO-CATHOLICVS.

Gaudeant Hollandi, quia perire non possunt, qui tam  
 fortem ac disertum Patronum & Advocatum repererunt.  
 Ita enim, Puteane, causam Batavorum agis: quasi si eorum  
 patrociniū suscepisses? Vno verbo his satisfaciam. Bona à  
 mortuis parentibus legata, quæ vel aliena, vel fœnerando  
 malè parta esse cognoscunt, servare actueri non possunt  
 filii: sed illos restitutionis lex obligat. Ita clamat natura, si-  
 mulque jura omnia. Sciunt Bâtavi, qui jam vivunt, hæredi-  
 tatem esse Philippi Regis Hispaniæ, à majoribus suis injustè  
 occupatam: quin restituant? Legitimum Principem habe-  
 bamus & Clementissimum.: quin reddiderunt? Velamen  
 non habent, nisi libertatis nomen: cùm tamen jam intro-  
 ductam tyrannidem apud se videant.

PUTEANVS.

*Ne caderent, omnium fere Principum & Rerumpublicarum viri-  
 bus pugnârunt hætenus, & adhuc pugnant. Dixerim, amplius in  
 Regem nostrum, qui dederunt auxilia, quàm qui acceperunt, peccasse;  
 qui instigarunt, quàm qui irruerunt: quippe unde vires, victoria ve-  
 nit: sed qui sortes fuere, viribus usi sunt.*

POLITICO-CATHOLICVS.

Multitudo juvantium, criminis gravitatem non minuit.  
 Pecca.

Peccarunt Franci, Veneti, & alii: non minus peccarunt Batavi (quos malè fortes vocas) qui usi fuerunt. Si cui vitam eripuissem, egone liber, quia alii mihi gladium subministra-  
sent? Alienum possideo, alii consulunt ut non restituam: si-  
mul cum illis pecco, cum illis pœnas mereor, nulla jura re-  
missionem mihi idèd dandam esse pronuntiant.

P V T E A N V S.

*Quid igitur? Rectius*

Quæritur belli exitus  
Quàm causa.

POLITICO-CATHOLICVS.

Hæc verba sunt injustissimi Lyci apud Senecam in Her-  
cule furente act. 2. Eadem verba usurpare non potest, nisi  
qui injustissimus videri cupit. Quis tam emotæ mentis, tam  
parum amans æquitatis, qui causam belli non quærat? Cau-  
sam belli justissimam Rex habet, ut sæpè diximus; spere-  
mus aliquando belli exitum adfuturum. Ita nos monet Lu-  
canus lib. 7.

*Causa jubet melior Superos sperare secundos.*

Speremus igitur Deum nobis adfuturum; Batavi justa ne-  
gantes, semel nobis dare cogentur omnia, cum Deus volet.  
Dicamus cum eodem Lucano lib. 1.

*Viribus utendum est, quas fecimus: arma tenenti*

*Omnia dat, qui justa negat, nec Numina desunt.*

P V T E A N V S.

*Non jam quomodo hostes facti, ponderandum est; sed quomodo  
amici possint fieri, & in auxilium societatemq; assumi.*

POLITICO-CATHOLICVS.

Quamdiu hæretici sunt, nec reddunt Regi, quæ sunt Re-  
gis, semper hostes sunt. Hæreticos autem numquam amicos  
habebit Rex, nec in auxilium societatemque assumet. Vis  
ut Reges Franciæ imitetur? ut cum hæreticis fœdera ineat?  
Rex Iosaphat cum Achabo Rege Israël impiissimo societa-  
tem inierat. Hunc redeuntem ex bello, quod contra Syrios  
gesserat, sic Iehu Propheta fuit allocutus: *His qui oderunt*  
*Domi.*

*Dominum, amicitia jungere; ideo iram Domini merebaris.* Paralip. 2. cap. 29. Hanc iram Dei contempsisse videntur Gallia Reges, qui cum immanissimo Christianorum tyranno, Turca scilicet, foedus foedissimum fecerunt, & etiamnum servant. Posteris pessimum exemplum dedit Franciscus I. qui adversus Carolum V. Imperatorem Solymannum concitavit, à quo Barbarussa cum classe missus; qui Hetruriae ora vastata, & Hispaniis infestatis, Aenaria & Lipara afflictis, Constantinopolim rediit, Christianorum spoliis onustus. Carolus IX. foedus non sine dedecore à Francisco I. idum, cum Solymanno, qui Melitani magno navali paratu obsederat, renovavit. Quod Caroli IX. foedus plurimum Pius V. Pontifex, divinae sapientiae & miraculorum gloria insignis, improbavit, & *Francia labem* appellavit, ut refert Franciscus Longus Carriolanus in Breviar. Chronolog. anno Christi 1571. Vnde plurimi notarunt Reges Galliae à Francisco Primo, qui primus cum Turcis se turpissimo foedere obstrinxit, usque ad Henricum IV. infelices exitus habuisse, occulto Divinae Providentiae calculo potius, quam humani consilii ratione expendendos, ut ait Maximilianus Vrientius, qui in fata posteriorum Galliae Regum sic luit.

*Adspicite o Belge Gallorum funera Regum,*

*Lavaq; Valesia pendite fata Domus.*

† I. *Ille potens sceptri* † FRANCISCVS, *foederis auctor*

*Cum Mahumetigenis vincula captus adit.*

*Agmine liligero Ticini ad flumina fuso,*

*Obside vix gemino liber & are gravi.*

† II. *Filius* † HENRICVS *magno certamine victus,*

*Acciso regni flore opibusq; virum;*

*Dum pacem & tadas celebrat; simulacraq; belli*

*Ludit eques, tragicam morte cruentat humum.*

† II. *Aure male infecta, viridi* † FRANCISCVS *in aro,*

*Nil nisi flos regni solstitialis obit.*

† IX. *CAROLVS à tristi lanienà & strage suorum*

*Invidia & lethi nigra venena bibit.*

I

† III.

† III. *HENRICVS Scythico procul accersitus ab axe  
Post Gnistias cades casus & ipse perit.*

† Fr<sup>an</sup>  
cis<sup>cus</sup>  
Andium  
Dux.

† *Frater ALENCONIVS Belgis eiectus, inanem  
Spem Regni, & vitium clausit in Arce brevi.*

*Vltima stirps gentis Regi despecta marito  
MARGARIS in sterili sola relicta gemit.*

*Hac tanta fortuna domus, hunc Gallica fructum  
Lilia Turcarum fœdere nixa metunt.*

† Henr-  
cus IV.

† *Successor Regni BORBONIVS, impiger heros,  
Cui tulerunt nullam sacula multa parem;*

*Christinegâ cum gente pari devinctus habena,  
Morte pari Paradis casus in urbe cadit.*

*Talibus exemplis qui sceptrâ tenetis in Orbe,  
Discite supremi sceptrâ timere Dei.*

*Omne sub regno graviore regnum.*

Quinimò ab anno 1579. Genevæ patrociniū suscepērunt, licet jam pridem Christianissimi appellationem obtinuerint. Rex Christianissimus etiā hodiē Genevā, Academiam impietatis, Cathedram pestilentie, Calvini propugnaculum, omnis nequitie officinā, Vniversitatē iniquitatis, in suā clientelā admittit. Quid Gallorum fœdus cum Hollandis, Protestantibus, Suedis contractum referam? Nullus enim ab hoc Ludovico XIII. ictum fœdus cum Gustavo Suecorum Rege infensissimo Catholici nominis hoste ignorat: cuius mortem tanquam piissimi hominis & bono publico nati deplorasse testatur hoc Chronographicon, quod annum mortis Gustavi sic describit:

*gaLLO CongeMIScentē oCCVbVIt sVeCVs reX.*

O pudor! Reges Galliæ Christianissimos, Rex Hispaniæ Catholicus hætenus imitari noluit. Indias habet, numquam hæreticorum auxilio usus est. Italię partem & tot Regna possidet? Bono jure & Dei auxilio possidet. In suo Regno, nec Iudæos, nec Mauros, sicut nec ullam prorsus hæreticorum Sectā, ut Rex Franciæ, pati potest. Non decet Regem verè Num ab hæreticorum, sed Dei auxilio pendere. Quod Regi Hispaniæ



Hispaniæ suades, olim fortiter dissuasit Fulco Rhemensis Archiepiscopus Carolo Simplici, qui de Northmannis nondum Christianis sibi fœderandis cogitabat. Eum igitur hic Præsul sic per litteras admonuit. *Quis, qui vobis, sicut oportet, fidelis est, non expavescat, vos inimicorum Dei amicitiam velle, & in cladem ac ruinam Christiani nominis pagana arma & fœdera detestanda suscipere? Nam si, ut ait Apostolus, bonos mores colloquia mala corrumpunt: quanto magis corrumpitur castitas animæ Christiana, ex inimicorum consiliis & societate? Neque enim poterit non imitari, quod assidue viderit, quin potius assuescet paulatim, & quasi vinculo mala consuetudinis trahetur ad facinus. Et infra. Vos Deum relinquitis: dicam certe licet nolens, quia Deum relinquitis, cum vos ejus hostibus sociatis. Et iterum infra. Melius fuerat vos non nasci, quam diaboli patrocinio velle regnare, & illos juvare, quos deberetis per omnia impugnare. Sciatis enim, quia si hoc feceritis, & talibus consiliis acque veritis, nunquam me fidelem habebitis; sed & quos, utcumque potuero, à vestrà fidelitate revocabo; & cum omnibus Coepiscopis meis, vos & omnes vestros excommunicans aeterno anathemate, condemnabo. Pro fidelitate, quam vobis servo, hac gemebundus scribo: quoniam vos cupio secundum Deum, & secundum seculum semper esse honoratum; & non Sathana, sed Dei adjutorio ad debitum vobis conscendere regni fastigium. Regnum enim, quod Deus dat, firmum habet fundamentum. Vide Flodoardum lib. 4. cap. 5. O admirandam Fulconis constantiam ac libertatem! Et tu Regi suades, ut Hollandos Northmannis atrociores, Atheos, hostes Ecclesiæ Catholicæ, amicos sibi faciat in auxilium & societatem assumat? Quæ participatio justitiæ cum iniquitate? aut quæ societas lucis ad tenebras? quæ conventio Christi ad Belial? ita Apostolus 2. Cor. 6.*

PVTEANVS.

*Ad Inducias, vel si non suspendere modo bellum; sed extinguere placeat, ad ipsam Pacem accedunt, firmiori fide se juncturi Regi, quam robore obstiterunt. An invicti sint, fortuna disputet; sed agnoscunt*

*se vinci posse, quia dexteræ etiam armatas concordia porrigunt.*

POLITICO-CATHOLICVS.

Suspendi bellum nequit, nisi iniquis conditionibus nos submittamus: nec bellum extinguere, nisi Rex Bataviam ipsis liberè possidendam relinquat. Quæ duo non admitti modò, sed nec cogitari possunt. Eos autem firmiori fide se juncturos Regi, quàm robore obstiterunt, planè ridiculum est. Quomodò perduelles fidem firmam conservabunt? Qui hætenus tot bella gesserunt, solo Hispanici nominis odio, tot calamitatibus afflicti, tot vectigalibus oppressi, mercimoniis impeditis: jam liberi & domini, Regem Hispaniæ amabunt? Qui hæreses adhuc in sinu suo fovebunt: Catholicæ Religionis summum propugnatorem sequentur? Qui Turcis, Gallis, Venetis, Suecis, Protestantibus, aliisque suæ reformatæ religionis Athlantibus fidem addixerunt: iis adversus Austriacos, qui adversus tartareas hæreticorum cohortes constantissimè potentem fidei clypeum semper attollunt, auxilia petentibus denegabunt? Qui tot Provincias in suâ potestate continebunt: non de propagando suo imperio cogitabunt, & larvâ pacis depositâ, non se apertos hostes Regis profitebuntur? Pueris, pueris hæ nuces. Nec bellum suspendamus, nec extinguamus: eos invictos non esse, ostēdet Deus & bona causa, non cæcâ illa fortuna, quæ nimis in Litteratorum ore versatur. Quamquam quid ipsos invictos cogitamus: cum ipsorum viribus non sit tribuendum, quod hætenus victi non sint? *Agnoscent, inquis, se vinci posse, quia dexteræ etiam armatas concordie porrigunt.* Et ipsos vinci posse, etiam nobis notum est: idèò quæ non nisi ad concordiam justis sanctisque conditionibus firmatam, veniemus.

PVTEANVS.

Rex autē Majestatem suam magis benignâ Pace, quàm cruento bello vindicabit. Pyrrhus, ille Epirotarum Rex, generosus hic fuit, qui Ennii ore regalem sanè, & dignam AEacidarum genere sententiam protulit:

Quorum

Quorum virtuti belli fortuna pepercit,  
Eorundem me libertati parcere certum est.

Dono ducite, doque volentibus cum magnis Dīs.

*Tantum uni concessum populo, quem fortem ac timendum, rebus etiam adversis, virtus militaris fecerat. Concessum à Pyrrho, bellatorum maximo, & Epiri, Thessalia, Macedonia viribus, Campania, Apulia, Lucania subsidii pugnante. Illius quoque invictos Romanorum animos mirati, Floro referente, vox fuit: O quàm facile erat, Orbis Imperium occupare, aut mihi Romanis militibus, aut me Rege Romanis! Sed profectò toto quamvis Marte subnixus, & novus Alexander habitus, imò Aquila nominatus, non potuit tamen, quia Pace caruit, Magnus esse: victus & fugatus ab iis, quos vicerat, excedere Italià cum reliquis copiarum coactus est.*

### POLITICO-CATHOLICVS.

Plures fuere & Reges & fortissimi Duces, qui adversus Romanos pugnarunt: & victi sunt. Nimirum è Græcià Imperium ad Romanos transferre statuerat Deus, ut Danielis oracula præsignificaverant: ideòq; has victorias ex Regibus fortissimis Romani (quorum morales virtutes Imperio compensare Deus volebat, ut ait Augustinus) reportarunt. Sed næ ludum facis: qui quasi Batavorum amore ebrius, eos Romanis comparas; Hispaniæ Regem (qui ex tuâ sententiâ est ubique potens, qui Orientis & Occidentis terminos circumductâ gloriâ tenet) Pyrrho confers, qui solius Epiri Rex erat: cui procul à Patriâ pugnanti, Rex Antigonus militum supplementum negabat: quem non solum Romani, sed etiam Carthaginenses infestabant. Nondum Rex Hispaniæ, ut Pyrrhus, ad libertatem Batavis dandam, se coactum videt. Nondum

*Horum perfidia Deus & bona causa pepercit.*

*Huic ideò libertati non parcere certum est.*

*Nec dat, nec donat, Magno nolente Tonante.*

Non ut Pyrrhus, solâ ambitione & Imperii cupiditate pugnat: sed ad bellum iusta causa promovit. Impiæ huic libertati non parceret, numquam dabit & donabit hæreticis quietem,

tem, suamque hæreditatem, numquam cum iis pacem inveniet. Non vult enim hoc Magnus Deus, & recusat fervida pietas; quâ Catholicam Religionem Hispani & propagant, & defendunt. Denique Rex, ut Pyrrhus, non desit, quia pace caruit, Magnus esse; nec cum Batavorum arma è Belgio cogent excedere.

Littera K. PUTEANI.

Huc redeo, & prorsus æquum censeo, universa, quamvis dissecta, habendam esse rationem Belgicæ; ne membri culpam reliquum cogatur corpus luere, & una Provincias omnes causâ immeritò obruat. Perverso una aut altera consilio, quasi furore, iram Regis & bellum provocavit? plures gratiam obsequio, pacem fide promeriti, integram ad se benevolentiam trahunt. Qui peccant & non peccant, homines sunt. Non quos possis perdere Rex Magne; sed quos servare debeas, expendes; & aliquos fines non tuos esse, ut plures habeas: Pacem non tuis daturus, salutem tuis, nullo quidem victoria præmio, magno gloria, quod luculentissimum ab utrisque auferes. Vincere paucos possis, qui multos regis; sed parcere si malueris omnibus, longè major eris. Bellorum egregii fines, ut cum Tacito dicam, quoties ignoscendo transigitur. Tui tui, quàm non tui, tui sunt: alios imperio, alios titulo complecteris. Belgæ sunt, ut scias tuos esse: & Belgarum manes Princeps, bello an pace utaris, ubique potens, qui Orientis & Occidentis terminos circumducat, gloriâ tenes; alibi dominus, hic pater; alibi sceptro, hic affectu imperas. Nimirum alia Belgarum, alia aliorum conditio est. Apud Belgas, ubi minus servitutis, plus obsequii est: alibi libertas ferociores reddit. Hinc etiam facilius duci ingenia Belgarum queunt, aliorum cogi, & sequuntur facilius, servile putant, cogi. Infelix sanè, & miserandum bellum est, quo plus Amicis, quàm hostibus nocetur: ut non vincere hostes melius putem, quàm Amicos perdere: servare Amicos, ne vel hostes sint. An Cothurnus Oetavia fallit?

NERO. Extinguere hostem, maxima est virtus ducis.

SENECA. Servare cives, major est patria patri.

Altera Neronis in Tragicâ secunda vox est, & hoc satis, ut serva & iniqua sit; altera Seneca, & quid nisi ipsius Sapientiæ oraculo formata?

Respon-

Responsio POLITICO-CATHOLICI ad Litteram  
K. Puteani.

P V T E A N V S.

*Aliquos fines (Rex Magne) non tuos esse, ut plures habeas.*

P O L I T I C O - C A T H O L I C V S.

Quid sineret Rex Batavos non esse suos? Quid aliud suades, quàm ut Batavis cedat, & concedat Hollandiam? Nimirum tunc plures haberet. Imò plures amitteret: quia aliæ fortassis Provinciæ, cum viderēt Batavos libertatem illam imaginariam sibi bello asseruisse, in eandem spem se duci permitterent. Claudius Civilis Batavorum Dux, adversus Romanos bellum movebat. Missus est ad eum Alpinus Montanus cum mandatis, ut à bello abstineret. Sed Civilis omnibus modis egit, ut Montanum in suas partes traheret. Ejus verba hæc sunt apud Cornel. Tacitum: *En ego Præfectus unius cohortis & Caninesates, Batavique, exigua Galliarum portio, vana illa castrorum spatia excidimus. Quæ verba non parvam difficultatem involventia, ex eo quòd videantur significare Bataviam esse Galliis adnumerandam; Adrianus Iunius Hornanus Medicus in suâ Batavicâ historiâ cap. 4. sic explicavit. Istic primâ fronte opinetur aliquis exiguam Galliarum portionem Batavos dici, quòd inter Gallias numeranda veniat Batavia, quum nihil istiusmodi sit. Sed cum Civilis odoraretur ingenium Montani ad novandas res paratum, suisq; conatibus peraccommodum, quò illum in suas partes attraheret, qui in Galliis plurimum auctoritate valebat, hoc argumenti ariete concutere voluit. Si ego cohortis unius Præfectus cum Batavis & Caninesatibus, qui respectu totius Gallie vix millesima ejus pars sumus, Romanos fudimus vicimusq; quid futurum, si Gallie, excusso jugo, socias vires conjungant, & communibus armis hostem communem, impetant? Nisi quis forè eò tendisse horum verborum scopum autumat, quòd Batavos Gallie portionem vocet, ut facilius defectionis necessitatem illi persuaderet; qua*

*qua gentem communem citius ad arma commoveret capienda, quam peregrinam & alienam. Ecce Civilis, quia Batavia defecerat, exigua Romani Imperii portio, Gallias ad defectionem hoc exemplo sollicitabat: & hanc repestite non poterit esse eadem Batavia exemplo, ut aliquæ Hispanici imperii Provinciæ ad defectionem moveantur? Nam Civilem suum imitari possent Batavi, aliosque hoc eodem argumento inflammare. Si nos Batavi, qui respectu totius Hispanici imperii millesima ejus pars sumus, tamdiu rebellionem nostram sustinuimus: quid futurum, si aliæ Provinciæ socias vires conjungerent, & communibus armis Hispanos impeterent? Rex igitur rebelles hos compescat, ne pessimæ rei exemplum det Italici, Siculici, Aragonici, Lusitanici, & cæteris à quibus colitur.*

#### PVTEANVS.

*Pacem non tuis daturus, salutem tuis, nullo quidem victoriæ premio, magno gloriæ: quod luculentissimum ab utrisque auferes.*

#### POLITICO-CATHOLICVS.

Nolet lector diligenter hæc verba. Sensus est. Si des pacem non tuis, id est, Hollandis; si des salutem tuis, id est, Brabantis, Flandris, Arthesiis, Hannoniis, Luxeburgiis, & cæteris qui supersunt, tunc quidem nullam victoriam habebis, sed magnam gloriam & luculentissimam referes. Quod stultius consilium dari posset? Enimvero nullum victoriæ præmium proponit, sed solam gloriam. At quam gloriam Rex referet, si Hollandos finat non esse suos, iisque pacem tribuat. Referet potius dedecus sempiternum, suam purpuram perpetuæ infamiæ maculâ denigrabit; quia paucarum provinciarum viribus, Potentissimus Orbis Monarcha inferior fuisse videbitur, quia hæreses toleravit, quia pacem victus sordidâ necessitate concesserit. Quid? Regum Hispaniæ, opulentissimum tot Regnorum Regem, solis Hollandis cedere debuisse? ab iis victum, & suam hæreditatem dare Rebellibus coactum? Rideret orbis totus, Regnorum suorum rebelliones novas quotidie videret, ac novos hostes.

Nullus

Nullus enim Hispanos, quos hæcenus invictos crediderunt, bello aggredi, & ex iis victoriam referre desperaret, qui paucas insulas ad officium reducere non potuissent. Postremo, quæ gloria Regi nostro accederet, si à bello desisteret? *Pudendum* (inquit Onofander auctor Græcus Philosophus Platonicius in Strategico cap. 4.) *ac periculosum est, bellicos excitasse tumultus, & veluti mare terramq; præliis miscere voluisse, deinde turpiter incæptis desistere, proramq; obvertere. Etenim unusquisque supinam huiusmodi amentiam deridet, imbellemq; audaciam ludos facit. Hæc ille.*

P V T E A N V S.

*Vincere paucos possis, qui multos regis: sed parcere si malueris omnibus, longè major eris. Bellorum egregii fines, ut cum Tacito dicam, quoties ignoscendo transigitur.*

P O L I T I C O - C A T H O L I C V S.

Cur antè fortunæ disputandum reliquisti, an invicti essent: quandoquidem Regem nostrum, qui multos regit, paucos vincere posse fatearis? Mutas pellem, sæpè tibi dissimilis. Præterea multum Hollandis pepercerit, magnamq; clementiam ostenderit: si illis supplicibus & paratis impetrata facere, remittat pertinaciam & rebellionem, quæ tanti constiterit. Sed quamdiu bello infesti sunt, venià sunt indigni: illis Rex parcere & cum illis ignoscendo transigere non potest, quia rebelles persistunt, quia Regium Patrimonium sine jure occupant, & hæresibus inficiunt.

P V T E A N V S.

*Tam tui, quam non tui, tui sunt: alios imperio, alios titulo complecteris. Belge sunt, ut scias tuos esse: & Belgarum manes Princeps, bello an pace utaris; ubique potens, qui Orientis & Occidentis terminos circumductâ gloriâ tenes.*

P O L I T I C O - C A T H O L I C V S.

Belgium universum non solum titulo, sed etiam imperio complecti desiderat. Desiderium hoc justum est, quia jura exigunt; sanum, quia potest. Belgarum quidem manet Princeps, bello an pace utatur: sed omnium Belgarum Princeps

libertas apud Belgas desiderari potest? Nos Catholici Regē amamus, & ex eo non nisi clementiā experimur: Albertum, Belgii nostri delictum, amavimus dum viveret, ejusque jucundissima nobis est recordatio; Isabellæ Claræ Eugeniæ (nam *mulierem fortem* ex voto Salomonis invenimus; & in eā justitiæ, misericordiæ, ingenii, prudentiæ circumspectissime, pietatis admirandæ, universas dotes reperimus) æternitatē annorum optamus. Cur Batavi, tam suave imperium aspernantur? An Batavi Belgarum optimi, an deterrimi? Sceleratis illis & rebellibus filiis, à Rege hæc perniciosissima libertas est adimēda, si verè sit pater. Quòd bello jam cogantur; non Regiæ severitati (quā sæpè etiā uti debent boni patres) sed rebellium pertinaciæ referendum, qui legitimū Regem nolunt agnoscere, ut nempe ipsi imperent; eorum stultitiæ tribuendū, qui ne uni serviant, pluribus servire non renuunt.

P V T E A N V S.

*Infelix sanè, & miserandum bellum est, quo plus Amicis, quàm hostibus nocetur: ut non vincere hostes melius patem, quàm Amicos perdere: servare Amicos, ne vel hostes sint. An Cothurnus Octavia fallit?*

NERO. Extinguere hostem, maxima est virtus ducis.

SENECA. Servare cives, major est patriæ patri.

*Altera Neronis in Tragicâ scenâ vox est, & hoc satis, ut seva & iniqua sit; altera Seneca, & quid nisi ipsius Sapientiæ oraculo formata?*

P O L I T I C O - C A T H O L I C V S.

Haftenus multis honorum titulis bellum nostrum affecti. Nam præterquàm quod bellum *pessimum*, bellum belli causâ gestum, longum, sevarum, indomitum, incendium, ac diluvium, sevarum tempestatem, cruentum appellaveris: jam *infelix & miserandum* vocas, quo plus amicis nocetur quàm hostibus; & quo amici perduntur, non vincuntur hostes. Ego verò proditores accusare malo, authores hujus belli infelicis & miserandi. Nam plus amici amicis nocuerunt, quàm hostes; amici amicos nostros perdiderunt, nō hostes nostri vicerunt. Si Patria quasdā calamitates passa sit, majores Hollādī patiuntur. Vicerunt urbes? Plus victoria nocuit, quā profuit, multi profusi miliones;



populus majoribus semper tributis oppressus; & qui libertatem jactant, suos tyrannide intolerandâ oppresserunt. Amicæ urbes sunt perditæ; vel tradidit, vel viam aperuit Bergius: à quo fortiter servandas credebat Rex Patriæ Pater. Cæterum, ut nos servet, bellum gerit: servare etiam hostes cupit, si parendo, salutem suam velint. Nihil in Rege nostro Neronianum, nullam sævam & iniquam vocem existimes.

---

Litteræ L. PVTEANI.

*Rex pater est, Patria vulnera Regis sunt: non potest Patria fortuna à Rege separari. Hic sentit, quicquid illa malorum sustinet: idè enim pater est. Sentit Ætario, nimis sumptibus debilitato; sentit nomine, sinistra belli fama imminuto; sentit toto imperii corpore, quod à claudibus Belgicis quodammodo languens, tempestivo otio ac fomento indiget. Tota quidem belli fortuna, nequid dissimulem, varia fuit: propitia interdum & prospera, sed ut gravius premeret: & dejecti sapius hostes, ut à casu fortiores surgerent. Facilius enim frangi vires, quam animi patuerunt: qui quamdiu superstites erant, novum semper ad rebellandum adferebant robur. Adferent quoque, & novum semper à vicinis, ut dixi, Principibus derivabunt. Hi Hispana gloria ac nomine, fœdere amici, damno hostes, Bataavorum manu & virtute infesti sunt: cauti callidique, in alieno bellum solo gerere, ut à suo excludant. Ergò plus simul omnes possunt loci fiducia, quam unus: & plus ab omnibus damni est, quam presidii ab uno. Sed pudet effari: in spithamâ, imò puncto terra, Europa totius bellum est, & miramur durare posse? Non absimili quidem ratione (ut ad imaginem veniam) omnes in mare amnes influunt, & mare fiunt. Quis igitur natura modus, quæ artis industria, ingenii dexteritas tam vastum, & semper sibi simile elementum exhauriat? Claudantur fluviorum ostia, reprimantur aquarum subsidia, ut quod fieri non potest, fiat: id verò si mortalium conatus & cogitationes excedit, cum mari & Neptuno pax sit. Trahit ille quicquid ubique aquarum est, & tanquam moveat omnia, undis insurgit, turbinibus fremit, tempestatibus bacchatur: nullius jam litoris patiens, etiâ terra infestus est. Refert Naturalis Historia scriptor,*

Mare

Mare omne oleo tranquillari. Et ob id urinantes ore spargere; quoniam mitiget naturam asperam, lucemque deportet. Ex olea oleum; illius enim succus est. Olea mitissima Palladis & arbor & fructus est, Pacemque notat, sed bello meliorem esse. Cedat rursus Neptunus Dea, quae Athenis nomen dedit: cedat unda olea, arbori mare. Oleo opus, Pace, vel Inducis opus, ut sedent & subsident fluctus nostri, sternatur mare, nulloque infame naufragio securas merces in quamcumque Orbis partem transmittat. Provsus componendi nimium jam diuturni hi tumultus sunt, ne in graviora tandem mala, & quod Deus avertat, totius ruinam magnitudinis trahentia, erumpant. Componendi, inquam, ut reliqua aliquando Europa, quae hinc turbatur, Iani velut clauso limine, conquiescat. Nostra tranquillitas omnium felicitas erit; Pax nostra, Regis securitas. Gloriosum aestimari debet, quod tutissimum est: tutissimum autem non pugnare.

Responsio POLITICO-CATHOLICI ad Litteram  
L. Puteani.

PVTEANVS.

Rex pater est, Patria vulnera Regis sunt: non potest Patria fortuna à Rege separari. Hic sentit, quicquid illa malorum sustinet: idem enim pater est. Sentit Ærario, nimis sumptibus debilitato: sentit nomine, sinistra belli famam imminuto: sentit toto imperii corpore, quod à cladibus Belgicis quodammodo languens, tempestivo otio ac fomento indiget.

POLITICO-CATHOLICVS.

Hic tacite Regem inertiae accusas, quod nec Patriæ, nec suis vulneribus medeatur. Nam quis non, qui sua sentit vulnera, statim medelam adferat? Regem autem, & sua & Patriæ vulnera sentire asseris, ærario nimis sumptibus debilitato; nomine, sinistra belli famam imminuto; toto imperii corpore, quod à cladibus quodammodo languet. Sed quomodo ærarium nimis sumptibus debilitatum dicis; cum prius, illud exhaustum dixeris? Nomen Regis, non est sinistra belli famam imminutum: nam si in solos Hollandos pugnasset ha-

Atenus, turpe id quidem foret, eos nondum victos esse. Regis Franciæ nomen imminutum dicas, qui hæreticos, & Regi suo legitimo rebelles, multis militum millibus, multis auri millionibus, & jam non ita pridem datis 500. aureorum millibus, & recenter promissis quatuor millionibus juvare non cessat. Nec languet totum Imperii corpus, ob unam Bata-  
viam: florent enim amplissima Regna, in immensum diffusa, quæ nec otia, neque fomentum postulant, sed bellum quòd totâ virium contentione moveatur; ut valido impetu, terrestri navaliq[ue] bello, hostes semel oppugnentur. Fave Rex his votis: & vicisti.

PVTEANVS.

*Tota quidem belli fortuna, nequid dissimulem, varia fuit: propitia interdum & prospera, sed ut gravius premeret: & dejecti sapius hostes, ut à casu fortiores surgerent. Facilius enim frangi vires, quàm animi potuerunt: qui quamdiu superstites erant, novum semper ad rebellandum adferebant robur.*

POLITICO-CATHOLICVS.

Ita belli fortuna propitia fuit, sub præclarissimo Duce Spinolâ, ut semper plura perdiderint. Sub Bergio nequissimo proditore (quem in Vigiliâ S. Ioannis Baptistæ Statibus Hollandicis fidelitatem jurasse audivimus, suamq[ue] op[er]am in Geldriâ expugnandâ promississe) perdita sunt, quæcumque perdita lugemus; secutasq[ue] victorias, Auriacus ipsi acceptas referre debet. Cæterum hæc tua oratio, non nisi hostium pertinaciam exaggerat: quæ nos inflammare debet, ut, licet vires nostræ frangerentur, nostri quoque non frangantur animi, bonâ causâ freti, sed potius excitentur; ut quamdiu superstites sumus, novum semper adversus rebelles robur adferamus.

PVTEANVS.

*Adferent quoque, & novum semper à vicinis, ut dixi, Principibus derivabunt. Hi Hispanæ gloriæ ac nomini, fœdere amici, damno hostes, Bataavorum manu & virtute infesti sunt: tanti callidig, in alieno bellum solo gerere, ut à suo excludant. Ergo plus simul omnes possunt loci*

*loci fiducia, quàm unus: & plus ab omnibus damni est, quàm praesidi  
ab uno.*

POLITICO-CATHOLICVS.

Quis non in animo tuo venenum latere suspicetur? Principes, qui adversus Regem Hispaniæ Batavorum manu pugnant, non modò non aliquo verbo reprehendis: sed eos à prudentiâ laudas, eos cautos & callidos appellans, quòd in alieno solo bellum gerant, ut à suo excludant. Impiam, & ex Machiavelli, diabolici professoris, Cathedrâ depromptam sequuntur sententiam illi Principes: apud quos Ratio status, figmentum illud Luciferi, plus valet quàm Deus, quàm bona conscientia. Fidem jurant & non servant, tanquam securi, si apertè non frangant; si non suâ, sed alienâ manu pugnèt. Christiani sunt, quinimò se Christianissimos esse gloriantur; & hæresis patrociniū suscipiunt: quasi Ratio status excuset, si leges divinæ & humanæ frangantur; quasi Christianissimi, qui Idolum Status Deo præferunt; & qui (an dicam?) Atheos aut hæreticos se quidem & voce & veste negant, factis autem se tales ostēdunt. Detrahetur aliquando hæc larva status, ejus turpitudine revelabitur, & castigata ridebitur. Væ qui arundineo, humanæ & Machiavellisticæ prudentiæ, & impiæ astutiæ & calliditatis baculo nituntur; qui justitiæ lance eripiunt, & eam pro suo arbitrio ipsi librant; qui ipsammet divinam Providentiam gigantæo fastu, veluti cæcam ducere, & regere amentes & cæci volunt. Vbi tuum, Ludovice, IUSTI cognomen? Quàm malè hæc porta (ô Deus!) sub tam malo CARDINE vertatur! Rex Galliæ, cū Rege Catholico, pacem certis conditionibus constitutam; fide datâ, verbo, scripto, juramento cōfirmatam habet. Quia Rex Catholicus, ob pietatis studium, & Ecclesiæ amorem incomparabilem, à Deo prospero fortunæ cursu donatur; quia cœlesti favore, novas Provincias, & Regna, potentiam, & divitias acquirit; suadet Politicus Gallus, si Regnum, & se salvum velit, perse, vel alios omni modo labore, Hispani prosperitatem impedire. Quod futurum spondet, si novæ & potentes hostes  
in

in eum excitet, si rebelles & hæreticos foveat, si cum Austriacæ familiæ hostibus, licet hæreticis, fœdus ineat, si illis auxilia ferat. Interea Deus spernitur, rumpuntur pacis vincula, Religionis ejusdem professio, affinitas atque fraternitas. Urget Politicus Gallus stultum & simplicem esse, qui potentiori confidit, qui vicini Regis potentiam non timet. Sed hæc malefana consilia sunt abominationes ante Deum, qui charitatē fidemq; servari præcipit, dolum fugere, non hostiles animos sub osculo pacis gerere, veram doctrinā tueri & propagare, non hæreses etiā indirectē (effugium diabolicū) conservare & propugnare; non Regi suo legitimo rebelles, armis, pecuniā, auctoritate, consilio, hortatu ad se tuendos juvare. Sylvæducis in deditionem acceperunt Hollandi, Francis non solum auxiliantibus, sed ipsismet oppugnantibus: & statim pro Auriaci Principis equis non aliud stabulum repertum est, quàm primarium urbis Templum; disjectæ sunt Sanctorum imagines, polluta Altaria, Religiosi & Sacerdotes expulsi, & novissimè Episcopus fugam capere monitus, sacræ Virgines ad sacrilegas nuptias sollicitatæ, adolescentuli ad abjurandam fidem & Religionem Catholicam minis & verberibus compulsi. Et adhuc tamen Franci juvant Batavos, quos vident Catholicæ Religionis miserandam vastitatem inferre, non solum Sylvæducis, sed quocumque sua victricia arma proferunt. Quis non igitur adversus Francos justā indignatione moveatur? Laurentius Surius in Commentario brevi rerum in orbe gestarum, refert anno 1568. scriptam fuisse Constantinopoli epistolam, ubi fiebat mentio cujusdam non postremi Hugonotæ, expresso etiam ejus nomine, qui ex Galliis venerit Constantinopolim, ibiq; egerit cum supremo Bassa, homine astutissimo, de Hugonotis in Turcarum Imperatoris fidem & clientelam suscipiendis. Cum intellexisset Bassa Hugonotas adversus suum Regem Carolum rebellare, valdè in hominem commotus est, responditque (Laurentii Surii verba subjiciam) per interpretem. *Hugonotas longè inferiores esse, quàm ut ad illorum amicitiam*

*iam sese demittat supremus Orbis Princeps: nec fidem haberi debere istis sociis, qui proprium etiam Regem proderent & impugnarent. Turcas solitos esse cum Imperatoribus, Regibus, & magnis Principibus agere, non cum perfidis servis & rebellibus subditis. Audiant Gallix Reges ab uno Turcâ, Christianæ doctrinæ ignaro, homine barbaro, discant non fovere & pecuniis juvare hæreticos, & Regi suo rebelles. Quod Turca noluit, id agent Christianissimi: Quidni dicant, ad hujus Bassæ exemplum, Hollandis auxilia petentibus, Hollandos hæreticos longè inferiores esse, quam ut ad illorum amicitiam sese demittat Rex Christianissimus: nec fidem haberi debere istis sociis, qui proprium etiam Regem produnt & impugnant; deniq; Regem non cum perfidis servis & rebellibus subditis agere? Nunc verò hæreticos, rerum sacrarum contemptores, avitæ pietatis pestes, rebelles, totius Orbis procellas, Franci juvant. Quis hæc execranda fœdera æquo animo ferat? quis laudet? Nulli laudant, nisi malefani Politici, quibus Deus, & sacra omnia risui sunt; imò quibus nullus Deus, vel nullus nisi Chymerici Status Idolum: Resipisce Rex Ludovice, neque pravis consiliis acquiesce. Habes deinde aliquos, qui sub sanctitatis & religionis habitu, non solum in Franciâ, sed etiam Bruxellis cuncta perturbare & seditionibus permiscere nituntur. Columbam illam, non cum Olivæ ramo missam, etsi FOLIORVM nomen præferat, citò in arcam suam revoca & claude. Audio & armorum apparatus in Galliâ non mediocrem instrui. An forsan pro Hollandorum vel Protestantium patrocinio? Præstat, & valdè proficuum est, in regnandi jure (ut aureis Baronii ad annum 898. verbis utar) Religionis imprimis præ cunctis rationem habere, eamq; cateris humanis, & quas suadet prudentia carnis, rationibus præferre, custodire, illibatamq; servare; & in Carolo Simplice, apud eundem, agnoscas exemplum. Ne diu hiæ hæream, omnes Principes, qui Hollandis auxilium in causâ iniquissimâ subministrant, qui Hispanæ gloriæ ac nomini invident, qui Hispanicam potentiam conantur evertere, cauti quidem callidiq; sunt, si mundi*

sapientiam spectemus: sed secundum Dei sapientiam planè stulti sunt, prudentiam non habent, quia tam præclara virtus cum vicio conjungi nequit. Nec à suo solo semper bellum excludent; sed ita Regis iracundiam provocabunt, ut se in eos sit aliquando armaturus, & in eorum solum gravissimas calamitates immissurus, Deo auxiliante & simul vindicante; quem constat, *sentum quidem, sed certum vindicem generis humani esse, & magna exempla in caput invenientium regerere, ut justissimâ patiendi vice, quod quisque alieno excogitavit supplicio, sæpè excipiat suo, ut loquitur Seneca lib. 10. controversi.* Fiet illud, quando Rex noster Potentissimus omnes vires suas ad hoc unum bellum converteret. Tunc ostendet se unum plus posse, quàm simul omnes; à se uno plus præsidii esse, quàm ab omnibus damni; se nec Neptuni furentis rabiem timere, & quibusvis tempestatibus superiorem.

P V T E A N V S.

*Sed pudet effari: in spithamâ, imo puncto terra, Europa totius bellum est. & miramur durare posse? Non absimili quidem ratione (ut ad imaginem veniam) omnes in mare amnes influunt, & mare fiunt. Quis igitur natura modus, quæ artis industria, ingenii dexteritas tam vastum, & semper sibi simile elementum exhauriat? Claudantur fluviorum ostia, reprimantur aquarum subsidia, ut quod fieri non potest, fiat: id verò si mortalium conatus & cogitationes excedit, cum mari & Neptuno pax sit. Trahit ille quicquid ubique aquarum est, & tanquam morveat omnia, undis insurgit, turbinibus fremit, tempestatibus bacchatur: nullius jam littoris patiens, etiam terra infestus est. Refert Naturalis Historia scriptor, Mare omne oleo tranquillari. Et ob id urinantes ore spargere, quoniam mitiget naturam asperam, lucemque deportet. Ex oleâ oleum: illius enim succus est. Olea mitissima Palladis & arbor & fructus est, Pacemq; notat, sed bello meliorem esse. Cedat rursus Neptunus Dea, quæ Athenis nomen dedit: cedat unda oleæ, arbori mare. Oleo opus, Pace vel Induciis opus, ut sedeant & subsidant fluctus nostri, sternatur mare, nulloq; infame naufragio, securas merces in quamcumque Orbis partem transmittat.*



Ne nimis imperitus esse, neque has perplexas ambages videar intellexisse; Lector, hoc filum Ariadnes accipe; & mecum sub hoc verborum labyrintho circuitu, dum se explicat & non explicat, dum ludit & eludit, sensum diligenter excute. Vult significare, finire posse bellum, si pax fiat cum Neptuno & mari (quod inquit, claudi non potest à Rege Hispaniæ, tanquam si ejus conatus & cogitationes excederet) si oleum Pacis vel Induciarum in mare infundatur, si sternatur mare, nullòque infame naufragio, securas merces in quamcumque Orbis partem transmittat, id est, si in pacis vel induciarum tractatione Hollandis libera permittatur navigatio. Quem enim alium sensum eruas? Sed hanc non permittendam esse, ad litteram Q ostendam. Sufficit mihi, Lector, tibi hoc loco insidiosas verborum ambages detexisse. At, an *oleo opus, Pace vel Induciis opus, ut sedent & subsident fluctus nostri*? Verumenimverò licet mare oleo tranquilletur, teste Plinio, oleum autem sit ex oleâ sive olivâ, quæ pacis est symbolum; non tamen Pace (quam pertinaciter nostris negarunt Batavi) jam opus, non jam opus illo oleo, ut sedent & subsident fluctus nostri. Rex, ut gratiam sibi pacem futuram demonstraret, è Belgici status sui arcâ, tot tempestatibus agitâtâ, viros Primarios, velut columbas emisit: sed raram olivæ ab obstinatis & perduellibus referre non potuerunt. Quid restat, nisi ut Rex tam diu cum fluctibus generosè luctetur: donec hujus belli (quod diluvium prius appellasti) procellas Deo, extinctis suis hostibus, componere placuerit? Sedabit aliquando misericordiæ suæ oleo hos fluctus, quos peccata Belgii, sæpius bellis & seditionibus in Veteri Testam. castigata, meruerunt. Quando hostium malitia suas partes egerit; Deus, cum acceperit tēpus, aget suas. Ergone sic vivimus, quasi si Providētia ac Iustitia divina perisset? A Deo, ad Regē, qui Dei imago est, transeamus. Quamvis heresis & ambitiosa invidia, velut infestæ Iunones, has Regi nostro, velut pio Æneæ, tēpestates moveant; variosq; Principes ac Reges,

L. 2.

velut



velut ventos, instigantes nempe, & ad hoc bellum nefarium propellentes, in Regis nostri perniciem armant; licet

*Vna Eurusiq; Notusiq; ruant, creberq; procellis*

*Galliens, & vastos voluunt ad sidera fluctus:*

Si classem Rex instruat (nec tamen terrâ hostes oppugnare desinat) faciliè ut alter Neptunus (nam Rex est maris Dominus, sicut in litterâ P. fateris) faciliè, inquam, coget Principum auxilia

*Maturare fugam, Gallog; hac dicere Regi:*

*Non illi imperium pelagi &c.*

Verum, ut cum eodem Virgilio loquar lib. 6.

*Quis procul ille autem ramis insignis OLIVÆ?*

Te mihi alloqui liceat, Excellentissime Comes de OLIVARES, cujus consiliis tanquam Athlantiæ humeris, tali OLIVA felix, recumbit Hispania. Belgium nostrum, Heros prudentissime, tot bellis concussum aspice. VNITATEM FORTEM, quam cognatus germanus tuus, Excellentissimus Marchio de LEGANES optimè disposuit, & Belgio nostro persuasit, tuo munere in praxim redigi videamus. Regem nostrum Maximum ad triumphales Lauros ex Fidei & Hispanorum hostibus capiendas invita: ut tandem sub Regio sceptro, virentibus pacificæ OLIVÆ ramis pulchrè intertexto, gaudeamus. Communem omnium tranquillitatem Tibi acceptam referent Belgicæ Provinciæ, & totus Hispanus Orbis. In nummo Severi Pii Aug. Togatum erat simulacrum cum OLIVÆ ramo, cujus inscriptio, *Fundatori Pacis*. Ita, utinam tua consilia Regem nostrum Togatum faciant, id est, fruentem pace; nam Toga apud Romanos olim pacis signum. Tunc Regi nostro, hanc inscriptionem in unâ nummi parte statuemus, *Fundatori Pacis*: in alterâ ejus parte, OLIVÆ ramum, ad memoriam nominis Tui sempiternam.

PVTEANVS.

Prorsus componendi nimium jam diuturni hi tumultus sunt, ne in graviora tandem mala, & quod Deus avertat, totius ruinam magnitudinis trahentia, erumpant. Componendi, inquam, ut reliqua aliquando

*aliquando Europa, quæ hinc turbatur, Iani velut clauso limine, conquiescat. Nostra tranquillitas omnium felicitas erit; Pax nostra, Regis securitas. Gloriosum æstimari debet, quod tutissimum est: tutissimum autem non pugnare.*

POLITICO-CATHOLICVS.

Bellum prosequendum est, sed ita ut maioribus viribus agatur: tunc facile hi diurni bellorum tumultus compescentur. Graviora mala, & quæ totius ruinam magnitudinis trahent, sequentur, si bellum omittamus. Tota Europa turbabitur: quippe tunc Francus & Batavus, totam belli molem adversus Austriacam familiam convertent. Quæ extincta, quid reliquum erit, nisi, ut Hispanicam potentiam, quæ Austriacos etiam illustrat, labefactare & pessumdare contendant. Quapropter, si magno cum animo & pondere, bello acerrimo petantur in unâ Bataviâ Francus, Rebelles, Hispanæ gloriæ ac nominis invidi, fœdere amici, damno hostes: nonne Rex deletâ plurimorum suorum hostium virtute, nobis tranquillitatem, sibi quæ securitatem dabit? Nonne, si devictâ Bataviâ, adversus Cæsaris hostes possit pergere, omnes tumultus componentur, & reliqua Europa, quæ hinc turbatur, Iani velut clauso limine conquiescet? Vinci autem à Rege Batavos posse, facillimum est, si Rex (ut dixi) in illos totam suam potentiam vertat. Pugnandum ergo. Gloriosum æstimari debet, quod tutissimum est: tutissimum autem pugnare est. Nam in tuto non erit Cæsar, neque Rex. Non Cæsar, quia bellum cum cæteris Cæsari movebunt. Non Rex, quia per Indicas navigationes, quas ipsis concedi vult Puteanus, divitias acquirent ac vires, si securas merces in quamcumque Orbis partem transmittant: & sic denuò ex minimâ scintillâ ruptâ pace, gravius bellum excitabunt, quando è Belgio miles abcesserit.

Litteræ M. PUTEANI.

*Vt hætenus quidem longâ mutuaq; bellum clade ductum est, utra victoris, an victi partes sint, dubiâ adhuc lance pendet. Caca fortuna*

*est, quæ, cum favet, cacos reddit. Sed prosperis rebus se non exoculari hostes ostendunt; ad pacem & concordiam faciles, postquam felicia recenter arma experti sunt. Atque hoc est vincere, modum felicitati ponere, & suspectum habere, quicquid ab eventu pendet. Frangi vires sciunt, cum extendi incipiunt: non maxima acquirere, sed moderata regere, tutissimum esse: ne plura (quod avidorum est) capiant quam contineant. Bono sic quidem ad consilium exemplo præcunt, concordiam finire bellum parati, postquam prosperè gesserè. Non urbes, sed Provincia tota uno impetu, & unâ astate rapta sunt: & ecce, qui ad pleniorè etiam victoriam properant, conditiones amplectuntur. Nempe Induciarum avidi, pacisci, licet pugnent, cupiunt; terminare victoriam, ut arumna desinant.*

RESPONSIO POLITICO-CATHOLICI ad litteram.  
M. Putciani.

PVTEANVS.

*Caca fortuna est, quæ, cum favet, cacos reddit. Sed prosperis rebus se non exoculari hostes ostendunt; ad Pacem & concordiam faciles, postquam felicia recenter arma experti sunt. Atque hoc est vincere, modum felicitati ponere, & suspectum habere, quicquid ab eventu pendet. Frangi vires sciunt, cum extendi incipiunt: non maxima acquirere, sed moderata regere, tutissimum esse: ne plura (quod avidorum est) capiant quam contineant.*

POLITICO-CATHOLICVS.

Nec Baudius, nec Heinsius, nec quicquid Lugduni floret eloquentium virorum, tam illustri præconio Batavorum laudes unquam extulit. Primò, dicit eos secundis fortunæ successibus non insolescere, non exoculari; esse ad pacem & concordiam faciles, postquam felicia recenter arma experti sunt. Quâ in re, si tam verè quam disertè loquereris: nullus te mendacii posset arguere. Ita enim secunda eos inflavit fortuna: ut pacem & concordiam facere nolint; nisi tamquam victores & veri Hollandiæ Domini, iniquissimas conditiones nobis non victis imponant. Tentatum est à nostris Statibus, quidquid iusti & recti tentari potuit & debuit:

nihil

nihil effectum. Nullo quidem cum fructu, sed cum illustri sui constantis, erga Regem Regiamque dignitatem, amoris & fidelitatis testimonio redierunt. Secundo, dicis eos velle modum felicitati ponere, & se intra suos limites continere: quia fragiles vires sciunt, cum extendi incipiunt: non maxima acquirere, sed moderata regere, tutissimum esse: ne plura (quod avidorum est) capiant quam contineant, Quam in re manifestè falleris. Nam, si pace frui possent, nec Colonia parcerent, quam spe devorabant, quando novissimè eam aggredi tentarunt. Et jam, quasi non sufficeret unus hostis, etiam Leodienses lacessunt. Fama enim fuit, Batavos propugnaculum quoddam sub ditione Leodiensi, non procul à Limburgo situm, invasisse, & jam ad sacros tuos, *ô Legio Romana Ecclesie Filia*, thesauros aspirare. Fidem fecerunt interceptæ litteræ (ut taceam alias etiam de capiendò Leodio, à magno illo Purpurato Galliarum ad Auriacum missas, interceptas, & in Capitulo S. Lamberti Leodii lectas) à Genevensibus, Calvinistarum antesignanis missæ; qui Hollandis suadebant, ut urbem Leodiensem quamprimùm occuparent. Monebant eos, nullo meliori modo bellum adversus Hispanos alere posse, quam si in Ecclesiastica illius urbis ac ditionis bona involarent: futurum enim, ut triginta peditum, & quatuor equitum millia, nullo negotio sustentarent. Hæc jam in omnium ore. Cur deinde Pharnambucum, & insulas Orientis remotas tentarunt, si vires nolint extendere? Rex Hispaniarum, quem tacitè sugillas, multa acquirit & regit; vires jure extendit, nec franguntur; Hollandiam jultè, nec ex ullâ aviditate capere cupit, quia illam in bono vivendi officio continere desiderat; quia & jam contineret, nisi domestici hostes (non enim hostes externi) ad hæresim disseminandam, verè furiarum facibus accensi, jam pridem rapuissent.

PVTEANVS.

*Bono sic quidem ad consilium exemplo præeunt, concordia finire bellum parati, postquam prosperè bellum gessere.*

POLI-

## POLITICO-CATHOLICVS.

Sunt, qui hæc altiori mente ponderarunt. Ecce eorum mentem aperio, etsi prius potuissent dicere. Quid? Batavi bono ad exemplum bono præiverunt, concordiam finire bellum parati, postquam prosperè bellum gessere? Dissuades, inquit, Hollandis, ne pacem vel inducias nobiscum faciant. Tanquam si diceret: Batavi prosperè bellum gessere: cur concordiam bellum finire sunt parati, quandoquidem Status Brabantici primi pacem vel inducias petant? Enimverò nugaris, dum dicis eos bono nobis exemplo præivisse: cum nos primi, mansuetudine & justæ pacis amore ducti, non necessitate compulsi, pacem vel inducias petierimus. Sic exacuunt ingenium suum, quicumque subtiles videri volunt. An ego sic etiam interpreter?

## PVTEANVS.

*Non urbes, sed Provincia tota uno impetu, & unâ æstate raptae sunt: & ecce, qui ad pleniorē etiam victoriā properant, conditiones amplectuntur. Nempe Induciarum avidi, pacisci, licet pugnent, cupiunt; terminare victoriā, ut arumna desinant.*

## POLITICO-CATHOLICVS.

Conditiones amplectuntur? honestas & æquas recusant. Illas statuunt, quæ ex libidine & immodicâ habendi & re-bellandi cupiditate oriuntur, quam Regi fideles accipere non possunt, etiam cum vitæ fortunarumque omnium periculo. Inducias optant, sed iniquas, quas numquam Rex feret. Licet autem urbes & Provinciæ intra breve temporis spatium raptae sint: non in eas angustias nunc venimus, ut nos propterea hostium voluntati permittere, & quasvis conditiones accipere debeamus. Nec semper Batavi reperient nefarios proditores, vel ignavos urbium provinciarumque defensores: quorum operâ, tot urbes brevi tempore rapuerunt. Batavorum fortitudinem non timemus, quam nondum verè bellando ostentarunt.

Littera

## Littera N. PUTEANI.

Sapiunt profectò, ut & nos iisdem sapere consiliis moniti velimus. Plures enim omni ævo Reges & populi, quia Pacem, sive fastu, sive virium fiducia, aut fortuna, aspernati, sædo hostibus exitu, etiam invalidis ludibrio fuerunt. Corinthii, ut est apud Thucydidem, instructâ classe Epidamno imminentes, cum à Corcyrensisibus ad Pacem misso caduceatore invitarentur, in certamen obstinato consilio descenderunt. Quid dicam, nisi irritatam fortunam fuisse? Victi sunt, & in fœdissimâ fugam cum strage conversi, gravissimam universa Græcia calamitatē invexere. Non feliciores Athenæ, duras à Lacedæmoniis admittere condiciones bello coactæ, quia aquas pace rogata, spreverant. Vinci meruerunt, quia volebant nisi superbe vincere. Martis urbem mirari soleo: Marte, sed nimis tum superbo periit. Bello civili inter Casarem & Pompejum excitato, de Republicâ agebatur, non ut salvaesset, sed utri cederet. Omnia Casar egit, ut odia & arma ponerentur: contra Pompejum, tanquam validior, & toto fultus Senatu, unam in victoriâ Pacem collocare. Sed pugna punivit pertinaciam. Victus, & in fugam coniectus, qui Magnus appellari meruerat, non tam felix fuit, ut cum exercitu & libertate occumberet: quasi nomen simulcum fortunâ exueret, misere viliterq; periit, mancipii (quod extremum est) Aegyptiaci arbitrio jugulatus. Passim ejusmodi exempla sunt; vetera & nova: nec ullus propemodum tristioris belli eventus fuit, qui non contempta aut neglecta Pacis causam habuerit. Concordiam velle, felicitatis initium esse, neque male adhuc pugnatum est, si ad condiciones descendimus. Faciles esse, qui feliciores videntur, quanti momenti! ostendunt enim se bellum nosse, qui pacem præferunt; mutari posse, quæ fortuito successu blandiuntur.

Responsio POLITICO-CATHOLICI ad Litteram  
N. Puteani.

## PUTEANVS.

Sapiunt profectò, ut & nos iisdem sapere consiliis moniti velimus. Plures enim omni ævo Reges & populi, quia Pacem, sive fastu, sive virium fiducia, aut fortuna, aspernati, sædo hostibus exitu, etiam invalidis ludi-

M brio

brio fuerunt. Corinthii, ut est apud Thucydidem, instructâ classe Epidamno imminentes, cum à Corcyrensisibus ad Pacem misso caduceatore invitarentur, in certamen obstinato consilio descenderunt. Quid dicâ, nisi irritatam fortunam fuisse: Victi sunt, & in fœdissimam fugam cum strage conversi, gravissimam universa Gracia calamitatem iuvexere. Non feliciores Athenæ, duras à Lacedæmoniiis admittere conditiones bello coactæ, quia æquas pace rogatæ, spreverant. Vinci meruerunt, quia nolebant, nisi superbè vincere. Martis Urbem mirari soleo: Marte, sed nimis tum superbo, periit. Bello civili inter Casarem & Pompejum excitato, de Republicâ agebatur; non ut salva esset, sed utri cederet. Omnia Casar egit, ut odia & arma ponerentur: contra Pompejum, tanquam validior, & toto fultus Senatu, unam in victoriâ Pacem collocare. Sed pugna punivit pertinaciam. Victus, & in fugam coniectus, qui Magnus appellari meruerat, non tam felix fuit, ut cum exercitu & libertate occumberet: quasi nomen simul cum fortunâ exueret, miserè viliterq; periit, mancipii (quod extremum est) Aegyptiaci arbitrio jugulatus. Passim ejusmodi exempla sunt, vetera & nova: nec ullus propemodum tristioris belli eventus fuit, qui non contempta aut neglecta Pacis causam habuerit.

#### POLITICO-CATHOLICVS.

Imò desipiunt profectò, quia pacem, sive fastu, sive viriû fiduciâ, aut fortunæ sunt aspernati: cum eam tot mensibus Status nostri flagitaverint. Caveant igitur, ne in similes calamitates incidunt, in quas illi iniqui & superbi (quos adtulisti) pacis contemptores ineiderunt. Sed ponamus Regem nostrum fuisse pacem adspersum: an pœnas contemptæ vel neglectæ pacis formidare debet? Nequaquam: quia pacem, quæ tantum injustis conditionibus haberi poterat, jure contempsit & neglexit. Corinthii victi sunt à Corcyrensisibus, à quibus misso caduceatore, fuerant ad pacem invitati. Quando caduceatorem miserunt Batavi? Nos ipsi misimus, qui ad pacem justam, invitarent: rebelles contempsere, & in certamen (si tamen certamen) obstinato consilio adhuc descendunt. Quid restat, nisi ut irritetur fortuna, quæ ipsis aliquamdiu videtur fuisse; & in fœdissimam fugam conversi, gravissimam

sumam universæ Hollandiæ calamitatem invehant. Si Athenæ infelices fuerint, & à Lacedæmoniis bello coactæ duras conditiones admittere, quia æquas pace rogatæ spreverant; etiam fœderatas Provincias non feliciores futuras debemus ominari, quæ æquas conditiones sæpius rogatæ spreverunt. Denique, bellum non est inter Batavos & Regem, quasi inter Cæsarem & Pompejum: nam ipsi non Regi Hispaniæ, ut Cæsari, vel ut Pompejo pares sunt. Quid erunt Batavi, si Rex totas vires suas secum trahat? Pompejus Cæsarem parem non ferebat, nec Cæsar Pompejum, ut loquitur Lucan. l.

*Nec quemquam jam ferre potest Cæsarve priorem,  
Pompeiusve parem.*

Tamen non semel pacem petivit Cæsar à Pompejo. Numeriū (inquit Plutarchus in vitâ Pompeii.) Pompeii amicum, quem captum habebat, misit Brundisium pacem æquis conditionibus petens. & infra. Iubium (cum Cæsar nominat Vibullum Ruffum) quem in potestate habebat secum, destinavit ad eum: ut ambo congressi, die tertio omnes exercitus dimitterent, & reconciliatâq. amicitia, & dato jurejurando, redirent in Italiam. Quia igitur Pompejus arma & odia ponere, & pacem æquis conditionibus dare noluit, victus est. Vinci possunt & Batavi, qui sæpius sollicitati, eam æquis conditionibus dare noluerunt. Victoriâ speremus, si arma generosè & fortiter sumamus. Vides, ut tuis gladiis te confodiam?

#### PVTEANVS.

*Concordiam velle, felicitatis initium est: neque male adhuc pugnatum est, si ad conditiones descendimus. Faciles esse, qui feliciores videntur, quanti momenti! ostendunt enim se bellum nosse, qui pacem præferunt; mutari posse, quæ fortuito successu blandiuntur.*

#### POLITICO-CATHOLICVS.

Nec ad conditiones tales descendere, nec isto modo concordiam velle debemus: nisi Regi, nobisque Belgis perpetuam infamiam inuramus. Concordiam bonam justamque volumus; felicitatis nostræ initium erit, si audeamus. Neque

M ij

adhuc



adhuc malè pugnatum hæcenus, si ad bellum descendamus. Ad sunt copix, munitæ urbes, commeatus non desunt. Ostendamus mutari posse, quæ tantum fortuito successu illis blandiuntur; non quæ suâ fortitudine paraverunt.

Littera O. PUTEANI.

*Sed nos ipsa quodam modo Fortuna monet, ne, patefactâ ad Inducias irâ, neglexisse benignitatem Numinis videamur. Si irâ aut spe extollimur, expendenda vires sunt, an victoriâ sufficiant. Bellum enim sine victoriâ ærumna est: victoriæ fructum Pacem habemus. Sed ponamus, integras illas promptasq; esse: regenda sunt, aut ne vires quidem sunt: regi autem non possunt, nisi ad legem & disciplinam militia jam collapsa redeat. Ab agro corpore quæ munia exigas: Plus cum exercitu, quam hoste negotii sit. Hic autem nostrâ interdum seditione, plerumq; negligentia vincit: animosior, quia extra aquas & paludes fortis nuper apparuit, parvis, copius magnis ausus resistere, tanquam nihil ad victoriâ numerus faciat. Sed quid? ubi plus fortuna, minus jam ferocia est; ubi plus victoriâ, minus superbia. Ecce ad fidem, ut dixi, malunt consilio pleriq; quàm ad prædam manum extendere; pacisci, quàm collidi. T. Quinctii apud Livium verba insigniter huc faciunt: sed utrûs potiùs usurpanda: Pacem etiam qui vincere possunt, volunt: quid nos velle oportet. Hac summa est, possunt vincere, qui pugnare audent: sed malunt non pugnare, ut fortunam Pace firmant. Ergo Regis nostri amicitiam, mutatis animis, & societatem æstimant; ut postquam strenui fuere, tuti sint, & aliorum simul bella excludant.*

Responsio POLITICO-CATHOLICI ad Litteram

O. PUTEANI.

PUTEANVS.

*Si irâ aut spe extollimur, expendenda vires sunt, an victoriâ sufficiant. Bellum enim sine victoriâ ærumna est: victoriæ fructum Pacem habemus. Sed ponamus, integras illas promptasq; esse: regenda sunt, aut ne vires quidem sunt: regi autem non possunt, nisi ad legem & disciplinam militia jam collapsa redeat. Ab agro corpore quæ munia exigas: Plus cum exercitu, quam hoste negotii sit.*

## POLITICO-CATHOLICVS.

Nihil aliud tibi propositum videtur esse, quàm ut nos desperationem victoriæ præcípites agas. Sed cur non victoriæ sufficiunt vires nostræ? Non ex virium nostrarum defectu, urbes cepit hostis: causas multas aperui, cur ferè sine pugná victor fuerit. Aut saltè novæ vires comparari possunt. Quæ jam sunt, disciplinâ militari destitutas esse, cur tam graviter queteris? Maxima exercitus nostri pars eos milites habet, qui in Germaniâ, aliisque locis præclara militiæ tyrocinia posuerunt: hostiles copiæ, nullam pugnam nisi ex suis aggeribus apud Trajectum valdè munitis, viderunt: numquam hætenus in campum prodierunt. Nec plus negotii est cū exercitu nostro, quàm cum hoste: nam nulla seditio tanto in exercitu nostro, ut velut hostis, urbes nostras ex iracundiâ aut stipendiorum defectu exacerbatus invaderet, quemadmodum in primis Belgii tumultibus factum legimus.

## P V T E A N V S.

*Hic autem nostrâ interdum seditione, plerumque negligentia vincit: animosior, quia extra aquas & paludes fortis nuper apparuit, parvis copiis magnis ausus resistere, tanquam nihil ad victoriam numerus faciat.*

## POLITICO-CATHOLICVS.

Nisi Henrici Bergii secessionem & quorundam prodiciones intelligas, nullam aliam seditionem intelligo: sic vicit hostis. Negligentia verò, an apud Trajectum aliqua, dum citò collectus miles non fuit, nec pugna maturè, imò nec ulla à Marchione Sancta-Crucio citò suscepta? Plurima similis negligentia exempla in hostibus, & quidem ipso Mauricio vidimus. In Bredanâ obsidione hæc notanda sunt. Primò, quòd urbi alimenta in multos annos necessaria non providerint. Secundo, quòd Spinolam, cū vix quindecim hominum millia penes se haberet, non impedierint; sed passi sint cum sua propugnacula & aggeres per otium facere, adeò ut ne quidem unum telum miserint. Tertiò, quòd flumē, quò Bredam navigatur, arcibus in ripâ erectis antè non communie-

rint,quàm Spinola urbem vallaret. Quartò,quòd toto obf-  
dionis tempore vivente Mauritio, hostilia munimenta per  
decem leucas diffusa, non semel ausi fuerint impetere, nec  
ullum propugnaculum tentare. Quintò, quòd numquam  
nostros aggressi fuerint, qui annonam & com meatum car-  
ris, octo leucarum itinere convehabant. Sextò, quòd absen-  
te equitatu nostro, qui ad vehendam annonam stipabat,  
numquam aggeres nostros sint aggressi, nullumque sui ani-  
mi periculum fecerint, nisi leve quoddam sub Comitibus Hen-  
rici Nassovii Ducatu. Septimò, quòd semper suis castris se  
continuerint, nec unquam ad pugnam venire ausi fuerint, li-  
cèt sæpiùs à nobis fuerint lacesiti, & ipsi multitudine essent  
superiores. Octavò, quòd cum nossent in quot menses Bre-  
danis annona sufficeret, nullum interea oppidum tentarint;  
cum potuissent spatio novem mensium Dunkerckam, Neo-  
portum, Brugas, & aliquot alias urbes invadere. Et has ne-  
gligentias non in hoste, sed nostris statim arguis; cum potiùs  
per conjurationem & temporum incommoda excusare de-  
buisses. Ad animositatem hostium & fortitudinem venio:  
quam utramque in hoste laudas: *Animosior, inquis, quia extra*  
*aquas & paludes fortis nuper apparuit; parvis, copiis magnis ausus resi-*  
*stere, tanquam nihil ad victoriam numerus faciat.* Quando extra  
aquas & paludes fortis nuper apparuit; parvis, copiis magnis  
ausus resistere? Non apud Bredam, ut dixi. Quàm fortiter  
(Deus bonet!) apud Brugas extra aquas apparuit! Post captam  
Sylvamducis, Galli hortati erant Hollandos, ut uno impetu  
Flandriam universam opprimerent: milliones, & apparatus  
instructissimum dederant. Venit ergo Auriacus, & Brugas  
tentare meditatur. Stabant in armis ingentes Gallorum  
& Hollandorum copix, jam totam Flandriam in manibus  
suis se habere gloriabantur: sed ubi adesse nostros tulit fa-  
ma, vix aut ne vix quidem Regios videre sustinuerunt; pavo-  
re correpti, fame & navigationis molestiis enecti, totam  
suam spem in fugà posuerunt: cum tamen tantam multitu-  
dinem haberent, ut decuplò nostros multitudine superarèt.

Cur

Cur tunc animosi non fuerunt? cur fortes non apparuerunt? cur nostris parvis copiis, suis tam magnis non fuerunt ausi resistere? Certè, tunc apparuit numerum & multitudinem Batavorum nihil ad victoriam facere. Sed fortè de Trajecto intelligis, quando nostris magnis copiis, fuerunt suis parvis copiis ausi resistere. Magna animositas & fortitudo, quando altissimis aggeribus quasi muris septi, & triplice fossâ muniti, tria tantum millia, quæ non monito Marchione Sancta-Crucio, repentè Papenheimius eduxerat, è suis castris depulerunt. Quin apud Bredam aliquid tentarunt? Cur numquam in campum descendunt? Cur numquam nobiscum aperto Marte decernunt? Cur nostros Mosam transcunt, eorum equitatus expectare non fuit ausus? Cur ad pugnam coacti, cum essent 150. adversus nostros 60. sic pugnarunt; ut à nostris vel caperentur, vel occiderentur? Cur semper pugnam, toties, & jam ab Excell. Marchione de Aytona oblatam, detrectarunt? Quàm fortes in cavernis suis lepores, quò molossi latratum quidem mittere, sed rostrum non possunt!

#### P V T E A N V S.

*Possunt vincere, qui pugnare audent: sed malunt non pugnare, ut Fortunam Pace firment. Ergo Regis nostri amicitiam, mutatis animis, & societatem æstimant; ut postquàm strenui fuere, tati sint, & aliorum simul bella excludant.*

#### P O L I T I C O - C A T H O L I C V S.

Pacem igitur velut utilem amant, ut nempe fortunam pace firment, divitias acquirant, suum grande æs alienum exsolvant paulatim, quo non gravantur tantum, sed opprimuntur; deinde recuperatis viribus, bellum longè crudelius Regi moliantur. Non à bello abstinendum censeo, ut eorum fortuna bello prorsus evertatur. Quid deinde eorum amicitiam proponis? Amicitiam illorum non quærit. Cum hæreticis illam (etsi apud te sint strenui) habere non vult; Fidei suæque hæreditatis restitutionem petit.

## Littera P. PUTEANI.

*Regis, inquam, nostri; quia Maximi, quia maris Domini: mari enim nisi fruantur, non se putant tutos esse, non vivere, non ali. Vtriusque se quasi naturâ elementi incolas esse; male vim exerceri: Orbem univ-  
sum tanquam unam classibus insulam cingere; domi cingi. Pace hac cor-  
rigi omnia: unos uni, ubique dominanti, timendos esse, si hostes sint; so-  
vandos, si Amici: amplius à subditis nec præstari, nec exigi posse.*

Responso POLITICO-CATHOLICI ad Litteram  
P. Puteani.

## PUTEANVS.

*Regis, inquam, nostri (scilicet amicitiam & societatem) quia  
Maximi, quia maris Domini: mari enim nisi fruantur, non se putant  
tutos esse, non vivere, non ali. Vtriusque se quasi naturâ elementi inco-  
las esse; male vim exerceri: Orbem univ-ersum tanquam unam classibus  
Insulam cingere; domi cingi. Pace hac corrigi omnia: unos uni, ubique  
dominanti, timendos esse, si hostes sint; fovendos, si Amici: amplius à  
subditis nec præstari, nec exigi posse.*

## POLITICO-CATHOLICVS.

Paret quàm vulgaris sit hæc amicitia, non affectu, sed uti-  
litate æstimata, juxta illud Ovidii:

*Vulgus amicitias utilitate probat.*

Age, Rex Magnæ, ostendere verè maris dominium posside-  
re. Mari non fruantur; tunc tuti non erunt, non vivent, non  
alentur. Illud in tuâ potestate est, si illos nempe domi cingas.  
Hoc consilium jam pridem subministratum. Hæc una via vi-  
ctoriæ: si terrestri bello impetantur, ut dixi, & navibus eorû  
insulæ cingantur, omnisq; navigandi libertas adimatur. Om-  
ne enim hostium robur & potentia in mercimoniis consistit:  
si negotiandi via intercludatur, nervos belli amittent, id est,  
pecunias quæ ip[s]is ex negotiorum & commerciorum tracta-  
tione proveniunt. Sint ergo naves quadraginta, aut paulo  
plures per Flandriæ littora & alia loca dispersæ: ita imperium  
maris

maris teneri posse, plerique putant. Quæ naves parari & ali facile possunt: si una Provincia, unumquodq; Regnum, duas trêsvè sumptu suo paret & alat; vel si privatis liceat ære suo parare & alere, eâ conditione, ut prædam, quam ab hoste in mari referent, rei navalis Præfecti inter singulos dispartiantur, Regio Fisco decimâ tantum ejus parte assignatâ. Sic Regi nostro ubique (terrâ nempe marique) dominanti, timendi non erunt, etiam si hostes sint. Hostes autem semper erunt, quàm diu suam pestiferam Religionem non exterminabunt, & hæreditatem Regiam non restituent: scias utrumque, & à subditis præstari debere, & à Rege nostro exigì posse.

Littera Q. PUTEANI.

*Querunt igitur domi Pacem, ubique daturi: ut si in aquis suis quieti, quâdam velut pacti vice, tranquilla in Oriente & Occidente maria sint: ubi arma fuerunt, libera commercia vigeant; jure suo, sine impedimento, Rex utatur. Præstat profectò unam Bataviam pacatam esse, quàm maria omnia, omnesq; insulas infestari: imò unam Bataviam Regis non esse, ut labe & lue belli tota potestas liberetur. Aurum argentumq; ex Americâ tuto in Hispaniam itinere subvehi, Pacis pretium est. Quamdiu hostes erunt, rapi thesauri poterunt. Salvi perveniant quoque: bello tamen, hoc inquam Belgico, hoc voraci, consumentur.*

Responsio POLITICO-CATHOLICI ad Litteram  
Q. Putciani.

PUTEANVS.

*Querunt igitur domi Pacem, ubique daturi: ut si in aquis suis quieti, quâdam velut pacti vice, tranquilla in Oriente & Occidente maria sint: ubi arma fuerunt, libera commercia vigeant, jure suo, sine impedimento, Rex utatur. Præstat profectò unam Bataviam pacatam esse, quàm maria omnia, omnesq; insulas infestari: imò unam Bataviam Regis non esse, ut labe & lue belli tota potestas liberetur. Aurum*  
N. *argentumq;*

*argentumq; ex Americâ tuto in Hispaniam itinere subvehi, Pacis pretium est. Quamdiu hostes erunt, rapi thesauri poterunt. Salvi perveniant quoque; bello tamen, hoc inquam Belgico, hoc voraci, consumentur.* POLITICO-CATHOLICVS.

Rex illorum pace non indigebit, eorum infestationes non timebit, si expeditas naves habeat, quibus possit obistere. Non tunc maria omnia, omnesque insulas infestabunt, si ipsis omnis aditus in maria omnia, omnesque insulas intercludatur. Primò, cum quindecim triremibus & totidem navibus milite instructissimis, freti Gaditani angustix, quæ variis in locis vix tres in latitudinem leucas habent, præcludantur: tunc nec Mari Mediterraneo, nec Ligustico, nec Adriatico frui poterunt; nullum cum Italis, Massiliensibus, aliisque in Gallicanâ illâ orâ gentibus, commercium habebunt. Secundò, Orientalis Indiæ navigatio impediatur à decem onerariis optimè instructis, in insulâ S. Helenæ stationem habentibus, quò hostes ex Oriente redeuntes, necessariò debent appellere ad instauranda navigia. Tertiò, cum in Occidentè Hollandicæ naves tantum viginti eant, & in oppidis maritimis multum ab invicem remotæ, suas merces distrahant: viginti aut plurimis navibus instructissimis faciliè opprimi possunt. Si semel rerum suarum jacturam faciant, Orientales illæ & Occidentales Societates vix respirabunt. Quartò, ingenti tantum classe cingatur Batavia, ut nulla navis liberè possit portu solvere: quid agent? Agedum, Potentissime Rex, gentem hanc impiam ab Oriente & Occidente procul remove; ne suæ hæreseos pestē istis rudibus & imperitis populis propinet; ne præterea tot milliones annuatim sibi hostes comparent, quibus tela cudantur in tuum caput convertenda. Maris imperium penes te est, ne dubita, classem exstrue. Sumptus, quos multis annis facturus esses, uno aut altero anno liberaliter deprome; ut domi bellum habeant, ut ingenti & numeroso exercitu terrâ mariq; oppugnentur. Sic Batavia erit tua: sic labe & lue belli tota tua potestas liberabitur; sic aurum argentumque ex Americâ tuto in Hispaniam itinere subvehetur; sic rapi thesauri tui

non poterunt, & in manus tuas salvi pervenient. Belli hujus diuturni hoc pretium erit. Quid? præstat Bataviam Regis non esse? Erras Puteane. Fac tuam, Rex Magne. Facere id potes, si totam mentem & opes, uno aut altero anno ad hoc unum bellum Belgicum convertas.

Littera R. PUTEANI.

*Tantum gens una potest, imò tantum una olim potuit, Romanos sub Vespasiano Casare potentissimos ausa longo, acri, & periculoso bello fatigare. Batavi fuere, & tanquam adhuc pugnent*

Non aucupantes bellum, sed belligerantes.

*Post arma Pax placuit, & quorum virtus formidolosa erat, amicitia quasita. Civilis dux belli & auctor fuerat: primus in gratiam receptus. Gens ipsa Amici & Fratres Romani Imperii facti. Qui honos etiam lapide expressus est:*

GENS. BATAVORVM. AMICI. ET. FRATRES.

ROMANI. IMPERII.

*Accedit Taciti prudentissimi Historici elogium: Omnium harum gentium virtute præcipui Batavi, non multum ex ripâ, sed insulam Rheni amnis columna. Cartorum quondam populus, & seditione domesticâ, in eas sedes transgressus, in quibus pars Romani Imperii ferent. Manet honos, & antiquæ societatis insigne. Nam nec tributis conteruntur, nec publicanus atterit. Exempti oneribus & collationibus, & tantum in usum præliorum sepositi, velut tela atque arma, bellis reservantur.*

Responsio POLITICO-CATHOLICI ad Litteram  
R. Puteani.

PUTEANVS.

*Tantum gens una potest, imò tantum una olim potuit, Romanos sub Vespasiano Casare potentissimos ausa longo, acri, & periculoso bello fatigare. Batavi fuere, & tanquam adhuc pugnent.*

Non aucupantes bellum, sed belligerantes.

*Post arma Pax placuit, & quorum virtus formidolosa erat, amicitia quasita. Civilis dux belli & auctor fuerat: primus in gratiam rece-*

N 2

ptus.



*ptus. Gens ipsa Amici & Fratres Romani Imperii facti. Qui honos etiam lapide expressus est:*

GENS. BATAVORVM. AMICI. ET. FRATRES.  
ROMANI. IMPERII.

*Accedit Taciti prudentissimi Historici elogium:* Omnium harum gentium virtute præcipui Batavi, non multum ex ripâ, sed insulam Rheni amnis colunt. Cattorum quondam populus, & seditione domesticâ, in eas sedes transgressus, in quibus pars Romani Imperii fierent. Manet honos, & antiquæ societatis insigne. Nam nec tributis conteruntur, nec publicanus atterit. Exempli oneribus & collationibus, & tantum in usum præliorum sepositi, velut tela atque arma, bellis reservantur.

POLITICO CATHOLICVS.

Numquam Batavia prius in Romanorū potestate fuerat: Romani, cum sub Vespasiano multis bellis premerentur, dignati sunt ipsum Civilem belli auctore & Batavos in amicitiam recipere. Sed dic mihi, si Romani prius Bataviam sui juris fecissent, an contenti fuissent, si suam tantum amicitiam & societatem obtulissent? Quid? fuissent exempti tributis, oneribus, collationibus, & tantum in usum bellorum sepositi? Sanè & ex ipsâ Romanâ historiâ constat, ab Urbis ortu ad Iovinianum Imperatorem non inveniri Consulem aut Imperatorem, qui semel Romani juris factas terras hosti concesserit, ut loquitur Ammianus Marcellinus lib. 25. Iam verò, cum Hispaniæ Regis hæreditatem occuparint: cum se non amicos & fratres Romani Imperii, sed Cæsareæ & Regiæ Majestatis inimicos & capitales hostes sæpius declararint. Quid est, quod Rex rebellium & hæreticorum, pacem communem perturbantium, amicitiam & societatem querere debeat?

Littera S. PVTEANI.

*Sed profecto Romanâ virtute jam & potentiâ Hispani sunt, Vespasianus PHILIPPVS est: non posse bellum nisi Pace finire, tam luculento exemplo docemur: finiendum esse, jura divina & humana cogunt. Non potest*

*potest armis: ergo conditionibus; quæ qualescumq; erunt, armis tamen meliores erunt, quia salutem includent.*

Responsio POLITICO-CATHOLICI ad Litteram  
S. Putcani.

PVTEANVS.

*Finiendum (bellum) esse, jura divina & humana cogunt.*

POLITICO-CATHOLICVS.

Ne sutor ultra crepidam. Sunt Theologi, sunt Iuris utriusque peritissimi, qui Regi vera & sana consilia subministrare debeant. Regem ad finiendum bellum cogi, siue jura divina, siue humana spectemus: quis dicat, nisi juris imperitissimus? quis dicat, nisi velit asserere Regem, qui nondum bellum finit, sed vult prosequi jura divina & humana violare? Quid juri divino magis consonum, quàm è suâ ditione pellere hæreses, & verum sanctumque Dei cultum reducere? Quid juri humano convenientius, quàm suum patrimonium ab iniustissimis inuasoribus repetere?

PVTEANVS.

*Non potest (scilicet finiri bellum) armis: ergo conditionibus; quæ qualescumq; erunt, armis tamen meliores erunt, quia salutem includent.*

POLITICO-CATHOLICVS.

Ergo qualescumque conditiones ab hostibus acceptandæ: ita inquit Putcanus: nam illæ, qualescumque erunt, armis tamen meliores erunt. Apage; ignavis, ruinæ proximis, & necessitate coactis hoc dicas. Atqui, neque nos ignavos, nec ruinæ proximos, nec necessitate pressos ostendi. Et ut Rex se suis rebellibus subiciat, pro hostium arbitrio, qualescumque conditiones accipiat, Fuge hoc opprobrium sempiternum, Monarcha Potentissime.

Littera T. PVTEANI.

*Sed ne ad iniquitatem veniant, tractantium jam industriâ, prudentiâ, pietate cautum est: tractant enim, quia cautum. Si gloriam verò merentur, qui fortiter bellum gerunt; majorem certè, qui feliciter finiant, qui tempestatem in malaciam, noctem in diem, luctum in letitiam commutant. O magna, & victura semper in Annalibus nomina, quibus Pacem Belga debituri sunt! Peragite, O salutis publicæ*

*sequestri, & jam calo digni, non humanum, sed divinum opus. Vestro beneficio, alius fortunas, alius patriam, omnes vitam ac spiritum accipiens: intelligent omnes partâ Pace, felicitatem suam cum quiete publicâ conjunctam esse.*

Responsio POLITICO-CATHOLICI ad Litteram  
T. Puteani.

PVTEANVS.

*Sed ne ad iniquitatem veniant, tractantium jam industriâ, prudentiâ, pietate cautum est: tractant enim, quia cautum.*

POLITICO-CATHOLICVS.

Navigationem liberam in Orientem & Occidentem illis permittendam in hoc tractatu sæpius suastisti. Tu hoc iniquitatem non vocas: iniquitatem autem esse Status nostri, hoc inter multa alia judicarunt; nec pacem huic conditioni prætulerunt. Eorum prudentiam, pietatem, & erga Regem constantissimam fidelitatem laudamus.

PVTEANVS.

*Si gloriam verò merentur, qui fortiter bellum gerunt; majorem certe, qui feliciter finiunt, qui tempestatem in malaciam, noctem in diem, luctum in lætitiâ commutant.*

POLITICO-CATHOLICVS.

Finire noluerunt, quia feliciter finire non poterant. Belli tempestatem tolerandam esse potiùs existimarunt: quàm non satis Regi suo fideles viderentur; ut permitterent aliquid, vel Religioni nostræ perniciosum, vel Regiâ Majestate indignum peragi. Quorum consiliis apud Regem, vel opibus in Patriâ si fortiter bellum instauretur: brevi tempestatem in malaciam, noctem in diem, luctum in lætitiâ commutabunt.

Littera V. PVTEANI.

*Pacem, tanquam optimam, laudo; Pacem, tanquam utilissimam, suadeo, & omnibus belli consiliis posthabitis, ineundam esse. Pace ad salutem surgimus, bello perimus. Dum licet, obviam fortuna eundem est: plus minatur malis, quàm dedit: & quos concussit, potest evertere. Præstat securos, quàm animosos esse. Nemo adeo, monente Tacito, in arma promptus, ut non idem pretium quietis, quàm periculi malit. Aliquando non habere hostes, victoria genus est: fieri Amici possunt,*

possunt, si hostes esse desinant, quando odia beneficiis sopiuntur. Ut equi, sic homines sunt: generosiores vim recusant. Armis quid opus, si conditionibus finire bellum potest: quid calcaribus & stimulis, si poppy smata & blanditia sufficiunt? Bucephalum, vel simulacrum ejus videamus, pulcherrimum & superstes in monte Quirinali Phidia & Praxitelis opus: hâc industriâ ille sedecim, si Plinium audiamus, vel tredecim, si A. Gellium, talentis emptus equus domari, & eodem in pignus certaminis pretio potuit. Nempe plus ingenium Alexandri beluam mulcentis, quàm vis & severitas agasorum castigantium effecit. Opulchra igitur & opportuna verba!

Peragit tranquilla potestas,  
Quod violenta nequit, mandataque fortiùs urget  
Imperiosa quies,

Responsio POLITICO-CATHOLICI ad Litteram  
V. Puteani.

PVTEANVS.

*Pacem, tanquam optimam, laudo; Pacem, tanquam utilissimam, suadeo, & omnibus belli consiliis posthabitis, ineundam esse.*

POLITICO-CATHOLICVS.

In hâc litterâ, ut in argumento significas, rerum omnium dictarum epilogum facis. Ego etiam epilogum facio. Patet ergo ex superioribus, pacem tanquam pessimam, tanquam Fidei Catholicæ & Regi perniciosissimam: & bellum, omnibus pacis consiliis posthabitis, ineundum esse. Quocirca non pacem, quam necessitatis pretio æstimare voluisti, sed bellum necessarium duco. Nobis adsunt vires, sunt milites, non sunt exhausta æraria, Regis voluntas est, qui media potest suppeditare, præsertim jam novâ classe ex Indiis feliciter appullâ, ac ditissimâ, robustior. Hollandi planè exhausti sunt, ære alieno oppressi, ad ultimas metas redacti: & sic belli finis instat, quia brevi eos necessitas adiget, ut cum Rege component. Figmenta non sunt, ex his argumentis in Concilio privato Hollandiæ propositis diuque examinatis collige, in quo periculo & necessitate Respublica Batavica versetur.

*Argumenta*

*Argumenta Veridici cujusdam in Hollandiâ Consiliarii, quibus ostendit Rempubicam Batavorum necessitari ad faciendas inducias cum Rege Hispania, vel pacem.*

1. Dubii sunt omnes bellorum eventus: unâ clade, aut locorum quorundam amissione, in manifestum ruinæ periculum veniet nostra Respublica. Cui malo non subjacet inimicus, quia ex terris sibi subditis copiosum militem subito potest colligere: externo autem milite Hollandus eget.

2. Eo tempore, quo hostis in Velaviam fecit impetum, perspectum est manifestè in quantum discrimen possimus venire: evasimus quidem, sed magis per exiguam hostis experientiam, quàm armorum nostrorum vires. Si Cæsarei, quando Amersfortium occuparunt, involassent in Nardam, Muyam, & Ultrajectum, sine dubio cepissent: neque Sylvamducis & Wefaliam habuissemus. Similes adhuc occasiones possunt occurrere, si hostis plus experientiæ haberet.

3. Civitatis Sylvæducensis obsidio & expugnatio, eò Statum nostrum redegit, ut jam non possimus nisi exercitum defensivum sustentare. Iisdem deinde oneribus & tributis gravamur, quibus antea solebamus: semperque sumus obnoxii ruinæ, quando hostis omnes suas vires volet insumere. Certum etiam est, sumptus ad bellum gerendum necessarios, longè excedere omnes Fœderatarum Provinciæ proventus, & indies crescere.

4. Computus generales in his Provinciis facti, clarè nobis ostendunt, quàm sint oppignorati nostri Status: nam rerum oppignoratarum redditus solvendi, ascendunt annuè ad sex miliones florenorum; ad quos exsolvendos, opus est parare pecuniam iterum, cum novo damno.

5. Quòd copiosum exercitum superiore anno 1632. eduxerimus, fuit propter secretam correspondentiâ quam Status nostri habebant cum aliquibus personis; propter ingentia promissa quibus Rex Fræciæ pecunias & viros pollicebatur. Quòd Venlona, Ruræmunda, Trajectum, Limburgum, Orfoya, in manus nostras venerint, potius hostium negligentia & tra-

& traditoribus, quàm nostræ fortitudini tribuendum est.

6. Nova vectigalia, quæ singulis annis generaliter imponuntur, tandem magnas seditiones excitabunt, quia crudeliter intus populi sanguis exsugitur, cum tamen cessent commercia. Nulla urbs graviolem perniciem sentit quàm Amsterdamum; quæ si semel perdat commercium, simul amittet & creditum & cambia. Cum autem illa sit, quæ pecunias ad bellum sustentandum provideat: deinceps si creditum perdat & commercia, nummos in omnem eventum paratos habere non poterit.

7. Certum est, omnes urbes Hollandiæ ingentibus debitis esse oneratas, fidemque apud externos amisisse. Certissimè verò, Principem Auriacum nunquam Sylvauducis expugnatum fuisse, nisi creditum apud Amsterodamenses reperisset.

8. Periculum (quod proximum est) amittendi negotiationem, colligi potest ex magnis privilegiis ac immunitatibus, quibus Reges Daniæ, & Angliæ, & aliæ neutrales urbes in suam Regionem nostros mercatores alliciunt, eorumque trahunt commercia.

9. Negotiationem ex uno loco in alium facile migrare posse, varia nos docent exempla. Brugis, olim Flandriæ emporio, Gandavum migravit, Gandavo Antverpiam, Antverpiam in Zelandiam, in Hollandiam, Amsterdamum, ubi nondum illa ita suam sedem fixit, ut mutari non possit.

10. Dissensiones inter Gommaristas & Arminianos, licet suspensæ & compositiæ videantur, magnam in Statu nostro mutationem valent adferre. Illorum firmitas, aliorum ruina ab uno Capite & Duce militiæ dependet, qui suâ autoritate quotidie magnas sibi possessiones comparat; adeo ut facile se Dominum totius Hollandiæ possit efficere: & tunc inibit cum hostibus conditiones pacis, suo statui ac dignitati erigendæ convenientes.

11. Divitiæ sunt ambitionis parentes, quæ facit, ut beneficia à Dominis præstita tradantur oblivioni. Excitat deinde ad procuranda nova semper dominia, regimina, ac potestates cum rerum præteritarum oblivione, sicut exemplum reliquit

num quod nostris navibus intulit Dunkerkanus annis 1628. 29. 30. 31. reperimus ascendere ad duodecim florenorum milliones, sicut urbes ipsæ passæ sunt, quæ singulæ sua propria damna in Statibus retulerunt.

18. Quod si hostis navium suarum viribus uti sciret, non tantum nobis principale commercium auferret, sed etiam dominium maris obtineret, sine quo nulli essemus. Ex confusione ordo nascitur, ex peccatis ortæ sunt primæ leges: nec est nimis serò, ut incuriæ & errores hostium nostrorum corrigantur; corrigi autem facillimè possunt. Si semel ex animo incipiant, & ex suâ ignorantia ac cæcitate emergant, nulla nos juvabit industria, nulla proderunt vicinorum auxilia.

19. Qui diligenter Statum Hollandiæ considerabit, videbit nos spatio duodecim annorum, quibus durarunt industriæ, majores divitias acquisivisse, quàm spatio quinquaginta annorum, quibus bellum gessimus.

20. Bella fieri solent ob patriæ & privilegiorum defensionem, ad patriam ejusq; privilegia defendenda, ad terras hostium invadendas, ad parandam utilem & bonam pacem, Pacis conditiones nobis maximè faventes offeruntur. Et cum victores simus, decet nos eas acceptare, quandoquidem hæc pax bona sit, magnamque Statui nostro utilitatem allatura. Si pace frueremur, ex toto Orbe ad littora nostra naves appellerent, imperium maris penes nos esset, Status nostri plus virium haberent ad firmanda sua negotia, ad intestinas seditiones comprimendas, ad stabiliendam Rempublicam nostram, & sic muniendam, ut securitatem adeptura nullosque prorsus hostes quantumvis potentes, esset formidatura. Ad quæ omnia bona consequenda, omnes boni & patriæ amantes, manum libenter præberent, nec suis fortunis parcerent.

Et à bello cessabimus? Ecce penè victoriam in manibus habemus; si pugnare perseveremus, si bellum majori circumspectione & animo geramus, si omnes nostras vires eò convertamus. Resistent? opus est nervo belli, id est pecuniâ, ut semper resistent. Cadent? cadent semel. Nondum Gallorum potentia eos à debitis liberare potuit. In immensum

creverunt, & semper crescent. Væstigia tam gravia seditio-  
nes excitabunt, & ad implorandam à Rege pacem move-  
bunt, quam Rex non nisi sanctis conditionibus dabit, quas  
hactenus respuerunt. Fatentur se ruinæ proximòs, nisi cum  
Rege conveniant: cur ergo non pergimus? Diuturnitatem  
belli nè conqueramur: hæc belli diuturnitate frangi debent.  
Ratio hæc una vincendi, eos paupertate quasi fame confice-  
re. Iuvare externi Principes pecuniâ Rempublicam pote-  
runt, non populum, qui se atteri & rodi non semper feret.  
Membra adversus caput insurgent: nec diu expectandum,  
quemadmodum ex supradictis argumentis videre possumus.

P V T E A N V S.

*Pace ad salutem surgimus, bello perimus. Dum licet, obviam for-  
tuna eundem est: plus minatur mali, quàm dedit: & quos concussit,  
potest evertere.*

P O L I T I C O - C A T H O L I C V S.

Ad feliciorē pacem & innoxiam salutem, bello fortissi-  
mo & acerrimo veniemus. Vt bello pereamus, tota Regis  
Hispaniæ potentia, quæ invicta, prius bello pereat, necesse  
est. Quid timemus? Noli tam infausta vaticinari. An aves  
consuluvisti, vel in arcana Batavorum penetrasti: ut dicas  
fortunam plus nobis minari quàm dedit? & nos, quos con-  
cussit, posse evertere? Sed invenisti fortissimos Hispanorum  
& Belgarum animos, qui tuis verbis terreri non possunt: qui  
omnem tempestatem, potiùs suo capite libentissimè sint ex-  
cepturi; quàm ut Fidei Catholicæ & Regis sui dignitas peri-  
clitetur.

P V T E A N V S.

*Præstat securos, quàm animosos esse. Nemo adeò, monente Tacito,  
in arma promptus, ut non idem pretium quietis, quàm peri-  
culi malit.*

P O L I T I C O - C A T H O L I C V S.

Securus Rex esse non potest, neque secura Religio, nisi  
animosi simus. Excors ille est, qui bellum, quod pro vel Re-  
ligione, vel Rege necessariò gerendum est, turpi & periculo-  
sæ paci non præponit. Qui generosus haberi cupit, ubi Deus  
& Rex ad bellum vocat, mavult pretium periculi, quàm  
quie-



quietis: pietas erga Deum, erga Regem fidelitas numquam clarius & illustrius, quàm in periculis & rebus adversis spectatur.

### Littera X. PUTEANI.

*Sed sint blanditia, absint fallacia: tolero, ut sic dicam, poppy-smata, damno fraudulenta. Fiant, fiant Inducia, ut bonâ fide miseria profligantur. Maximi hostes, calamitates publicæ sunt, optima consilia, maiorum remedia. Vertamus omnia, tentemus singula: bello carere, pulcherrima bellandi ratio est, tutissima victoria. Cedant arma toge, cedant arvis & aratris, aut in hæc mutantur. Pulchrius vomer, quàm ensis splendet; bidens, quàm hasta: melius ferro veruacæ agrorum, quàm agmina agricolarum proscinduntur. Alterum belli scelus, alterum Pacis beneficium est. Colantur rura, satius jam sanguine ad fertilitatem imbuta sunt; navigentur maria, satius classibus turbata sunt: vigeant commercia, satis latrocinii distracta sunt. Reddent rura, maria, commercia Regi, quod bellum abstulit: reddent populi, quod bello amiserunt: denique quantum florebant populi, Regi accedet. Hæc Belli & Pacis Statera est, ut suo Inducia pretio æstimentur.*

### Responsio POLITICO-CATHOLICI ad litteram, X. Puteani.

#### PUTEANVS.

*Vertamus omnia, tentemus singula: bello carere, pulcherrima bellandi ratio est, tutissima victoria.*

#### POLITICO-CATHOLICVS.

Si Rex semper cum aliis Rebellibus (qui Batavorū, si non domentur, exemplo possunt exsurgere) inducias faceret, illi interea Regias terras possiderent: fieret brevi, ut solo nomine Rex esset. Si à bellando desisteret, & pulcherrimam hanc semper belli rationem (scilicet bello carere) sequeretur, non multum tutissimâ illâ victoriâ clarus & potens esset; sed præterquam quod singula brevi amitteret, æterno ignaviæ probro notaretur, quod statim à gerendo bello de-

ficeret, malorum impatiens. Nam ut ait Seneca in OEdipo  
A&I.

*Regium hoc ipsum reor  
Adversa capere: quoque sit dubius magis  
STATVS & candentis imperi moles labat;  
Hoc stare certo pressius fortem gradu.  
Haud est virile terga fortuna dare.*

Littera Y. PUTEANI.

*Sed tuo, Optime ac Sapientissime Woveri, iudicio, qui in bello, sed  
ad Pacem natus hujus mihi scriptiuncula auctor exstitisti; Scriptiun-  
cula, sed subitaria, quâ consilia mea, imò silentia represento. Sunt  
consilia, si Pax melior est: silentia si bellum. Ampliusne excuso? Cum  
nihil dixi, hæc tamē dixi: post quàm loqui cœpi, omnium ore, omniumq;  
voto locutus sum. Pacem omnes, sive longam, sive sequestram, sed  
Pacem clamant, & ingeminant.*

Responso POLITICO-CATHOLICI ad litteram  
Y. Puteani.

PUTEANVS.

*Optime ac Sapientissime Woveri, iudicio, qui in bello, sed ad Pa-  
cem natus, hujus mihi scriptiuncula auctor exstitisti. Scriptiuncula,  
sed subitaria, quâ consilia mea, imò silentia represento. Sunt consilia,  
si Pax melior est: silentia, si bellum. Ampliusne excuso?*

POLITICO-CATHOLICVS.

Sanè non sapientissimus fuit ille, si talem voluerit esse  
scriptiunculam tuam: tu autem, non nimis sapiens, qui hanc  
subitariam & inconsideratam edidisti. Et quia Pax non me-  
lior, sed bellum: consilia dedisti, non apta tempori. Vtinam  
siluisses, manumque a scribendo tenuisses! Nunc verò si-  
lentia esse non possunt; cum tua hæc verba, omnium fran-  
gant silentia.

PUTEANVS.

*Cum nihil dixi, hæc tamen dixi, post quàm loqui cœpi, omnium ore  
omniumq; voto locutus sum. Pacem omnes, sive longam, sive seque-  
stram, sed Pacem clamant, & ingeminant.*

## POLITICO-CATHOLICVS.

Nullus est, qui non pacem desideret: sed vir bonus & fidelis, Regis sui cultor, pacem honestam, Fidei Catholicæ & Regiæ dignitati faventem debet exoptare: non illam, quæ turpitudinem & perniciem conjunctam habet.

## Littera Z. PUTEANI.

*Audiat Deus, audiat Rex:*

Nulla salus bello, Pacem te poscimus omnes.

RESPONSIO POLITICO-CATHOLICI ad Litteram  
Z. Puteani.

## PUTEANVS.

*Audiat Deus, audiat Rex:*

Nulla salus bello, Pacem te poscimus omnes.

## POLITICO-CATHOLICVS.

Ego quoque concludam. Audiat Deus, audiat Rex.

*Tuta salus bello, Bellum te poscimus omnes,*

*Vt citò Pax veniat.*

Optamus bellum, sed quod majoribus viribus, & toto imperii conatu geratur, & sic brevi terminandum, nobisque pacem jucundissimam allaturum. Si verò diuturnitatem belli, Deus & Rex postulaveris: sequemur, non calamitates, nec mortem ferre recusabimus; pro Fide, ô Deus, pro tuo Iure, ô Rex.

Hæc est tua Statera, Puteane, quæ potius Hollandis, quam Belgis placuit. A Rege, nec Belgis tibi gratiæ debentur. Et ecce iudicium viri non infimi ex Hollandiâ, quod nuper in manus meas venit.

Primarii cujusdam viri, in Stateram Belli  
ac Pacis Iudiciûm.

*Gratias tibi ago maximas, quod doctissimi & acutissimi scripti  
lectionem mihi induleris. Ego clarissimi Puteani institutum pium,  
& saluberrimam vocem exosculor. At si Philippus essem  
&*

& Hispaniarum Rex, putarem me parum debere isti scriptori. Quid enim aliud toto isto scripto agit, quàm ut Regis sui damna, mali, sæpe consilia, irrita cæpta, suorum seditiones & dissidia exaggeret, & Orbi ob oculos ponat? Hoc est argumentum incuncta Pacis, subministrare Brabantis & Regi, non nobis. Certè, si ad incitatus redacta sunt ipsorum res, si præstat Bataviam reliquisq; insulas (ut vocat) missas facere, ut reliquis salus sit: judicabimus nos satius fore, nosq; aded turbatis hostium rebus, etiam alias Provincias Imperio nostro annexi. Magis nostram causam agit, quàm Regis sui, & istoc modo inducens suadere, est dissuadere. Videtur mihi librorum iste Censor in eodem errore versari, & probare quæ nimis ex honore adversa parti dicta sunt. Quibus ista Statera placet, ostendunt liquido, aut pereundum esse, aut ab armis abstinendum. At hoc dissimulandum magis foret, inducias petentibus, &c.

Vale igitur Domine Putecane, ad meliora pro Religione & Rege scribenda eloquentiam tuam verte; melius ac felicius deinceps, quantum Regi tuo debeas, eloquio tuo proficere.

## EX BELLO PAX.

